

ESTATUT D'AUTONOMIA
DE CATALONHA 2006




Generalitat de Catalunya

Er Estatut de 2006 ei ua òbra collectiva.

Auem demostrat un viatge mès que Catalonha ei forta
quan es catalans expressam liurament era nòsta volentat.

Auem escrit ua grana pagina dera nòsta pròpria istòria.

A handwritten signature in black ink, appearing to read "PASQUAL MARAGALL".

PASQUAL MARAGALL
President dera Generalitat de Catalonha

ESTATUT D'AUTONOMIA DE CATALONHA
PREAMBUL

Catalonha s'a anat hènt ath long deth temps damb es aportacions d'energies de moltes generacions, de moltes tradicions e cultures, que i an trapat ua terra d'acuelhuda.

Eth pòble de Catalonha a mantengut ath long des sègles ua vocacion constanta d'autogovèrn, encarnada en institucions pròpies coma era Generalitat –que siguec creada en 1359 enes Corts de Cervèra– e en un ordenament juridic especific, remassat, entre d'autres recopilacions de normes, enes Constitucions e d'auti drets de Catalonha. Despús deth 1714, an estat diuèrsi es assagi de recuperacion des institucions d'autogovèrn. En aguest itinerari istoric constituïssen hites destacades, entre d'autres, era Mancomunitat de 1914, era recuperacion dera Generalitat damb er Estatut de 1932, eth restabliment dera Generalitat en 1977 e er Estatut de 1979, neishut damb era democràcia, era Constitucion de 1978 e er Estat des autonomies.

Era libertat collectiva de Catalonha tròbe enes institucions dera Generalitat eth nexe damb ua istòria d'affirmacion e respècte des drets fondamentaus e des libertats publiques dera persona e des pòbles; ua istòria qu'es hemnes e es òmes de Catalonha vòlen prosseguir damb era finalitat de hèr possibla era bastida d'ua societat democratica e auançada, de benèster e progrès, solidària damb eth conjunt d'Espanha e incardinada a Euròpa.

Eth pòble catalan contunhe proclaimant aué coma valors superiors dera sua vida collectiva era libertat, era justícia e era igualtat, e manifeste era sua volentat d'auançar per ua via de progrès, qu'assegure ua qualitat de vida digna entà toti es que viuen e trebalhen en Catalonha.

Es poders publics son ath servici der interès generau e des drets dera ciutadania, damb respècte peth principi dera subsidiarietat.

Ei per tot açò que, en tot seguir er esperit deth preambul der Estatut de 1979, aguest Estatut assumís que:

- Catalonha ei un país arric en territoris e gents, ua diuersitat que la definís e la enriquis des de hè sègles e la en.hortís entàs tempsi a vier.
- Catalonha ei ua comunitat de persones liures entà personnes liures a on cadun pòt víuer e expressar identitats diuèrses, damb un decidit compromís comunitari basat en respècte pera dignitat de cadua des personnes.
- Era aportacion de toti es ciutadans e ciutadanes a configurat ua societat integradora, damb er esfòrç coma valor e damb capacitat innovadora e emprenedora, uns valors que contunhen impulsant-ne eth progrès.
- Er autogovèrn de Catalonha se fondamente ena Constitucion, e tanben enes drets istorics deth pòble catalan, que, en encastre d'aquera, dan origen en aguest Estatut ath reconeishement d'ua posicion singulàra dera Generalitat. Catalonha vò desenvolopar era sua personalitat politica en encastre d'un estat que reconeish e respècte era diuersitat d'identitats des pòbles d'Espanha.
- Era tradicion civica e associativa de Catalonha a soslinhat tostemp era importància dera lengua e era cultura catalanes, des drets e es déuers, deth saber, dera formacion, dera cohesion sociau, deth desenvolupament sostenible e dera igualtat de drets, e aué, especiaument, dera igualtat entre hemnes e òmes.
- Catalonha, per miei der Estat, participe ena bastida deth projècte politic dera Union Europèa, es valors e es objectius dera quau compartís.
- Catalonha, des dera sua tradicion umanista, reforfilhe eth sòn compromís damb toti es pòbles entà bastir un orde mondial pacific e just.

Eth Parlament de Catalonha, en tot recuélher eth sentiment e era volontat dera ciutadania de Catalonha, a definit Catalonha coma nacion d'ua manèra àmpliament majoritària. Era Constitucion espanhòla, en article dusau, reconeish era realitat nacionau de Catalonha coma nacionalitat.

En exercici deth dret inalienable de Catalonha ar autogovèrn, es parlamentaris catalans prepausen, era Comission Constitucionau deth Congrès des Deputats acòrde, es Corts Generaus apròven e eth pòble de Catalonha ratifique aguest Estatut.

TÍTOL PRELIMINAR

ARTICLE 1. Catalonha

Catalonha, coma nacionalitat, exercís eth sòn autogovèrn constituïda en comunitat autònoma cossent damb era Constitucion e damb aguest Estatut, qu'ei era sua norma institucionau basica.

ARTICLE 2. Era Generalitat

1. Era Generalitat ei eth sistèma institucionau en quau s'organize politicament er autogovèrn de Catalonha.
2. Era Generalitat ei compausada peth Parlament, era Presidéncia dera Generalitat, eth Govèrn e es autes institucions qu'establís eth capítol V deth títol II.
3. Es municipis, es vegueries, es comarques e es auti ens locaus qu'es leis determinen intègren tanben eth sistèma institucionau dera Generalitat, coma ens enes quaus aguesta s'organize territoriaument, sense prejudici dera sua autonomia.
4. Es poders dera Generalitat emanen deth pòble de Catalonha e s'exercissen cossent damb çò qu'establissem aguest Estatut e era Constitucion.

ARTICLE 3. Marc politic

1. Es relacions dera Generalitat damb er Estat se fondamenten en principi dera leiautat institucionau mutua e se regissen peth principi generau segontes eth quau era Generalitat ei Estat, peth principi d'autonomia, peth de bilateralitat e peth de multilateralitat.

2. Catalunya a en Estat espanhòu e ena Union Europeà eth sòn espaci politic e geografic de referéncia e incorpòre es valors, es principis e es obligacions que deriven deth hèt de formar-ne part.

ARTICLE 4. Drets e principis rectors

1. Es poders publics de Catalunya an de promòir eth plen exercici des libertats e es drets que reconeishen aguest Estatut, era Constitucion, era Union Europeà, era Declaracion universau de drets umans, eth Convèni europeu entara proteccion des drets umans e es auti tractats e convènis internacionaus soscrits per Espanya que reconeishen e garantisen es drets e es libertats fundamentaus.

2. Es poders publics de Catalunya an de promòir es condicions entà qu'era libertat e era igualtat des individus e des grops siguen reaus e efectives; an de facilitar era participacion de totes es personnes ena vida politica, economica, cultura e sociau, e an de reconéisher eth dret des pòbles a conservar e desenvolopar era sua identitat.

3. Es poders publics de Catalunya an de promòir es valors dera libertat, era democràcia, era igualtat, eth pluralisme, era patz, era justícia, era solidaritat, era coesión sociau, era equitat de genre e eth desenvolupament sostenible.

ARTICLE 5. Es drets istorics

Er autogovern de Catalunya se fondamente tanben enes drets istorics deth pòble catalan, enes sues institucions seculares e ena tradicion juridica catalana, qu'aguest Estatut incorpòre e actualize ara empara der article 2, era disposicion transitòria dusau e d'auti precèptes dera Constitucion, des quaus derive eth reconeishement d'ua posicion singulara dera Generalitat en çò que hè ath dret civiu, era lengua, era cultura, era projecccion d'aguestes en encastre educatiu e eth sistèma institucionau en qué s'organize era Generalitat.

ARTICLE 6. Era lengua pròpria e es lengües oficiaus

1. Era lengua pròpria de Catalunya ei eth catalan. Coma tau, eth catalan ei era lengua d'us normau e preferent des administracions publicques e des mieis de comunicacion publics de Catalunya, e ei tanben era lengua normaument emplegada coma veiculara e d'aprendissatge en ensenhamant.

2. Eth catalan ei era lengua oficiau de Catalunya. Tanben n'ei eth castelhan, qu'ei era lengua oficiau der Estat espanhòu. Totes es personnes an eth dret d'usar es dues lengües oficiaus e es ciutadans de Catalunya an eth dret e déuer de coneisher-les. Es poders publics de Catalunya an d'establir es mesures de besonh entà facilitar er exercici d'aguests drets e eth compliment d'aguest déuer. Cossent damb çò que dispause er article 32, non i pòt auer discriminacion per usatge de quinsevolha des dues lengües.

3. Era Generalitat e er Estat an d'empréner es accions de besonh entath reconeishement dera oficialitat deth catalan ena Union Europeà e era preséncia e er emplec deth catalan enes organismes internacionaus e enes tractats internacionaus de contengut cultura o lingüistic.

4. Era Generalitat a de promòir era comunicacion e era cooperacion damb es autes comunitats e es auti territoris que compartissen patrimoni lingüistic damb Catalunya. Ad aguests efèctes, era Generalitat e er Estat, segontes que correspongue, pòden soscíuer acòrds, tractats e d'auti mecanismes de collaboracion entara promocion e era difusion exteriora deth catalan.

5. Era lengua occitana, denominada *aranés* en Aran, ei era lengua pròpria d'aguest territori e ei oficiau en Catalunya, cossent damb çò qu'establissem aguest Estatut e es leis de normalizacion lingüistica.

ARTICLE 7. Era condicion politica des catalans

1. Gaudissen dera condicion politica de catalans o ciutadans de Catalunya es ciutadans espanyhous qu'agen vesiatge administratiu en Catalunya. Es sòns drets politics s'exercissen cossent damb aguest Estatut e es leis.

2. Gaudissen, coma catalans, des drets politics definits per aguest Estatut es espanyhous residents en estrangèr qu'an auut en Catalunya eth da-

rrèr vesiatge administratiu, e tanben es sòns descendants que mantien aguesta ciutadania, s' atau ac solliciten, ena forma que determine era lei.

ARTICLE 8. Simbèus de Catalunya

1. Catalunya, definida coma nacionalitat en article 1, a coma simbèus nacionaus eth drapèu, era hèsta e er imne.
2. Eth drapèu de Catalunya ei eth tradicionau de quate barres vermelles en hons auriò e a d'ester present en totes es bastisses publiques e enes actes oficiaus qu'agen lòc en Catalunya.
3. Era hèsta de Catalunya ei era Diada der Onze de Seteme.
4. Er imne de Catalunya ei *Els segadors*.
5. Eth Parlament a de regular es diuèrses expressions deth marc simbolic de Catalunya e n'a de fixar er orde protocolari.
6. Era proteccion juridica des simbèus de Catalunya ei era que correspon as auti simbèus der Estat.

ARTICLE 9. Eth territori

Eth territori de Catalunya ei eth que correspon as limits geografics e administratius dera Generalitat en moment dera entrada en vigor d'aguest Estatut.

ARTICLE 10. Eht caplòc

Eth caplòc de Catalunya ei era ciutat de Barcelona, qu'ei era sedenç permanenta deth Parlament, dera Presidència dera Generalitat e deth Govèrn, sense prejudici qu'eth Parlament e eth Govèrn se poguen amassar en d'auti lòcs de Catalunya, cossent damb ciò qu'establissem, respectivament, eth Reglament deth Parlament e era lei.

ARTICLE 11. Aran

1. Eth poble aranés exercís er autogovèrn mejançant aguest Estatut, eth Conselh Generau d'Aran e es autes institucions pròpies.

2. Es ciutadans de Catalunya e es sues institucions politiques reconeishen Aran coma ua realitat occitana dotada d'identitat culturau, istorica, geografica e lingüistica, defenuda pes aranesi ath long des sègles. Aguest Estatut reconeish, empare e respècte aguesta singularitat e reconeish Aran coma entitat territorial singulare laguens de Catalunya, era quau ei objècte d'ua particulara protecccion per miei d'un regim juridic especiau.

ARTICLE 12. Es territoris damb ligams istorics, lingüistics e culturaus damb Catalunya

Era Generalitat a de promòir era comunicacion, er escambi culturau e era cooperacion damb es comunitats e es territoris, pertanhents o non ar Estat espanyòu, qu'an ligams istorics, lingüistics e culturaus damb Catalunya. Ad aguesti efèctes, era Generalitat e er Estat, segontes que correspongue, pòden soscriuer convènis, tractats e d'auti esturments de collaboracion en toti es encastres, que pòden includir era creacion d'organismes comuns.

ARTICLE 13. Es comunitats catalanes en exterior

Era Generalitat, enes tèrmes establits pera lei, a de fomentar es ligams sociaus, economics e culturaus damb es comunitats catalanes en exterior e les a de balhar era assisténcia que calgue. Damb aguesta finalitat, era Generalitat, segontes que correspongue, pòt formalizar acòrds de cooperacion damb es institucions publiques e privades des territoris e es païsi a on se trapen es comunitats catalanes en exterior e pòt sollicitar ar Estat era soscripcion de tractats internacionaus sus aguesta matèria.

ARTICLE 14. Eficàcia territorial des normes

1. Es normes e es disposicions dera Generalitat e eth dret civiu de Catalunya an eficàcia territorial, sense prejudici des excepcions que se poguen establir en cada matèria e des situacions que s'agen de regir per estatut personau o per autes normes d'extraterritorialitat.
2. Es estrangers qu'adquirissen era nacionalitat espanyòla demoren sometuts ath dret civiu catalan en tant que mantenguen eth vesiatge administratiu en Catalunya, exceptat que manifèsten era sua volentat en contra.

TÍTOL I
DES DRETS, DÉUERS
E PRINCIPIIS RECTORIS

CAPÍTOL I
DRETS E DÉUERS DER ENCASTRE CIVIU
E SOCIAU

ARTICLE 15. **Drets des persones**

1. Es ciutadans de Catalunya son titulars des drets e es déuers reconeishuts pes normes a qué hè referéncia er article 4.1.
2. Totes es personnes an dret a víuer damb dignitat, seguretat e autonomia, liures d'explotacion, de mautractaments e de tota sòrta de discriminacion, e an dret ath liure desenvolopament dera sua personalitat e capacitat personau.
3. Es drets qu'aguest Estatut reconeish as ciutadans de Catalunya se pòden estiéner a d'autes personnes, enes tèrmes qu'establissem es leis.

ARTICLE 16. **Drets en encastre des famílies**

Totes es personnes an dret, cossent damb es requesits establits pera lei, a recéber prestacions sociaus e ajudes publiques entà atier es cargues familiaries.

ARTICLE 17. Drets des menors

Es menors an dret a recéber era atencion integrat de besonh entath desenvolapament dera sua personalitat e deth sòn benèster en contèxte familiar e sociau.

ARTICLE 18. Drets des personnes granes

Es personnes granes an dret a víuer damb dignitat, liures d'explotacion e de mautractaments, sense que poguen èster discriminades pera sua edat.

ARTICLE 19. Drets des hemnes

1. Totes es hemnes an dret ath liure desenvolapament dera sua personalitat e capacitat personau, e a víuer damb dignitat, seguretat e autonomia, liures d'explotacion, mautractaments e tota sòrta de discriminacion.

2. Es hemnes an dret a participar en condicions d'igualtat d'oportunitats damb es òmes en toti es encastres publics e privats.

ARTICLE 20. Dret a víuer damb dignitat eth procès dera mòrt

1. Totes es personnes an dret a recéber un tractament apropiat deth dolor e cures palliatives integraus e a víuer damb dignitat eth procès dera sua mòrt.

2. Totes es personnes an dret a expressar era sua volentat d'ua manerà anticipada entà deishar constància des instruccions sus es intervencions e es tractaments medicaus que poguen recéber, qu'an d'èster respectades, enes tèrmes qu'establissem es leis, especialment peth personaui sanitari quan non siguen en condicions d'expressar personaument era sua volentat.

ARTICLE 21. Drets e déuers en encastre dera educacion

1. Totes es personnes an dret a ua educacion de qualitat e a accedir-i en condicions d'igualtat. Era Generalitat a d'establir un modèl educatiu d'interès public que garantisque aguesti drets.

2. Es mares e es pares an garantit, d'acòrd damb es principis establits per article 37.4, eth dret que les assistís entà qu'es sòns hilhs e hilhes receben era formacion religiosa e morau que sigue cossent damb es sues conviccions enes escoles de titularitat publica, enes quaus er ensenhamant ei laïc.

3. Es centres docents privats pòden èster sostenguts damb hons publics cossent damb çò que determinen es leis, pr'amor de garantir es drets d'accès en condicions d'igualtat e ara qualitat der ensenhamant.

4. Er ensenhamant ei gratuït en totes es etapes obligatòries e enes auti nivèus que s'establisquen per lei.

5. Totes es personnes an dret ara formacion professionau e ara formacion permanenta, enes tèrmes qu'establissem es leis.

6. Totes es personnes an dret a dispausar, enes tèrmes e es condicions qu'establisquen es leis, d'ajudes publics entà satisfèr es requeriments educatius e entà accedir en igualtat de condicions as nivèus educatius superiors, en foncion des sòns recorsi economics, aptituds e preferéncies.

7. Es personnes damb besonhs educatius especiaus an dret a recéber eth supòrt de besonh que les permete d'accendir ath sistèma educatiu, cossent damb çò qu'establissem es leis.

8. Es membres dera comunitat educativa an dret a participar enes ahèrs escolars e universitaris enes tèrmes qu'establissem es leis.

ARTICLE 22. Drets e déuers en encastre culturau

1. Totes es personnes an dret a accedir en condicions d'igualtat ara cultura, ath desenvolapament des sues capacitats creatives individuaus e collectives.

2. Totes es personnes an eth déuer de respectar e preservar eth patrimòni culturau.

ARTICLE 23. Drets en encastre dera salut

1. Totes es personnes an dret a accedir en condicions d'igualtat e gratuïtat as servicis sanitaris de responsabilitat publica, enes tèrmes qu'establissem es leis.

2. Es usatgàrs dera sanitat publica an dret ath respècte des sues preferéncies en çò que tanh ara eleccions de mètge o metgesa e de centre sanitari, enes tèrmines e es condicions qu'establissem es leis.

3. Totes es personnes, en çò que hè as servis sanitaris publics e privats, an dret a èster informades sus es servis a què pòden accedir e es requisits de besonh entà hèr-les a servir; sus es tractaments medicaus e es sòns risques abans d'aplicar-les-ac a dar eth consentiment entà quinsevolha intervencion; a accedir ara istòria clinica pròpria, e ara confidencialitat des dades relatives ara salut pròpria, enes tèrmines qu'establissem es leis.

ARTICLE 24. Drets en encastre des servis sociaus

1. Totes es personnes an dret a accedir en condicions d'igualtat as prestacions deth hilat de servis sociaus de responsabilitat publica, a èster informades sus aqueres prestacions e a dar eth consentiment entà quinsevolha actuacion que les afècta personaument, enes tèrmines qu'establissem es leis.

2. Es personnes damb besonhs especiaus, entà mantier era autonomia personau enes activitats dera vida vidanta, an dret a recéber era atencioan adeuada ara sua situacion, cossent damb es condicions que legaument s'establissem.

3. Es personnes o es familhes que se trapen en situacion de praubesa an dret a accedir a ua renda garantida de ciutadania que les assegure es minims d'ua vida digna, cossent damb es condicions que legaument s'establissem.

4. Es organizacions deth tresau sector sociau an dret a complir es sues foncions enes encastres dera participacion e era collaboracion sociaus.

ARTICLE 25. Drets en encastre laborau

1. Es trebalhadors an dret a formar-se e promòir-se professionalment e a accedir de franc as servis publics d'aucupacion.

2. Es personnes excluides deth mercat de trebalh perquè non an podut accedir-i o reinserir-s'i e que non dispausen de mieis de subsisténcia

pròprios an dret a percéber prestacions e recorsi non contributius de caractèr palliatiu, enes tèrmines qu'establissem es leis.

3. Toti es trebalhadors an dret a complir es prètz-hèts laboraus e professionalaus en condicions de garantia entara salut, era seguretat e era dignitat des personnes.

4. Es trebalhadors, o es sòns representants, an dret ara informacion, era consulta e era participacion enes empreses.

5. Es organizacions sindicaus e empresariaus an dret a complir es sues foncions enes encastres dera concertacion sociau, era participacion e era collaboracion sociau.

ARTICLE 26. Drets en encastre der abitatge

Es personnes que non dispausen des recorsi suficients an dret a accedir a un abitatge digne, e entad aquerò es poders publics an d'establir per lei un sistèma de mesures que garantisque aguest dret, damb es condicions que determinen es leis.

ARTICLE 27. Drets e déuers en çò que hè ath miei ambient

1. Totes es personnes an dret a víuer en un miei equilibrat, sostenible e respectuós damb era salut, cossent damb es estàndards e es nivèus de proteccioan que determinen es leis. Tanben an dret a gaudir des recorsi naturaus e deth paisatge en condicions d'igualtat, e an eth déuer de hèr-ne un us responsable e evitar-ne eth desaprofitament.

2. Totes es personnes an dret ara proteccioan davant des diuèrses formes de contaminacion, cossent damb es estàndards e es nivèus que determinen es leis. Tanben an eth déuer de collaborar ena conservacion deth patrimòni naturau e enes actuacions que tendisquen a eliminar es diuèrses formes de contaminacion, damb er objectiu de mantier-lo e conservar-lo entàs generacions futures.

3. Totes es personnes an dret a accedir ara informacion mieiambiental de què dispausen es poders publics. Eth dret d'informacion sonque pòt èster limitat per rasons d'orde public justificades, enes tèrmines qu'establissem es leis.

ARTICLE 28. Drets des consumidors e usuaris

1. Es personnes, ena sua condicion de consumidores e usatgères de bens e de servicis, an dret ara proteccio dera sua salut e seguretat. Tanben an dret a ua informacion vertadèra e entenedora sus es caracteristiques e es prètzi des productes e des servicis, a un regim de garanties des productes adquirits e des subministraments contractats e ara proteccio des sòns interèssi economics davant de conductes abusives, negligentes o fraudulentes.

2. Es consumidores e usatgères an dret a èster informats e a participar, dirèctament o per miei des sòns representants, en çò que hè as administracions publiques de Catalonha, enes tèrmes qu'establissem es leis.

CAPÍTOL II**DRETS EN ENCASTRE POLITIC
E DERA ADMINISTRACION****ARTICLE 29. Dret de participacion**

1. Es ciutadans de Catalonha an dret a participar en condicions d'igualtat enes ahèrs publics de Catalonha, de forma dirècta o ben per miei de representants, enes suposicions e enes tèrmes qu'establissem aguest Estatut e es leis.

2. Es ciutadans de Catalonha an dret a escuelher es sòns representants enes organs politics representatius e a presentar-s'i coma candidats, cossent damb es condicions e es requesits qu'establissem es leis.

3. Es ciutadans de Catalonha an dret a promòir e a presentar iniciatives legislatives en Parlament, enes tèrmes qu'establissem aguest Estatut e es leis.

4. Es ciutadans de Catalonha an dret a participar, dirèctament o per miei d'entitats associatives, en procès d'elaboracion des leis deth Parlament, mejançant es procediments qu'establisque eth Reglament deth Parlament.

5. Totes es personnes an dret a dirigir peticions e a plantejar queishes, ena forma e damb es efectes qu'establissem es leis, as institucions e ara Administracion dera Generalitat, e tanben as ens locaus de Catalonha, en matèries des competéncias respectives. Era lei a d'establir es condicions d'exercici e es efectes d'aguest dret e es obligacions des institucions receptores.

6. Es ciutadans de Catalonha an dret a promòir era convocatòria de consultes populars pera Generalitat e es ajuntaments, en matèria des competéncias respectives, ena forma e damb es condicions qu'es leis establissem.

**ARTICLE 30. Drets d'accès as servicis publics
e a ua bona Administracion**

1. Totes es personnes an dret a accedir en condicions d'igualtat as servicis publics e as servicis economics d'interès generau. Es administracions publiques an de fixar es condicions d'accès e es estàndards de qualitat d'aguesti servicis, damb independència deth regim dera sua prestacion.

2. Totes es personnes an dret a èster tractades pes poders publics de Catalonha, en aqueri ahèrs que les afècten, de forma imparcial e objectiva, e qu'era actuacion des poders publics sigue proporcionada as finalitats que la justifiquen.

3. Es leis an de regular es condicions d'exercici e es garanties des drets a què hèn referéncia es apartats 1 e 2 e an de determinar es casi en què es administracions publiques de Catalonha e es servicis publics que ne depenen an d'adoptar ua carta de drets des usatgères e d'obligacions des prestadors.

ARTICLE 31. Dret ara proteccio des dades personaus

Totes es personnes an dret ara proteccio des dades personaus contenudes enes fichers que son competéncia dera Generalitat e an dret a accedir-i, examinar-les e obtier-ne era correccio. Ua autoritat independenta, designada peth Parlament, a de velhar tà qu'aguesti drets si-guen respectadi enes tèrmes qu'establissem es leis.

CAPÍTOL III**DRETS E DÉUERS LINGÜISTICS****ARTICLE 32. Drets e déuers de coneishement e us des lengües**

Totes es personnes an dret a non èster discriminades per rasons lingüísticas. Es actes juridics hèti en quinsevolha des dues lengües oficiaus an, en ciò que hè ara lengua, valideza e eficàcia plees.

ARTICLE 33. Drets lingüistics dauant es administracions publiques e es institucions estataus

1. Es ciutadans an eth dret d'opcion lingüistica. Enes relacions damb es institucions, es organizacons e es administracions publiques en Catalunya, totes es personnes an dret a emplegar era lengua oficiau qu'escuelhen. Aguest dret obligue as institucions, organizacons e administracions publiques, includida era Administracion electorau en Catalunya, e, en generau, as entitats privades que ne depenen quan exercissen foncions publiques.

2. Totes es personnes, enes relacions damb era Administracion de justicia, eth Ministèri Fiscau, eth notariat e es registres publics, an dret a usar era lengua oficiau qu'escuelhen en totes es actuacions judiciaus, notariaus e registraus, e a recéber tota era documentacion oficiau emetuda en Catalunya ena lengua sollicitada, sense que poguen patir indefension ne retards indeguts per rason dera lengua emplegada, ne se les pogue exigir cap sòrta de traduccio.

3. Entà garantir eth dret d'opcion lingüistica, es jutges e es magistrats, es fiscaus, es notaris, es registradors dera proprietat e mercantils, es encargats deth Registre Civiul e eth personau ath servici dera Administracion de justicia, entà balhar es sòns servicis en Catalunya, an d'acreditar, ena forma qu'establissem es leis, qu'an un nivèu de coneishement adequat e suficient des lengües oficiaus, que les hè aptes entà complir es foncions pròpries deth sòn cargue o deth sòn lòc de trebalh.

4. Entà garantir eth dret d'opcion lingüistica, era Administracion der Estat plaçada en Catalunya a d'acreditar qu'eth personau ath sòn servici a un nivèu de coneishement adequat e suficient des dues lengües

oficiaus, que lo hè apte entà complir es foncions pròpries deth sòn lòc de trebalh.

5. Es ciutadans de Catalunya an eth dret de relacionar-se per escrit en catalan damb es organs constitucionaus e damb es organs jurisdiccionaus d'encastre estatau, cossent damb eth procediment establiti pera legislacion corresponenta. Aguestes institucions an d'atier e an de trimitar es escrits presentats en catalan, qu'an, en tot cas, plea eficacia juridica.

ARTICLE 34. Drets lingüistics des consumadors e usatgèrs

Totes es personnes an dret a èster atengudes oraument e per escrit ena lengua oficiau qu'escuelhen ena sua condicion d'usatgèrs o consumadores de bens, productes e servicis. Es entitats, es empreses e es establiments duberts ath public en Catalunya an d'èster subjèctes ath déuer de disponibilitat lingüistica enes tèrmes qu'establissem es leis.

ARTICLE 35. Drets lingüistics en encastre der ensenhamant

1. Totes es personnes an dret a recéber er ensenhamant en catalan, cossent damb ciò qu'establís aguest Estatut. Eth catalan s'a d'emplegar normaument coma lengua veiculara e d'aprenedissatge en ensenhamant universitari e en non universitari.

2. Es alumnes an dret a recéber er ensenhamant en catalan en ensenhamant non universitari. Tanben an eth dret e eth déuer de conéisher damb suficiéncia orau e escrita eth catalan e eth castelhan en acabar er ensenhamant obligatòri, sigue quina sigue era sua lengua abituau en incorporar-se ar ensenhamant. Er ensenhamant deth catalan e deth castelhan an d'auer ua preséncia adequada enes plans d'estudis.

3. Es alumnes an dret a non èster desseparats en centres ne en grops classe difereents per rason dera sua lengua abituau.

4. Es alumnes que s'incorporen mès tard dera edat corresponenta ath sistèma escolar de Catalunya gaudissen deth dret a recéber un supòrt lingüistic especiau s'era manca de comprension les dificultat de seguir damb normalitat er ensenhamant.

5. Eth professorat e er alumnat des centres universitaris an dret a expressar-se, oraument e per escrit, ena lengua oficiau qu'escuelhen.

ARTICLE 36. Drets en çò que hè ar aranés

1. En Aran totes es personnes an eth dret de conéisher e emplegar er aranés e d'èster atengudes oraument e per escrit en aranés enes suas relacions damb es administracions publiques e damb es entitats publiques e privades que ne depenen.

2. Es ciutadans d'Aran an eth dret d'emplegar er aranés enes suas relacions damb era Generalitat.

3. S'an de determinar per lei es auti drets e déuers lingüistics en çò que tanh ar aranés.

CAPÍTOL IV GARANTIES DES DRETS ESTATUTARIS

ARTICLE 37. Disposicions generaus

1. Es drets que reconeishen es capítols I, II e III d'aguest títol vinculen toti es poders publics de Catalonha e, cossent damb era natura de cada dret, es particulars. Es disposicions que dicten es poders publics de Catalonha an de respectar aguesti drets e s'an d'interpretar e aplicar en sentit mès afavoridor entara sua plea efectivitat.

Es drets que reconeishen es articles 32 e 33 tanben vinculen era Administracion generau der Estat en Catalonha.

2. Eth Parlament a d'aprovar per lei era Carta des drets e es déuers des ciutadans de Catalonha. Es disposicions d'aguest article relatives as drets que reconeishen es capítols I, II e III d'aguest títol s'apliquen tanben as drets reconeishuts pera nomenada Carta.

3. Era regulacion essencial e eth desenvolopament dirècte des drets reconeishuts pes capítols I, II e III d'aguest títol s'an de hèr per lei deth Parlament.

4. Es drets e es principis d'aguest títol non compòrtent ua alteracion deth regim de distribucion de competéncias ne era creacion de títols competenciaus nau o era modificacion des que ja existissen. Cap des disposicions d'aguest títol non pòt èster desplegada, aplicada o interpretada de manera que redusisque o limite es drets fundamentaus que reconeishen era Constitucion e es tractats e es acòrds internacionaus ratificats per Espanha.

ARTICLE 38. Tutèla

1. Eth Conselh de Garanties Estatutàries tutèle es drets que reconeishen es capítols I, II e III d'aguest títol e era Carta des drets e es déuers des ciutadans de Catalonha, cossent damb çò qu'establís er article 76.2.b e c.

2. Es actes que vulnèren es drets reconeishuts pes capítols I, II e III d'aguest títol e pera Carta des drets e es déuers des ciutadans de Catalonha son objècte de recors dauant eth Tribunau Superior de Justícia de Catalonha, cossent damb es procediments qu'establissem es leis.

CAPÍTOL V PRINCIPIIS RECTORIS

ARTICLE 39. Disposicions generaus

1. Es poders publics de Catalonha an d'orientar es politiques publiques cossent damb es principis rectors qu'establissem era Constitucion e aguest Estatut. En exercici des suas competéncias, es poders publics de Catalonha an de promòir e adoptar es mesures de besonh entà garantir-ne era eficàcia plea.

2. Eth reconeishement, eth respècte e era protecccion des principis rectors informen era legislacion positiva, era practica judiciau e era actuacion des poders publics.

3. Es principis rectors son exigibles dauant era jurisdiccion, cossent damb çò que determinen es leis e es autres disposicions que les desplauen.

ARTICLE 40. Protecció des personnes e des familhes

1. Es poders publics an d'auer coma objectiu era mielhora dera qualitat de vida de totes es personnes.
2. Es poders publics an de garantir era protecció jurídica, económica e sociau des diuèrses modalitats de familia que regulen es leis, coma estructura basica e factor de coesión sociau e coma prumèr núclau de convivència des personnes. Tanben, an de promòir es mesures económiques e normatives de supòrt as familhes adreçades entà garantir era conciliacion dera vida laborau e familhara e er auer descendéncia, damb ua atencion especiau as familhes nombroses.
3. Es poders publics an de garantir era protecció dera mainadèra, especiaument contra tota forma d'explotacion, d'abandonament, de mauteactament o crudeltat e dera praubesa e es sòns efèctes. En totes es actuacions amiades a tèrme pes poders publics o per institucions privades er interès superior deth mainatge a d'ester prioritari.
4. Es poders publics an de promòir politiques publiques qu'afavorisquen era emancipacion des joeni, en tot facilitar-les er accès ath mon laborau e ar abitatge entà que poguen desenvolopar eth sòn propòri projècte de vida e participar ena igualtat de drets e déuers ena vida sociau e culturau.
5. Es poders publics an de garantir era protecció jurídica des personnes damb discapacitats e n'an de promòir era integracion sociau, económica e laborau. Tanben an d'adoptar es mesures de besonh entà suplir o complementar eth supòrt deth sòn entorn familiar dirècta.
6. Es poders publics an de garantir era protecció des personnes granes entà que poguen portar ua vida digna e independenta e participar ena vida sociau e culturau. Tanben an de sajar era plea integracion des personnes granes ena societat per miei de politiques publiques basades en principi de solidaritat intergeneracionau.
7. Es poders publics an de promòir era igualtat des diuèrses unions estableties de parelha, en tot tier en compde es suas caracteristiques, damb independéncia dera orientacion sexuaue des sòns membres. Era lei a de regular aguestes unions e d'autres formes de convivència e es sòns efèctes.
8. Es poders publics an de promòir era igualtat de totes es personnes

damb independéncia der origen, era nacionalitat, eth sexe, era raça, era religion, era condicion sociau o era orientacion sexuaue, e tanben an de promòir era eradicacion deth racisme, der antisemitisme, dera xenofòbia, dera omofòbia e de quinsevolha auta expression qu'atempte contra era igualtat e era dignitat des personnes.

ARTICLE 41. Perspectiva de genre

1. Es poders publics an de garantir eth compliment deth principi d'igualtat d'oportunitats enter hemnes e òmes en accès ara aucpcion, ena formacion, ena promocion professionau, enes condicions de trebalh, includida era retribucion, e en totes es autres situacions, e tanben an de garantir qu'es hemnes non siguen discriminades per causa d'embaràs o de maternitat.
2. Es poders publics an de garantir era transversalitat ena incorporacion dera perspectiva de genre e des hemnes en totes es politiques publiques entà arténher era igualtat reau e efectiva e era paritat entre hemnes e òmes.
3. Es politiques publiques an de garantir que s'afronten de manèra integrat totes es formes de violéncia contra es hemnes e es actes de caractèr sexist e discriminatori; an de fomentar eth reconeishement deth papèr des hemnes enes encastres culturau, istoric, sociau e economic, e an de promòir era participacion des grops e es associacions de hemnes ena elaboracion e era avaloracion d'aguestes politiques.
4. Es poders publics an de reconéisher e tier en compde eth valor economic deth trebalh de suenh e atencion en encastre domestic e familliar ena fixacion des suas politiques économiques e sociaus.
5. Es poders publics, en encastre des suas competéncies, e enes supausats qu'establís era lei, an de velhar entà qu'era liure decision dera hemna sigue determinanta en toti es casi que'n poguen afectar era dignitat, era integritat e eth benèster fisic e mentau, particularament en çò que tanh ath propòri còs e ara sua salut reproductiva e sexuaue.

ARTICLE 42. Coesion e benèster sociaus

1. Es poders publics an de promòir politiques publiques que fomen ten era coesion sociau e que garantisquen un sistèma de servicis so-

ciaus, de titularitat publica e concertada, adequat as indicadors econòmics e sociaus de Catalunya.

2. Es poders publics an de velhar pera plea integracion sociau, econòmica e laborau des personnes e des collectius damb més besonh de proteccion, especiaument aqueri que se trapen en situacion de praubesa e de risc d'exclusion sociau.

3. Es poders publics an de velhar pera dignitat, era seguretat e era proteccion integrau des personnes, especiaument des més vulnerables.

4. Es poders publics an de garantir era qualitat deth servici e era gratuïtat dera assisténcia sanitària publica enes tèrmes qu'establís era lei.

5. Es poders publics an de promòir politiques preventives e comunitàries e an de garantir era qualitat deth servici e era gratuïtat des servicis sociaus qu'es leis determinen coma basics.

6. Es poders publics an d'empréner es accions de besonh entà establir un regim d'acuelhement des personnes immigrades e an de promòir es politiques que garantisquen eth reconeishement e era efectivitat des drets e déuers des personnes immigrades, era igualtat d'oportunitats, es prestacions e es ajudes que ne permeten era plea acomodacion sociau e economica e era participacion enes ahèrs publics.

7. Es poders publics an de velhar pera convivència sociau, culturau e religiosa enter totes es personnes en Catalunya e peth respècte ara diuersitat de credences e conviccions etiques e filosofiques des personnes, e an de fomentar es relacions interculturaus per miei der impuls e era creacion d'encastres de coneishement recipròc, dialòg e mediation. Tanben an de garantir eth reconeishement dera cultura deth poble gitano coma sauvaguarda dera realitat istorica d'aguest poble.

ARTICLE 43. Foment dera participacion

1. Es poders publics an de promòir era participacion sociau ena elaboracion, era prestacion e era avaloracion des politiques publiques, e tanben era participacion individuau e associativa enes encastres civic, sociau, culturau, economic e politic damb plen respècte as principis de pluralisme, liura iniciativa e autonomia.

2. Es poders publics an de facilitar era participacion e era representacion ciutadanes e politiques, damb ua atencion especiau as airaus mens poblats deth territori.

3. Es poders publics an de sajar qu'es campanhes institucionaus que s'organzen pr'amor des procèssis electoraus agen coma finalitat era de promòir era participacion ciutadana e qu'es electors receiveb des mieis de comunicacion ua informacion vertadèra, objectiva, neutrau e respectuosa deth pluralisme politic sus es candidatures que concorren enes procèssis electoraus.

ARTICLE 44. Educacion, recèrca e cultura

1. Es poders publics an de garantir era qualitat deth sistèma d'ensenhamant e an d'impulsar ua formacion humana, scientifica e tecnica der alumnat basada enes valors sociaus d'igualtat, solidaritat, libertat, pluralisme, responsabilitat civica e d'autes que fondamenten era convivència democratica.

2. Es poders publics an de promòir eth coneishement suficient d'ua tresau lengua en acabar er ensenhamant obligatori.

3. Es poders publics an de promòir e an d'impulsar era implicacion e era participacion dera familia ena educacion des hilhs e hilhes, en encastre dera comunitat educativa, e an de facilitar e promòir er accès as activitats d'educacion en léser.

4. Es poders publics an de fomentar era investigacion e era recèrca scientifica de qualitat, era creativitat artistica e era conservacion e era difusion deth patrimoni culturau de Catalunya.

5. Es poders publics an d'empréner es accions de besonh entà facilitar a totes es personnes er accès ara cultura, as bens e as servicis culturaus e ath patrimoni culturau, arqueologic, istoric, industriaue artistic de Catalunya.

ARTICLE 45. Encastre socioeconómic

1. Es poders publics an d'adoptar es mesures que calguen entà promòir eth progrès sociau de Catalunya e des sòns ciutadans, basats enes principis dera solidaritat, era coesion, eth desenvolopament sostenable e era igualtat d'oportunitats.

2. Es poders publics an de promòir ua distribucion dera renda personau e territoriau mès equitativa en encastre d'un sistèma catalan deth benèster.

3. Es poders publics an d'adoptar es mesures de besonh entà garantir es drets laboraus e sindicau des trebalhadors, an d'impulsar e n'an de promòir era participacion enes empreses e es politiques d'aucupacion plea, de foment dera estabilitat laborau, de formacion des personnes trebalhadores, de prevencion de risques laboraus, de seguretat e d'igièna en trebalh, de creacion d'ues condicions dignes en lòc de trebalh, de non-discriminacion per rason de genre e de garantia deth repòs de besonh e des vacances retribuïdes.

4. Era Generalitat a de promòir era creacion d'un espaci catalan de relacions laboraus establit en foncion dera realitat productiva e empresariau especifica de Catalunya e des sòns agents sociaus, en quau an d'estèr representades es organizacions sindicau des empresariaus e era Administracion dera Generalitat. En aguest encastre, es poders publics an de fomentar ua practica pròpria de dialòg social, de concertacion, de negociacion collectiva, de resolucion extrajudiciau de conflictes laboraus e de participacion en desenvolopament e era melhora deth hilat productiu.

5. Era Generalitat a d'afavorir eth desenvolopament dera activitat empresariau e er esperit emprendedor en tot tier en compde era responsabilitat social dera empresa, era liura iniciativa e es condicions de competència, e a de protegir especiaument era economia productiva, era activitat des emprendedors autònoms e era des empreses petites e mejanas. Era Generalitat a de fomentar era accion des cooperatives e des societats laboraus e a d'estimular es iniciatives dera economia social.

6. Es organizacions sindicau des empresariaus an de participar ena definicion des politiques publiques que les afècten. Era Generalitat a de promòir era mediacion e er arbitratge entara resolucion des conflictes d'interèssi entre es diuèrsi agents sociaus.

7. Es organizacions professionalaus e es corporacions de dret public representatives d'interèssi economics e professionalaus e es entitats associatives deth tresau sector an d'estèr consultades ena definicion des politiques que les afècten.

8. Era Generalitat, en consideracion as foncions socials, culturau e de promocion economica que complissen es caishes d'estauvis, a de protegir era autonomia institucionau e a de promòir era contribucion social d'aguestes entitats as estratègies economicas e socials des diuèrsi territoris de Catalunya.

ARTICLE 46. Miei ambient, desenvolopament sostenible e equilibri territoriau

1. Es poders publics an de velhar pera proteccio deth miei ambient per miei dera adopcion de politiques publiques basades en desenvolopament sostenible e era solidaritat collectiva e intergeneracionau.

2. Es politiques mieiambientaus an de dirigir-se especiaument ara reduccion des diuèrses formes de contaminacion, era fixacion d'estandards e de nivèus minims de proteccio, era articulacion de mesures correctives der impacte ambientau, er emplec racionau des recorsi naturaus, era prevencion e eth contròle dera erosion e des activitats qu'altèren eth regim atmosferic e climatic, e eth respecte as principis de preservacion deth miei, conservacion des recorsi naturaus, responsabilitat, fiscalitat ecologica e reciclatge e reutilizacion des bens e des productes.

3. Es poders publics an de hèr efectives es condicions entara preservacion dera natura e dera biodiversitat, an de promòir era integracion d'objectius ambientaus as politiques sectoriaus e an d'establir es condicions que permeten a totes es personnes eth gaudiment deth patrimoni natural e paisatgistic.

4. Es poders publics an de velhar pera cohesion economica e territoriau en tot aplicar politiques qu'asseuren un tractament especiau des parçans de montanya, era proteccio deth paisatge, era defensa deth litorau, eth foment des activitats agràries dera cria de bestiar e silvicòles e ua distribucion equilibrada e territori des diuèrsi sectors productius, es servis d'interès generau e es hilats de comunicacion.

5. Es poders publics an de facilitar as ciutadans era informacion mieiambientau e an de fomentar era educacion enes valors dera preservacion e dera melhora deth miei ambient coma patrimoni comun.

ARTICLE 47. Abitatge

Es poders publics an de facilitar er accès ar abitatge mejançant era generacion de sòu e era promocion d'abitatge public e d'abitatge protegit, damb ua atencion especiau pes joeni e es collectius damb mès besonhs.

ARTICLE 48. Mobilitat e seguretat viària

1. Es poders publics an de promòir politiques de transpòrt e de comunicacion, basades en critèris de sostenibilitat, que fomenten er usatge deth transpòrt public e era mielhora dera mobilitat e garantisquen era accessibilitat entàs personnes damb mobilitat redusida.

2. Es poders publics an d'impulsar, d'ua manèra prioritària, es mesures destinades ar increment dera seguretat viària e ara disminucion des accidents de transit, damb ua incidéncia especiau ena prevencion, era educacion viària e era atencion as victimes.

ARTICLE 49. Protecccion des consumadors e usatgèrs

1. Es poders publics an de garantir era protecccion dera salut, era seguretat e era defensa des drets e es interèssi legitims des consumadors e usatgèrs.

2. Es poders publics an de garantir era existéncia d'esturments de mediacion e arbitratge en matèria de consum, n'an de promòir eth coneishement e er emplec e an de dar supòrt as organizacions de consumadors e usatgèrs.

ARTICLE 50. Foment e difusion deth catalan

1. Es poders publics an de protegir eth catalan en toti es encastres e sectors e n'an de fomentar er usatge, era difusion e eth coneishement. Aguesti principis tanben s'an d'aplicar respècte ar aranés.

2. Eth Govèrn, es universitats e es institucions d'ensenhamant superior, en encastre des competéncies respectives, an d'adoptar es mesures pertinentes entà garantir er usatge deth catalan en toti es encastres des activitats docentes, non docentes e de recèrca.

3. Es politiques de foment deth catalan s'an d'estiéner ath conjunt der Estat, ara Union Europèa e ara rèsta deth mon.

4. Es poders publics an de promòir qu'es dades que figuren en etiquetage, en embalatge e enes instruccions d'us des productes distribuïts en Catalunya còsten tanben en catalan.

5. Era Generalitat, era Administracion locau e es autes corporacions publiques de Catalunya, es institucions e es empreses que ne depenen e es concessionaris des sòns servicis an d'emplegar eth catalan enes sues actuacions intèrnas e ena relacion enter eri. Tanben l'an d'emplegar enes comunicacions e es notificacions dirigides a personnes fisiques o juridiques residents en Catalunya, sense prejudici deth dret des ciutadans a receber-les en castellhan s'ac demanen.

6. Es poders publics an de garantir er emplec dera lengua de signes catalana e es condicions que permeten d'arténher era igualtat des personnes damb sordèra qu'òpten per aguesta lengua, qu' a d'estèr objècte d'ensenhamant, protecccion e respècte.

7. Er Estat, cossent damb çò que dispause era Constitucion, a de dar supòrt ara aplicacion des principis qu'establís aguest article. S'an d'establir es esturments de coordinacion e, s'eï de besonh, d'actuacion conjunta entà que siguen mès efectius.

ARTICLE 51. Cooperacion ath foment dera patz e cooperacion ath desenvolopament

1. Era Generalitat a de promòir era cultura dera patz e accions de foment dera patz en mon.

2. Era Generalitat a de promòir accions e politiques de cooperacion ath desenvolopament des pòbles e a d'establir programes d'ajuda umanitària d'emergéncia.

ARTICLE 52. Mieis de comunicacion sociau

1. Correspon as poders publics de promòir es condicions entà garantir eth dret ara informacion e a recéber des mieis de comunicacion ua informacion vertadèra e uns contenguts que respècten era dignitat des personnes e eth pluralisme politic, sociau, culturau e religiós. En cas des mieis de comunicacion de titularitat publica era informacion tanben a d'estèr neutrau.

2. Es poders publics an de promòir es condicions entà garantir er accès sense discriminacions as servis audiovisuaus en encastre de Catalunya.

ARTICLE 53. Accès as tecnologies dera informacion e dera comunicacion

1. Es poders publics an de facilitar eth coneishement dera societat dera informacion e an d'impulsar er accès ara comunicacion e as tecnologies dera informacion, en condicions d'igualtat, en toti es encastres dera vida sociau, includit eth laborau; an de fomentar qu'aguestes tecnologies se meten ath servici des personnes e non afècten negativament as sòns drets, e an de garantir era prestacion de servis per miei des nomenades tecnologies, cossent damb es principis d'universalitat, continuitat e actualizacion.

2. Era Generalitat a de promòir era formacion, era recèrca e era innovacion tecnologiques entà qu'es oportunitats de progrès qu'aufrís era societat deth coneishement e dera informacion contribuïsquen ara mielhora deth benèster e dera coesion socials.

ARTICLE 54. Memòria istorica

1. Era Generalitat e es auti poders publics an de velhar peth coneishement e eth manteniment dera memòria istorica de Catalunya coma patrimòni collectiu que testimònie era resistència e era luta pes drets e es libertats democràtiques. Entad açò, an d'adoptar es iniciatives institucionaus de besonh entath reconeishement e era reabilitacion de toti es ciutadans qu'an patit persecucion pr'amor dera defensa dera democràcia e er autogovèrn de Catalunya.

2. Era Generalitat a de velhar entà qu'era memòria istorica se convertisse en simbèu permanent dera tolerància, dera dignitat des valors democràtiques, deth refús des totalitarismes e deth reconeishement de totes es personnes qu'an patit persecucion pr'amor des sues opciones personaus, ideologiques o de consciéncia.

**TÍTOL II
DES INSTITUCIONS**

**CAPÍTOL I
ETH PARLAMENT**

ARTICLE 55. Disposicions generaus

1. Eth Parlament represente ath pòble de Catalunya.
2. Eth Parlament exercís era potestat legislativa, apròve es pressupòsti dera Generalitat e contròle e impulse era accion politica e de govèrn. Ei era sedenç a on s'exprèsse preferentament eth pluralisme e se hè public eth debat politic.
3. Eth Parlament ei inviolable.

ARTICLE 56. Composicion e regim electorau

1. Eth Parlament se compause d'un minim de cent deputats e un maxim de cent cinquanta, escuelhuts per un tèrme de quate ans per miei de sufragi universau, liure, igual, dirècta e secret, cossent damb aguest Estatut e era legislacion electorau.
2. Eth sistèma electorau ei de representacion proporcionau e a d'assegurar era representacion adequada de totes es zònes deth territori de Catalunya. Era Administracion electorau ei independenta e garantís era transparéncia e era objectivitat deth procès electorau. Eth regim electo-

rau ei regulat per ua lei deth Parlament aprovada en ua votacion finau sus eth conjunt deth tèxte per majoria de dues tresaus parts des deputats.

3. Son electors e elegibles es ciutadans de Catalunya que son en plen dret des sòns drets civius e politics, cossent damb era legislacion electorau. Era lei electorau de Catalunya a d'establir critèris de paritat entre hemnes e òmes entara elaboracion des listres electoraus.

4. Eth president o presidenta dera Generalitat, quinze dies abans der acabament dera legislatura, a de convocar es eleccions, qu'an d'auer lòc entre quaranta e seishanta dies despús dera convocatòria.

ARTICLE 57. Estatut des deputats

1. Es membres deth Parlament son inviolables pes vòts e es opinions qu'emeten en exercici deth sòn cargue. Pendent eth sòn mandat, gaudissen d'immunitat damb er efècte concret que non pòden èster detenguts se non ei en cas de delicte flagrant.

2. Enes causes contra es deputats, ei competent eth Tribunau Superior de Justícia de Catalunya. Dehòra deth territori de Catalunya era responsabilitat penau ei exigibla enes madeishi tèrmines davant era Sala Penau deth Tribunau Suprem.

3. Es deputats non son sometuts a mandat imperatiu.

ARTICLE 58. Autonomia parlamentària

1. Eth Parlament gaudís d'autonomia organizativa, financerà, administrativa e disciplinària.

2. Eth Parlament elabòre e apròve eth sòn reglament e eth sòn pressupòst e fixe er estatut deth personau que ne depen.

3. Era aprobacion e era reforma deth Reglament deth Parlament corresponen ath Plen deth Parlament e requerissen eth vòt favorable dera majoria absoluta des deputats en ua votacion finau sus eth conjunt deth tèxte.

ARTICLE 59. Organizacion e funcionament

1. Eth Parlament a un president o presidenta e ua mesa escuelhuts peth Plen. Eth Reglament deth Parlament ne regule era eleccio e es foncions.

2. Eth Reglament deth Parlament regule es drets e es déuers des deputats, es requesits entara formacion des grops parlamentaris, era intervencion d'aguesti en exercici des foncions parlamentàries e es atribucions dera Junta de Portaveus.

3. Eth Parlament foncione en plen e en comissions. Es grops parlamentaris participen en totes es comissions en proporcion as sòns membres.

4. Eth Parlament a ua deputacion permanenta, presidida peth president o presidenta deth Parlament e integrada peth nombre de deputats qu'eth Reglament deth Parlament determine, en proporcion ara representacion de cada grop parlamentari. Era Deputacion Permanent a velhe pes poders deth Parlament quan aguest non ei amassat enes periòdes entre sessions, quan a acabat eth mandat parlamentari e quan a estat disolvut. En cas d'acabament dera legislatura o de dissolucion deth Parlament, eth mandat des deputats qu'intègren era Deputacion Permanent a ei prorrogat enquira constitucion deth nau Parlament.

5. Es cargues publics e eth personau ath servici des administracions publiques qu'actuen en Catalunya an era obligacion de comparéisher a requeriment deth Parlament.

6. Eth Parlament pòt crear comissions d'investigacion sus quinsevolh ahèr de relevància publica que sigue d'interès dera Generalitat. Es persones requerides pes comissions d'investigacion an de comparéisher-i obligatòriament, cossent damb eth procediment e es garanties establedes peth Reglament deth Parlament. S'an de regular per lei es sancions per incompliment d'aguesta obligacion.

7. Eth Reglament deth Parlament a de regular era trametuda des peticions individuaus e collectives dirigides ath Parlament. Tanben an d'establir mecanismes de participacion ciutadana en exercici des foncions parlamentàries.

ARTICLE 60. Regim des amassades e des sessions

1. Eth Parlament s'amasse anuaument en dus periòdes ordinaris de sessions fixadi peth Reglament. Eth Parlament se pòt amassar en sessions extraordinàries dehòra des periòdes ordinaris de sessions. Es

sessions extraordinàries deth Parlament son convocades peth sòn president o presidenta per acòrd dera Deputacion Permanenta, a prepau-sa de tres grops parlamentaris o d'ua quatau part des deputats, o a peticion de grops parlamentaris o de deputats que ne representen era majoria absoluta. Eth Parlament tanben s'amasse en session extraordinària a peticion deth president o presidenta dera Generalitat. Es sessions extraordinàries se convòquen damb un orde deth dia determinat e se lhèuen despús d'auer-lo agotat.

2. Es sessions deth Plen son publiques, exceptat enes supausats estableidis peth Reglament deth Parlament.

3. Eth Parlament, entà adoptar acòrds validament, s'a de trapar amassat damb era presència dera majoria absoluta des deputats. Es acòrds son valids s'an estat aprovats pera majoria simpla des deputats presents, sense prejudici des majories especiaus estableidis per aguest Estatut, pes leis o peth Reglament deth Parlament.

ARTICLE 61. Foncions

Corresponen ath Parlament, ath delà des foncions estableidis per article 55, es que seguissen:

- a) Designar es senadors que representen ara Generalitat en Senat. Era designacion s'a de hèr en ua convocatòria específica e de manera proporcionau ath nombre de deputats de cada grop parlamentari.
- b) Elaborar proposicions de lei entà presentar-les ara Mesa deth Congrès des Deputats e nomenar es deputats deth Parlament encargadi de defener-les.
- c) Sollicitar ath Govèrn der Estat era adopcion de projèctes de lei.
- d) Sollicitar ar Estat era transferéncia o delegacion de competéncies e era atribucion de facultats en encastre der article 150 dera Constitucion.
- e) Interpausar eth recors d'inconstitucionalitat e personar-se dauant eth Tribunau Constitucionau en d'auti procèsssi constitucionaus, cossent damb çò qu'establís era Lei organica deth Tribunau Constitucionau.
- f) Es autes foncions que li atribuïssen aguest Estatut e es leis.

ARTICLE 62. Iniciativa legislativa e exercici dera foncion legislativa

1. Era iniciativa legislativa correspon as deputats, as grops parlamentaris e ath Govèrn. Tanben correspon, enes tèrmes establits pes leis de Catalunya, as ciutadans, mejançant era iniciativa legislativa populara, e as organs representatius des ens supramunicipaus de caractèr territorial qu'establís aguest Estatut.

2. Son leis de desenvolapament basic der Estatut es que regulen dirèctament es matèries nomenades pes articles 2.3, 6, 37.2, 56.2, 67.5, 68.3, 77.3, 79.3, 81.2 e 94.1. Era aprobacion, era modificacion e era derogacion d'aguestes leis requerissen eth vòt favorable dera majoria absoluta deth Plen deth Parlament en ua votacion finau sus eth conjunt deth texte, exceptat qu'er Estatut n'establisque ua auta.

3. Eth Plen deth Parlament pòt delegar era tramitacion e era aprobacion d'iniciatives legislatives as comissions legislatives permanentes. En quinsevolh moment pòt revocar aguesta delegacion. Non pòden èster objècte de delegacion as comissions era reforma der Estatut, es leis de desenvolapament basic, eth pressupòst dera Generalitat e es leis de delegacion legislativa ath Govèrn.

ARTICLE 63. Delegacion en Govèrn dera potestat legislativa

1. Eth Parlament pòt delegar en Govèrn era potestat de dictar normes damb reng de lei. Es disposicions deth Govèrn que contien legislacion delegada an eth nom de *decrets legislatius*. Non pòden èster objècte de delegacion legislativa era reforma der Estatut, es leis de desenvolapament basic, exceptat que se delègue er establiment d'un tèxte rehonut, era regulacion essenciala e eth desenvolapament dirècta des drets reconishuts per Estatut e pera Carta des drets e es dèuers des ciutadans de Catalunya e eth pressupòst dera Generalitat.

2. Era delegacion legislativa sonque se pòt autrejar ath Govèrn. Era delegacion a d'èster expressa, mejançant ua lei, entà ua matèria concreta e damb era determinacion d'un tèrme entà hèr-ne usatgr. Era delegacion s'agòte quan eth Govèrn publique eth decret legislatiu correspondent o quan eth Govèrn se trape en foncions.

3. Quan se tracte d'autorizar ath Govèrn entà formular un nau tèxte articulat, es leis de delegacion an de fixar es bases as quaus s'a d'ajus-

tar eth Govèrn en exercici dera delegacion legislativa. Quan se tracte d'autorizar ath Govèrn a rehóner tèxtes legaus, es leis an de determinar era artenhuda e es critèris dera rehonuda.

4. Eth contròtle dera legislacion delegada ei regulat peth Reglament deth Parlament. Es leis de delegacion tanben pòden establir un regim de contròtle especiau entàs decretès legislatius.

ARTICLE 64. Decrèts lei

1. En cas d'un besonh extraordinari e urgent, eth Govèrn pòt dictar disposicions legislatives provisionaus sus era forma de decret lei. Non pòden èster objècte de decret lei era reforma der Estatut, es matèries que son objècte de leis de desenvolupament basic, era regulacion essencialia e eth desenvolupament dirècta des drets reconeishuts per Estatut e pera Carta des drets e es déuers des ciutadans de Catalonha e eth presupòst dera Generalitat.

2. Es decretès lei demoren derogats s'en tèrme improrrogable des trenta dies subsegüents ara promulgacion non son validats exprèssament peth Parlament despùs d'un debat e ua votacion de totalitat.

3. Eth Parlament pòt tramitar es decretès lei coma projectes de lei peth procediment d'urgència, laguens deth tèrme establiti per apartat 2.

ARTICLE 65. Promulgacion e publicacion des leis

Es leis de Catalonha son promulgades, en nòm deth rei, peth president o presidenta dera Generalitat, eth quau n'ordene era publicacion en *Diari Oficial de la Generalitat de Catalunya* en tèrme de quinze dies des dera aprobacion, e en *Boletín Oficial del Estado*. Ar efècte dera entrada en vigor, regís era data de publicacion en *Diari Oficial de la Generalitat de Catalunya*. Era version oficial en castelhan ei era traduccio elaborada pera Generalitat.

ARTICLE 66. Causes d'acabament dera legislatura

Era legislatura acabe per expiracion deth mandat legau en complir-se es quate ans dera data des eleccions. Tanben pòt acabar anticipadament se non a lòc era investidura deth president o presidenta dera Ge-

neralitat, o per dissolucion anticipada, acordada peth president o presidenta dera Generalitat.

CAPÍTOL II ETH PRESIDENT O PRESIDENTA DERA GENERALITAT

ARTICLE 67. Eleccio, nomenament, estatut personau, cessament e competéncies

1. Eth president o presidenta a era mès nauta representacion dera Generalitat e dirigís era accion deth Govèrn. Tanben a era representacion ordinària der Estat en Catalonha.

2. Eth president o presidenta dera Generalitat ei escuelhut peth Parlament d'enter es sòns membres. Se pòt regular per lei era limitacion de mandats.

3. Se, un còp transcorreguts dus mesi des dera prumèra votacion d'investidura, cap candidat o candidata non ei escuelhut, eth Parlament demore dissolut automaticament e eth president o presidenta dera Generalitat en foncions convòque eleccions de manèra immediata, qu'an d'auer lòc enter quaranta e seishanta dies despùs dera convocatòria.

4. Eth president o presidenta dera Generalitat ei nomenat peth rei.

5. Ua lei deth Parlament regule er estatut personau deth president o presidenta dera Generalitat. As efèctes de precedéncies e protocòl en Catalonha, eth president o presidenta dera Generalitat a era posicion preeminenta, que li correspon coma representant dera Generalitat e der Estat en Catalonha.

6. Coma representant ordinari der Estat en Catalonha, correspon ath president o presidenta:

a) Promulgar, en nòm deth rei, es leis, es decretès lei e es decretès legislatius de Catalonha e ordenar-ne era publicacion.

b) Ordenar era publicacion des nomenaments des cargues institucionaus der Estat en Catalonha.

- c) Demanar era collaboracion as autoritats der Estat qu'exercissen foncions publiques en Catalunya.
- d) Es autes que determinen es leis.
7. Eth president o presidenta dera Generalitat cesse per renovacion deth Parlament pr'amor d'ues eleccions, per aprobacion d'ua mocion de censura o denegacion d'ua qüestio de confiança, per mòrt, per dimission, per incapacitat permanenta, fisica o mentau, reconeishuda peth Parlament, que l'inabilitat entar exercici deth cargue, e per condamna penau fèrma que compòrte era inabilitacion entar exercici de catures publics.
8. Eth consellhèr prumèr o consellhèra prumèra, se n'i a, o eth conseillhèr o consellhèra que determine era lei, suplís e substituís ath president o presidenta dera Generalitat enes casi d'absència, malautia, cessament per causa d'incapacitat e mòrt. Era suplència e era substolucion non permeten exercir es atribucions deth president o presidenta relatives ath plantejament d'ua qüestio de confiança, era designacion e eth cessament des consellhèrs e era dissolucion anticipada deth Parlament.
9. Eth president o presidenta dera Generalitat, se non a nomenat un consellhèr prumèr o consellhèra prumèra, pòt delegar temporaument foncions executives en un des consellhèrs.

CAPÍTOL III ETH GOVÈRN E ERA ADMINISTRACION DERA GENERALITAT

SECCION PRUMÈRA ETH GOVÈRN

ARTICLE 68. Foncions, composicion, organizacion e cessament

1. Eth Govèrn ei er organ superior collegiat que dirigís era accion politica e era Administracion dera Generalitat. Exercís era foncion executiva e era potestat reglamentària cosent damb aguest Estatut e es leis.

2. Eth Govèrn se compause deth president o presidenta dera Generalitat, eth consellhèr prumèr o consellhèra prumèra, s'ei de besonh, e es consellhèrs.
3. Ua lei a de regular era organizacion, eth funcionament e es atribucions deth Govèrn.
4. Eth Govèrn cesse quan ac hè eth president o presidenta dera Generalitat.
5. Es actes, es disposicions generaus e es normes qu'emanen deth Govèrn o dera Administracion dera Generalitat an d'ester publicats en *Diari Oficial de la Generalitat de Catalunya*. Aguesta publicacion ei sufisenta, a toti es efèctes, entara eficàcia des actes e entara entrada en vigor des disposicions generaus e es normes.

ARTICLE 69. Eth consellhèr prumèr o consellhèra prumèra

Eth president o presidenta dera Generalitat per decret pòt nomenar e separar un consellhèr prumèr o consellhèra prumèra, dera quau causa a de dar compde ath Parlament. Eth consellhèr prumèr o consellhèra prumèra ei membre deth Govèrn. Eth consellhèr prumèr o consellhèra prumèra, cosent damb ciò qu'establís era lei, a foncions pròpies, ath delà des delegades peth president o presidenta.

ARTICLE 70. Estatut personau des membres deth Govèrn

1. Eth president o presidenta dera Generalitat e es consellhèrs, pendent es sòns mandats e pes actes presomptament delictius cometuts en territori de Catalunya, non pòden èster detenguts ne retenguts exceptat en cas de delicte flagrant.
2. Correspon ath Tribunau Superior de Justícia de Catalunya decidir sus era inculpacion, eth processament e er enjudiciament deth president o presidenta dera Generalitat e des consellhèrs. Dehòra deth territori de Catalunya era responsabilitat penau ei exigibla enes madeishi tèrmes dauant era Sala Penau deth Tribunau Suprem.

SECCION DUSAU
ERA ADMINISTRACION DERA GENERALITAT

ARTICLE 71. Disposicions generaus e principis d'organizacion e funcionament

1. Era Administracion dera Generalitat ei era organizacion qu'exercís es foncions executives atribuïdes per aguest Estatut ara Generalitat. A era condicion d'administracion ordinària cossent damb ciò qu'establis- sen aguest Estatut e es leis, sense prejudici des competéncies que corresponen ara Administracion locau.
2. Era Administracion dera Generalitat servís damb objectivitat as interèssi generaus e actue damb somission plea as leis e ath dret.
3. Era Administracion dera Generalitat actue cossent damb es principis de coordinacion e transversalitat, damb finalitat de garantir era integracion des politiques publiques.
4. Era Administracion dera Generalitat, cossent damb eth principi de transparéncia, a de hèr publica era informacion de besonh entà qu'es ciutadans en poguen avalorar era gestion.
5. Era Administracion dera Generalitat exercís es sues foncions en territori cossent damb es principis de desconcentracion e descentralizacion.
6. Es leis an de regular era organizacion dera Administracion dera Generalitat e an de determinar en tot cas:
 - a) Es modalitats de descentralizacion funcionau e es diuèrses formes de personificacion publica e privada que pòt adoptar era Administracion dera Generalitat.
 - b) Es formes d'organizacion e de gestion des servicis publics.
 - c) Era actuacion dera Administracion dera Generalitat en regim de dret privat, e tanben era participacion deth sector privat ena execucion des politiques publiques e era prestacion des servicis publics.
7. S'a de regular per lei er estatut juridic deth personau ath servici dera Administracion dera Generalitat, en tot includir-i, en tot cas, eth regim d'incompatibilitats, era garantia de formacion e actualizacion des coneishements e era praxi de besonh entà complir es foncions publiques.

ARTICLE 72. Organs consultius deth Govèrn

1. Era Comision Juridica Assessora ei eth naut organ consultiu deth Govèrn. Ua lei deth Parlament en regule era composicion e es foncions.
2. Eth Conselh de Trebalh, Economic e Sociau de Catalunya ei er organ consultiu e d'assessorament deth Govèrn en matèries socioeconómiques, laboraus e aucupacionaus. Ua lei deth Parlament en regule era composicion e es foncions.

**CAPÍTOL IV
ES RELACIONS ENTER ETH PARLAMENT
E ETH GOVÈRN**

**ARTICLE 73. Drets e obligacions des membres deth Govèrn
vèrs eth Parlament**

1. Eth president o presidenta dera Generalitat e es conselhers an eth dret d'assistir tás amassades deth Plen e des comissions parlamentàries e prener-i era paraula.
2. Eth Parlament pòt requerir ath Govèrn e as sòn membres era informacion que considère de besonh entar exercici des sues foncions. Tanben en pòt requerir era preséncia en Plen e enes comissions, enes tèrmes qu'establis eth Reglament deth Parlament.

**ARTICLE 74. Responsabilitat politica deth Govèrn e des sòns
membres**

1. Eth president o presidenta dera Generalitat e es conselhers responen politicamente davant eth Parlament de forma solidària, sense prejudici dera responsabilitat dirècta de cadun d'eri.
2. Era delegacion de foncions deth president o presidenta dera Generalitat non lo desliure dera sua responsabilitat politica davant eth Parlament.

ARTICLE 75. Dissolucion anticipada deth Parlament

Eth president o presidenta dera Generalitat, damb era deliberacion prealablea deth Govèrn e sus era sua exclusiva responsabilitat, pòt dis-sòlver eth Parlament. Aguesta facultat non pòt èster exercida quan sigue en tràmit ua mocion de censura e tanpòc se non a transcorrut un an coma minim des dera darrèra dissolucion per aguest procediment. Eth decret de dissolucion a d'establir era convocatòria de naues eleccions, qu'an d'auer lòc enter es quaranta e es seishanta dies següents ara data de publicacion deth decret en *Diari Oficial de la Generalitat de Catalunya*.

CAPÍTOL V D'AUTES INSTITUCIONS DERA GENERALITAT

SECCION PRUMÈRA ETH CONSELH DE GARANTIES ESTATUTÀRIES

ARTICLE 76. Foncions

1. Eth Conselh de Garanties Estatutàries ei era institucion dera Generalitat que velhe pera adequacion ad aguest Estatut e ara Constitucion des disposicions dera Generalitat enes tèrmes qu'establís er apartat 2.

2. Eth Conselh de Garanties Estatutàries pòt dictaminar, enes tèrmes qu'establisque era lei, enes casi següents:

- a) Era adequacion ara Constitucion des projectes e des proposicions de reforma der Estatut d'autonomia de Catalunya abans qu'eth Parlament les apròve.
- b) Era adequacion ad aguest Estatut e ara Constitucion des projectes e des proposicions de lei sometuts a debat e aprobacion deth Parlament e des decrets lei sometuts a convalidacion deth Parlament.
- c) Era adequacion ad aguest Estatut e ara Constitucion des projectes de decret legislatiu aprovats peth Govèrn.
- d) Era adequacion des projectes e des proposicions de lei e des projectes de decret legislatiu aprovats peth Govèrn ara autonomia locau enes tèrmes que garantís aguest Estatut.

3. Eth Conselh de Garanties Estatutàries a de dictaminar abans dera interposicion deth recors d'inconstitucionalitat peth Parlament o peth Govèrn, abans dera interposicion de conflicte de competéncia peth Govèrn e abans dera interposicion de conflicte de defensa dera autonomia locau dauant eth Tribunau Constitucionau.

4. Es dictamens deth Conselh de Garanties Estatutàries an caractèr vinculant en çò que hè as projèctes de lei e es proposicions de lei deth Parlament que desenvolopen o afècten a drets reconeishuts per aguest Estatut.

ARTICLE 77. Composicion e funcionament

1. Eth Conselh de Garanties Estatutàries ei format per membres nomenats peth president o presidenta dera Generalitat enter juristes de reconeishuda competéncia, dues tresaus parts des quaus a prepausa deth Parlament, per majoria de tres cincaus parts des deputats, e ua tresau part a prepausa deth Govèrn.

2. Es membres deth Conselh de Garanties Estatutàries an d'escuéller d'enter eri eth president o presidenta.

3. Ua lei deth Parlament regule era composicion e eth funcionament deth Conselh de Garanties Estatutàries, er estatut des membres e es procediments relatius ar exercici des sues foncions. Se pòden agranir per lei es foncions dictaminadores deth Conselh de Garanties Estatutàries qu'establís aguest Estatut sense atribuir-les caractèr vinculant.

4. Eth Conselh de Garanties Estatutàries a autonomia organica, funcionau e pressupostària cossent damb era lei.

SECCION DUSAU ETH SINDIC DE GRÈUGES

ARTICLE 78. Foncions e relacions damb es autes institucions analògues

1. Eth Sindic de Grèuges a era foncion de protegir e deféner es drets e es libertats que reconeishen era Constitucion e aguest Estatut. Damb agesta finalitat supervise, damb caractèr exclusiu, era activitat dera Administracion dera Generalitat, era des organismes publics o privats

vinculats o que ne depenen, era des empreses privades que gestionen servis publics o complissen activitats d'interès generau o universau o activitats equivalentes de manera concertada o indirecta e era des autes personnes damb ligam contractuau damb era Administracion dera Generalitat e damb es entitats publiques que ne depenen. Tanben supervise era activitat dera Administracion locau de Catalonha e era des organismes publics o privats vinculats o que ne depenen.

2. Eth Sindic de Grèuges e eth Defensor deth Pòble collabòren en exercici des suas foncions.

3. Eth Sindic de Grèuges pòt sollicitar dictamen ath Conselh de Garanties Estatutàries sus es projectes e es proposicions de lei sosmetudi a debat e aprobadon deth Parlament e des decretis lei sosmetudi a convalidacion deth Parlament, quan regulen drets reconeishudi per aguest Estatut.

4. Eth Sindic de Grèuges pòt establir relacions de collaboracion damb es defensors locaus dera ciutadania e d'autres figures analògues creades en encastre public e eth privat.

5. Es administracions publiques de Catalonha e es autes entitats e personnes a què hè referéncia er apartat 1 an era obligacion de cooperar damb eth Sindic de Grèuges. S'an de regular per lei es sancions e es mecanismes destinadi a garantir eth compliment d'aguesta obligacion.

ARTICLE 79. Designacion e estatut deth Sindic de Grèuges

1. Eth sindic o sindica de grèuges ei escuelhut peth Parlament per majoria de tres cincaus parts des sòns membres.

2. Eth sindic o sindica de grèuges exercís es suas foncions damb imparcialitat e independéncia, ei inviolable pes opinions expressades en exercici des suas foncions, ei inamobile e sonque pòt èster destituït e suspenut pes causes qu'establís era lei.

3. S'an de regular per lei er estatut personau deth sindic de grèuges, es incompatibilitats, es causes de cessament, era organizacion e es atribucions dera institucion. Eth Sindic de Grèuges gaudís d'autonomia reglamentària, organizativa, foncionau e pressupostària cossent damb es leis.

SECCION TRESAU ERA SINDICATURA DE COMPDES

ARTICLE 80. Foncions e relacions damb eth Tribunau de Compdes

1. Era Sindicatura de Compdes ei er organ fiscalizador extèrn des compdes, dera gestion economica e deth contròle d'eficiéncia dera Generalitat, des ens locaus e dera rèsta deth sector public de Catalonha.

2. Era Sindicatura de Compdes depen organicament deth Parlament, exercís es suas foncions per delegacion d'aguest e damb plea autonomia organizativa, foncionau e pressupostària, cossent damb es leis.

3. Era Sindicatura de Compdes e eth Tribunau de Compdes an d'establir es suas relacions de cooperacion mejançant un convèni. En aguest convèni s'an d'establir es mecanismes de participacion enes procediments jurisdiccionaus sus responsabilitat compdabla.

ARTICLE 81. Composicion, foncionament e estatut personau

1. Era Sindicatura de Compdes ei formada per sindics designats peth Parlament per majoria de tres cincaus parts. Es sindics escuelhen d'en ter eri eth sindic o sindica major.

2. S'an de regular per lei er estatut personau, es incompatibilitats, es causes de cessament, era organizacion e eth foncionament dera Sindicatura de Compdes.

SECCION QUATAU REGULACION DETH CONSELH DER AUDIOVISUAU DE CATALONHA

ARTICLE 82. Eth Conselh der Audiovisuai de Catalonha

Eth Conselh der Audiovisuai de Catalonha ei era autoritat reguladora independenta en encastre dera comunicacion audiovisuai publica e privada. Eth Conselh actue damb plea independéncia deth Govèrn dera Generalitat en exercici des suas foncions. Ua lei deth Parlament a d'establir es critèris d'eleccioón des sòns membres e es sòns encastres específics d'actuacion.

CAPÍTOL VI

ETH GOVERN LOCAU

SECCION PRUMÈRA ORGANIZACION TERRITORIAU LOCAU

ARTICLE 83. Organizacion deth Govèrn locau de Catalunya

1. Catalunya estructure era sua organizacion territoriau basica en municipis e vegueries.
2. Er encastre supramunicipau ei constituït, en tot cas, pes comarques, qu'a de regular ua lei deth Parlament.
3. Es auti ens supramunicipaus que cree era Generalitat se fondamen-ten ena volentat de collaboracion e associacion des municipis.

ARTICLE 84. Competéncies locaus

1. Aguest Estatut garantís as municipis un nuclau de competéncies pròpies qu'an d'èster exercides per aguestes entitats damb plea auto-nomia, subjècta sonque a contròle de constitucionalitat e de legalitat.
2. Es governs locaus de Catalunya an en tot cas competéncies pròpies sus es matèries que seguissen, enes tèrmes que determinen es leis:
 - a) Era ordenacion e era gestion deth territòri, er urbanisme e era disciplina urbanistica e era conservacion e eth manteniment des bens de domeni public locau.
 - b) Era planificacion, era programacion e era gestion d'abitatge public e era participacion ena planificacion en sòu municipau der abitatge de proteccion oficiau.
 - c) Era ordenacion e era prestacion de servicis basics ara comunitat.
 - d) Era regulacion e era gestion des equipaments municipaus.
 - e) Era regulacion des condicions de seguretat enes activitats organiza-des en espacis publics e en locaus de concorrència publica. Era co-ordinacion mejançant era Junta de Seguretat des diuèrsi còssi e fòr-ces presents en municipi.
 - f) Era proteccio civila e era prevencion d'incendis.
 - g) Era planificacion, era ordenacion e era gestion dera educacion infantila e era participacion en procès de matriculacion enes centres publics e

concertats deth tèrme municipau, eth manteniment e er aprofitament, dehòra der orari escolar, des centres publics e eth calendari escolar.

- h) Era circulacion e es servicis de mobilitat e era gestion deth trans-pòrt de viatgèrs municipau.
- i) Era regulacion der establiment d'autorizacions e promocions de to-ta sòrta d'activitats economicas, especiaument es de caractèr co-mercial, artesanau e toristic e foment dera aucupacion.
- j) Era formulacion e era gestion de politiques entara proteccio deth miei ambient e eth desenvolopament sostenible.
- k) Era regulacion e era gestion des equipaments esportius e de lésor e promoción d'activitats.
- l) Era regulacion der establiment d'infraestructures de telecomunica-cions e prestacion de servicis de telecomunicacions.
- m) Era regulacion e era prestacion des servicis d'atencion as personnes, des servicis sociaus publics d'assisténcia primària e foment des poli-tiques d'acuelhement des immigrants.
- n) Era regulacion, era gestion e era susvelhança des activitats e usi que s'amien a tèrme enes plages, enes arrius, enes lacs e ena montanha.
3. Era distribucion des responsabilitats administratives enes matèries a què se referís er apartat 2 enter es diuèrses administracions locaus a de-tier en compde era sua capacitat de gestion e se regís pes leis aprova-des peth Parlament, peth principi de subsidiarietat, cossent damb çò qu'establís era Carta europea dera autonomia locau, peth principi de diferenciacion, cossent damb es caracteristiques que presente era realitat municipau, e peth principi de sufisença financièra.
4. Era Generalitat a de determinar e fixar es mecanismes entath finan-ciament des naui servicis derivats der agranimet der espaci competen-ciau des governs locaus.

ARTICLE 85. Eth Conselh de Govèrns Locaus

Eth Conselh de Govèrns Locaus ei er organ de representacion de mu-nicipis e vegueries enes institucions dera Generalitat. Eth Conselh a d'èster escotat ena tramitacion parlamentària des iniciatives legislati-ves qu'afècten de manera especifica as administracions locaus e ena tramitacion de plans e normes reglamentàries de caractèr identic. Ua lei deth Parlament regule era composicion, era organizacion e es fon-cions deth Conselh de Govèrns Locaus.

SECCION DUSAU
ETH MUNICIPI

ARTICLE 86. Eth municipi e era autonomia municipau

1. Eth municipi ei er ens locau basic dera organizacion territoriau de Catalunya e eth miei essenciau de participacion dera comunitat locau enes ahèrs publics.
2. Eth govèrn e era administracion municipaus corresponen ar ajuntament, format peth baile o bailessa e es còssos. S'an d'establir per lei es requesits que s'an de complir entara aplicacion deth regim de conselh dubèrt.
3. Aguest Estatut garantís ath municipi era autonomia entar exercici des competéncias qu'a encomanades e era defensa des interèssi pròprios dera collectivitat que represente.
4. Es actes e es acòrds adoptadi pes municipis non pòden èster objècte de contròle d'oportunitats per ua auta administracion.
5. Correspondre a Generalitat eth contròle dera adequacion ar ordenament juridic des actes e es acòrds adoptats pes municipis e, s'ei de besonh, era impugnacion correspondenta davant era jurisdiccion contençiosa administrativa, sense prejudici des accions qu'er Estat pogue emprer en defensa des suas competéncias.
6. Es còssos son escuelhuts pes vesins des municipis mejançant sufragi universau, igual, liure, dirècta e secret.
7. Es concentracions de poblacion que laguens d'un municipi formen nuclèus desseparats se pòden constituir en entitats municipaus descentralizades. Era lei les a de garantir era descentralizacion e era capacitat sufisenta entà amiar a tèrme es activitats e prestar es servicis dera sua competència.

ARTICLE 87. Principis d'organizacion e funcionament e potestat normativa

1. Es municipis dispausen de plea capacitat d'autoorganizacion la-guens der encastre des disposicions generaus establides per lei en matèria d'organizacion e funcionament municipau.

2. Es municipis an dret a associar-se damb d'auti e a cooperar enter eri e damb d'auti ens publics entà exercir es suas competéncias, e tanben entà complir prètz-hèts d'interès comun. Ad aguesti efèctes, an capacitat entà establir convènis e crear mancomunitats, consòrcis e associacions e participar-i, e tanben adoptar d'outes formes d'actuacion conjunta. Es leis non pòden limitar aguest dret se non ei entà garantir era autonomia des auti ens que l'an reconeishuda.

3. Es municipis an potestat normativa, coma expression deth principi democratic en qué se fondamenten, en encastre des suas competéncias e enes auti sus es quaus se projècte era sua autonomia.

ARTICLE 88. Principi de diferenciaciacion

Es leis qu'afècten ath regim juridic, organic, foncionau, competencial e financièr des municipis an d'auer en compde necessàriament es diuèreses caracteristiques demografiques, geografiques, foncionaus, organizatives, de dimension e de capacitat de gestion qu'an.

ARTICLE 89. Regim especiau deth municipi de Barcelona

Eth municipi de Barcelona dispause d'un regim especiau establit per lei deth Parlament. Er Ajuntament de Barcelona a iniciativa entà proposar era modificacion d'aguest regim especiau e, cossent damb es leis e eth Reglament deth Parlament, a de participar ena elaboracion des projèctes de lei qu'incidissen en aguest regim especiau e a d'èster consultat ena tramitacion parlamentària de d'outes iniciatives legislatives sus eth sòn regim especiau.

SECCION TRESAU
ERA VEGUERIA

ARTICLE 90. Era vegueria

1. Era vegueria ei er encastre territoriau especific entar exercici deth govèrn intermunicipau de cooperacion locau e a personalitat juridica pròpria. Era vegueria tanben ei era division territoriau adoptada pera Generalitat entara organizacion territoriau des sòns servicis.

2. Era vegueria, coma govèrn locau, a natura territoriau e gaudís d'autonomia entara gestion des sòns interèssi.

ARTICLE 91. Eth Consell de Vegueria

1. Eth govèrn e era administracion autonòma dera vegueria corresponen ath Consell de Vegueria, format peth president o presidenta e pes conselhers de vegueria.

2. Eth president o presidenta de vegueria ei escuelhut pes conselhers de vegueria d'enter es sòns membres.

3. Es conselhs de vegueria substituïssen es deputacions.

4. Era creacion, era modificacion e era supression, e tanben eth desplegament deth regim juridic des vegueries, son regulades per lei deth Parlament.

Era alteracion des limits provinciaus, se cau, s'a de portar a tèrme cosent damb çò qu'establís er article 141.1 dera Constitucion.

SECCION QUATAU

ERA COMARCA E ES AUTI ENS LOCAUS SUPRAMUNICIPAUS

ARTICLE 92. Era comarca

1. Era comarca se configure coma ens locau damb personalitat juridica pròpria e ei formada pes municipis entara gestion de competéncies e servicis locaus.

2. Era creacion, era modificacion e era supression des comarques, e tanben er establiment deth regim juridic d'aguesti ens, son regulats per ua lei deth Parlament.

ARTICLE 93. Es auti ens locaus supramunicipaus

Es auti ens locaus supramunicipaus se fondamenten ena volentat de collaboracion e associacion des municipis e en reconeishement des ai-raus metropolitans. Era creacion, era modificacion e era supression, e tanben er establiment deth regim juridic d'aguesti ens, son regulats per ua lei deth Parlament.

CAPÍTOL VII ORGANIZACION INSTITUCIONAU PRÒPRIA D'ARAN

ARTICLE 94. Regim juridic

1. Aran dispause d'un regim juridic especiau establít per lei deth Parlament. Mejançant aguest regim se reconeish era especificitat dera organizacion institucionau e administrativa d'Aran e se'n garantís era autonomia entà ordenar e gestionar es ahèrs publics deth sòn territòri.

2. Era institucion de govèrn d'Aran ei eth Consell Generau, qu'ei format peth Sindic, eth Plen des Conselhers e Conselhères Generaus e era Comission d'Auditors de Compdes. Eth sindic o sindica ei era mès nauta representacion e era ordinària dera Generalitat en Aran.

3. Era institucion de govèrn d'Aran ei escuelhuda mejançant sufragi universau, igual, liure, dirècta e secret, ena forma establida pera lei.

4. Eth Consell Generau a competéncia enes matèries que determinen era lei reguladora deth regim especiau d'Aran e ràsta de leis aprovades peth Parlament e es facultats qu'era lei li atribuís, especiaument, enes actuacions de montanya. Aran, mejançant era sua institucion representativa, a de participar ena elaboracion des iniciatives legislatives qu'afècten ath sòn regim especiau.

5. Ua lei deth Parlament establís es recorsi financiers suficients entà qu'eth Consell Generau pogue balhar es servicis dera sua competéncia.

TÍTOL III
DETH PODER JUDICIAU
EN CATALONHA

CAPÍTOL I
ETH TRIBUNAU SUPERIOR DE JUSTÍCIA
E ETH FISCAU O ERA FISCALA SUPERIOR
DE CATALONHA

ARTICLE 95. Eth Tribunau Superior de Justícia de Catalonha

1. Eth Tribunau Superior de Justícia de Catalonha ei er organ jurisdiccionau en qué culmine era organizacion judiciau en Catalonha e ei competent, enes tèrmes establits pera lei organica corresponenta, entà conéisher des recorsi e des procediments enes diuèrsiordes jurisdiccionaus e entà tutelar es drets reconeishuts per aguest Estatut. En tot cas, eth Tribunau Superior de Justícia de Catalonha ei competent enesordes jurisdiccionaus civiu, penau, contenciós administratiu e sociau e enes auti que se poguen crear en futur.

2. Eth Tribunau Superior de Justícia de Catalonha ei era darrèra insància jurisdiccionau de toti es procèssis iniciats en Catalonha, e de toti es recorsi que se tramiten en sòni encastre territoriau, sigue quin sigue eth dret invocat coma aplicable, cossent damb era Lei organica deth poder judiciau e sense prejudici dera competéncia reservada ath Tribunau Suprem entara unificacion de doctrina. Era Lei organica deth poder judiciau a de determinar era artenhuda e eth contengut des recorsi nomentadi.

3. Corresponden en exclusiva al Tribunau Superior de Justícia de Catalunya era unificacion dera interpretacion deth dret de Catalunya.

4. Corresponden al Tribunau Superior de Justícia de Catalunya era resolucion des recorsi extraordinaris de revision qu'autorize era lei contra es resolucions fèrmeas dictades pes organs judiciaus de Catalunya.

5. Eth president o presidenta del Tribunau Superior de Justícia de Catalunya ei eth representant deth poder judiciau en Catalunya. Ei nomenat peth rei, a prepausa deth Conselh Generau deth Poder Judiciau e damb era participacion deth Conselh de Justícia de Catalunya, enes tèrmes que determine era Lei organica deth poder judiciau. Eth president o presidenta dera Generalitat ordene que se'n publique eth nomenament en Diari Oficial de la Generalitat de Catalunya.

6. Es presidents de sala del Tribunau Superior de Justícia de Catalunya son nomenats a prepausa deth Conselh Generau deth Poder Judiciau e damb era participacion deth Conselh de Justícia de Catalunya, enes tèrmes que determine era Lei organica deth poder judiciau.

ARTICLE 96. Eth fiscau o era fiscala superior de Catalunya

1. Eth fiscau o era fiscala superior de Catalunya ei eth fiscau o era fiscala en cap deth Tribunau Superior de Justícia de Catalunya, represente eth Ministèri Fiscau en Catalunya e ei designat enes tèrmes qu'establís eth sòn estatut organic.

2. Eth president o presidenta dera Generalitat ordene era publicacion deth nomenament deth fiscau o era fiscala superior de Catalunya en *Diari Oficial de la Generalitat de Catalunya*.

3. Eth fiscau o era fiscala superior de Catalunya a de traméter ua còpia dera memòria anuau dera Fiscalia del Tribunau Superior de Justícia de Catalunya al Govèrn, al Conselh de Justícia de Catalunya e al Parlament, e a de presentar-la davant d'aguest laguens es sies mesi següents al dia en què se hì publica.

4. Es foncions deth fiscau o era fiscala superior de Catalunya son es qu'establís er Estatut organic deth Ministèri Fiscau. Era Generalitat pòt soscriuer convènis damb eth Ministèri Fiscau.

CAPÍTOL II ETH CONSELH DE JUSTÍCIA DE CATALUNHA

ARTICLE 97. Eth Conselh de Justícia de Catalunya

Eth Conselh de Justícia de Catalunya ei er organ de govern deth poder judiciau en Catalunya. Actue coma organ desconcentrat deth Conselh Generau deth Poder Judiciau, sense prejudici des competències d'aguest darrer, cossent damb ciò qu'establís era Lei organica deth poder judiciau.

ARTICLE 98. Atribucions

1. Es atribucions deth Conselh de Justícia de Catalunya son es qu'establisseren aguest Estatut, era Lei organica deth poder judiciau, es leis qu'apròve eth Parlament e es que, s'ei de besonh, li delègue eth Conselh Generau deth Poder Judiciau.

2. Es atribucions deth Conselh de Justícia de Catalunya respecte as organs jurisdiccionaus plaçats en territori de Catalunya son, cossent damb ciò qu'establís era Lei organica deth poder judiciau, es següentes:

- a) Participar ena designacion deth president o presidenta del Tribunau Superior de Justícia de Catalunya, e tanben ena designacion des presidents de sala deth dit Tribunau Superior e des presidents des audiències provinciaus.
- b) Propasar al Conselh Generau deth Poder Judiciau e expedir es nomenaments e es cessaments des jutges e magistrats incorporats ara càrrera judiciau temporaument damb foncions d'assistència, suport o substitucion, e tanben determinar era adscricpcion d'aguesti jutges e magistrats as organs judiciaus que requerisquen mesures de refòrça.
- c) Instruir expedients e, en generau, exercir es foncions disciplinàries sus jutges e magistrats, enes tèrmes qu'establisseren es leis.
- d) Participar ena planificacion dera inspeccio de jutjats e tribunaus; ordenar-ne, se cau, era inspeccio e era susvelhança, e hèr prepauses en aguest encastre; atier es ordes d'inspeccio des jutjats e tribunaus qu'acòrde eth Govèrn, e dar compde dera resolucion e des mesures adoptades.

- e) Informar sus es recorsi d'alçada interposats contra es acòrds des organs de govèrn des tribunaus e jutjats de Catalonha.
 - f) Precisar e aplicar, quan escaigue, en encastre de Catalonha, es reglaments deth Conselh Generau deth Poder Judiciau.
 - g) Informar sus es prepauses de revision, delimitacion e modificacion des demarcacions territoriaus des organs jurisdiccionaus e sus es prepauses de creacion de seccions e jutjats.
 - h) Presentar ua memòria anuau en Parlament sus er estat e eth foncionament dera Administracion de justícia en Catalonha.
 - i) Totes es foncions que li atribuïsquen era Lei organica deth poder judiciau e es leis deth Parlament, e es que li delègue eth Conselh Generau deth Poder Judiciau.
3. Es resolucions deth Conselh de Justícia de Catalonha en matèria de nomenaments, autorizacions, licéncies e permisi s'an adoptar cosent damb es critèris aprovats peth Conselh Generau deth Poder Judiciau.
4. Eth Conselh de Justícia de Catalonha, mejançant eth sòn president o presidenta, a de comunicar ath Conselh Generau deth Poder Judiciau es resolucions que dicte e es iniciatives qu'emprengue e a de facilitar era informacion que li sigue demandada.

ARTICLE 99. Composicion, organizacion e foncionament

1. Eth Conselh de Justícia de Catalonha ei integrat peth president o presidenta deth Tribunau Superior de Justícia de Catalonha, que lo presidís, e pes membres que siguen nomenats cosent damb çò qu'establís era Lei organica deth poder judiciau, entre jutges, magistrats, fiscaus o juristas de reconeishut prestigi. Eth Parlament de Catalonha designe es membres deth Conselh que determine era Lei organica deth poder judiciau.

2. Eth Conselh de Justícia de Catalonha apròve eth sòn reglament intèrn d'organizacion e foncionament, cosent damb era normativa aplicable.

ARTICLE 100. Contròle des actes deth Conselh de Justícia de Catalonha

1. Es actes deth Conselh de Justícia de Catalonha son impugnables en alçada dauant eth Conselh Generau deth Poder Judiciau, exceptat

qu'agen estat dictats en exercici de competéncies dera comunautat autònoma.

2. Es actes deth Conselh de Justícia de Catalonha que non siguen impugnables en alçada dauant eth Conselh Generau deth Poder Judiciau se pòden impugnar jurisdiccionaument enes tèrmes estabolidi pes leis.

CAPÍTOL III COMPETÉNCIES DERA GENERALITAT SUS ERA ADMINISTRACION DE JUSTÍCIA

ARTICLE 101. Oposicions e concorsi

1. Era Generalitat prepause ath Govèrn der Estat, ath Conselh Generau deth Poder Judiciau o ath Conselh de Justícia de Catalonha, segontes que correspongue, era convocatòria d'oposicions e concorsi entà provedir es places vacantes de magistrats, jutges e fiscaus en Catalonha.

2. Eth Conselh de Justícia de Catalonha convòque es concorsi entà provedir places vacantes de jutges e magistrats en Catalonha enes tèrmes estabolidi pera Lei organica deth poder judiciau.

3. Es pròves des concorsi e es oposicions regulats per aguest article, s'an lòc en Catalonha, pòden hèr-se en quinsevolh des dues lengües oficiaus, a eleccion deth candidat.

ARTICLE 102. Eth personau judiciau e era rèsta deth personau ath servici dera Administracion de Justícia en Catalonha

1. Es magistrats, es jutges e es fiscaus qu'aucupen ua plaça en Catalonha an d'acreditar un coneishement adequat e sufisent deth catalan entà hèr efectius es drets lingüistics des ciutadans ena forma e damb era artenhuda que determine era lei.

2. Es magistrats, es jutges e es fiscaus qu'aucupen ua plaça en Catalonha an d'acreditar un coneishement sufisent deth dret pròpri de Catalonha ena forma e damb era artenhuda que determine era lei.

3. En tot cas, eth coneishement sufisent dera lengua e deth dret pròpis a d'èster avalorat d'ua manera especifica e singulara entà obtier ua plaça enes concorsi de traslats corresponents.

4. Eth personau ath servici dera Administracion de justicia e dera Fiscalia en Catalonha a d'acreditar un coneishement adequat e sufisent des dues lengües oficiaus que lo hè apte entà complir es foncions pròpies deth sòn cargue o lòc de trebalh.

ARTICLE 103. Mieis personaus

1. Corresponden ara Generalitat era competéncia normativa sus eth personaus non judiciaus ath servici dera Administracion de justicia, damb eth respècte der estatut juridic d'aguest personau establít pera Lei organica deth poder judiciau. Enes tèrmes nomenatadi, aguesta competéncia includís era regulacion de:

- a) Era organizacion d'aguest personau en còssi e escales.
- b) Eth procès de seleccion.
- c) Era promocion intèrna, era formacion inicial e era formacion contunhada.
- d) Era provision de destinacions e ascensi.
- e) Es situacions administratives.
- f) Eth regim de retribucions.
- g) Era jornada laborau e er orari de trebalh.
- h) Era ordenacion dera activitat professional e es foncions.
- i) Es licéncies, es permisi, es vacances e es incompatibilitats.
- j) Eth registre de personau.
- k) Eth regim disciplinari.

2. Enes madeishi tèrmes qu'establís er apartat 1, corresponden ara Generalitat era competéncia executiva e de gestion en matèria de personaus non judiciaus ath servici dera Administracion de justicia. Aguesta competéncia includís:

- a) Aprovar era aufèrta d'aucupacion publica.
- b) Convocar e resòlver toti es procèssis de seleccion, e era adscripcion as lòcs de trebalh.
- c) Nomenar es funcionaris que supèren es procèssis selectius.
- d) Impartir era formacion, prealbla e contunhada.
- e) Elaborar es relacions de lòcs de trebalh.

f) Convocar e resòlver toti es procèssis de provision de lòcs de trebalh.

g) Convocar e resòlver toti es procèssis de promocion intèrna.

h) Gestioñar eth Registre de Personau, coordinat damb er estatau.

i) Amiar tota era gestion d'aguest personau, en aplicacion deth sòn regim estatutari retributiu.

j) Exercir era potestat disciplinària e imposar es sancions que siguen de besonh, includida era separacion deth servici.

k) Exercir totes es autes foncions de besonh entà garantir ua gestion eficaça e eficiente des recorsi umans ath servici dera Administracion de justicia.

3. En marc de ciò que dispuse era Lei organica deth poder judiciau, se pòden crear per lei deth Parlament còssi de funcionaris ath servici dera Administracion de justicia depenents dera foncion publica dera Generalitat.

4. Era Generalitat dispuse de competéncia exclusiva sus eth personaus laborau ath servici dera Administracion de justicia.

ARTICLE 104. Mieis materiaus

Corresponden ara Generalitat es mieis materiaus dera Administracion de justicia en Catalonha. Aguesta competéncia includís en tot cas:

- a) Era construccion e era reforma des bastisses judiciaus e dera fiscalia.
- b) Era provision de bens móbles e materiaus entàs dependéncias judiciaus e dera fiscalia.
- c) Era configuracion, era implantacion e eth manteniment de sistèmes informatics e de comunicacion, sense prejudici des competéncies de coordinacion e omologacion que corresponen ar Estat entà garantir era compatibilitat deth sistèma.
- d) Era gestion e era custòdia des archius, des pèces de conviccion e des efèctes intervinguts, en tot aquerò que non age natura jurisdiccional.
- e) Era participacion ena gestion des compdes de dipòsits e consignacions judiciaus e enes sòns rendiments en tot tier en compde eth volum dera activitat judiciau acomplida ena comunitat autònoma e eth còst efectiu des servicis.
- f) Era gestion, era liquidacion e era recaptacion des taxes judiciaus qu'establisque era Generalitat en encastre des sues competéncies sus era Administracion de justicia.

ARTICLE 105. Oficina Judiciau e institucions e servicis de supòrt

Correspon ara Generalitat cossent damb era Lei organica deth poder judiciau, determinar era creacion, eth dessenh, era organizacion, era dotacion e era gestion des oficines judiciaus e des organs e es servicis de supòrt as organs jurisdiccionaus, en tot includir-i era regulacion des institucions, es instituts e es servicis de medicina forensa e de toxicologia.

ARTICLE 106. Justícia gratuïta. Procediments de mediacion e de conciliacion

1. Correspon ara Generalitat era competéncia entà ordenar es servicis de justícia gratuïta e d'orientacion juridica gratuïta.
2. Era Generalitat pòt establir es esturments e es procediments de mediacion e de conciliacion ena resolucion de conflictes enes matèries dera sua competéncia.

ARTICLE 107. Demarcacion, planta e capitalitat judiciaus

1. Eth Govèrn dera Generalitat, aumens cada cinc ans, damb er informe prealable deth Consell de Justícia de Catalonha, a de prepausar ath Govèrn der Estat era determinacion e era revision dera demarcacion e era planta judiciaus en Catalonha. Aguesta prepausa, qu'ei preceptiva, a d'acompanhar ath projècte de lei qu'eth Govèrn tramete as Corts Generaus.
2. Es modificacions dera planta judiciau que non compòrten reforma legislativa pòden correspóner ath Govèrn dera Generalitat. Tanben, era Generalitat pòt crear seccions e jutjats, per delegacion deth Govèrn der Estat, enes tèrmes estabolidi pera Lei organica deth poder judiciau.
3. Era capitalitat des demarcacions judiciaus ei fixada per ua lei deth Parlament.

ARTICLE 108. Justícia de patz e de proximitat

1. Era Generalitat a competéncia sus era justícia de patz, enes tèrmes qu'establisque era Lei organica deth poder judiciau. Enes madeishi

tèrmes, correspon ath Consell de Justícia de Catalonha eth nomenclament des jutges. Era Generalitat tanben se hè cargue des sues indemnizacions e ei era competenta entara provision des mieis de besonh entar exercici des sues foncions. Li correspon tanben era creacion des secretaries e era sua provision.

2. Era Generalitat, enes poblacions que se determine e cossent damb çò que dispause era Lei organica deth poder judiciau, pòt instar que s'establisque un sistèma de justícia de proximitat qu'age per objectiu resòlver conflictes menors damb celeritat e eficàcia.

ARTICLE 109. Clàusula subrogatòria

Era Generalitat exercís, ultra es competéncies exprèssament atribuïdes per aguest Estatut, totes es foncions e es facultats qu'era Lei organica deth poder judiciau reconeish ath Govèrn der Estat en çò que hè ara Administracion de justícia en Catalonha.

TÍTOL IV

DES COMPETÉNCIES

CAPÍTOL I

TIPOLOGIA DES COMPETÉNCIES

ARTICLE 110. Competéncies exclusives

1. Corresponen ara Generalitat, en encastre des suas competéncies exclusives, de manera íntegra, era potestat legislativa, era potestat reglamentària e era foncion executiva. Correspon únicament ara Generalitat er exercici d'aguestes potestats e foncions, mejançant es quaus pòt establir polítiques pròpies.
2. Eth dret catalan, en matèria des competéncies exclusives dera Generalitat, ei eth dret aplicable en sòn territori damb preferéncia sus quins sevolí aute.

ARTICLE 111. Competéncies compartides

Enes matèries qu'er Estatut atribuís ara Generalitat de forma compartida damb er Estat, corresponen ara Generalitat era potestat legislativa, era potestat reglamentària e era foncion executiva, en marc des bases que fixe er Estat coma principis o minim comun normatiu en normes damb reng de lei, exceptat enes supausats que se determinen cossent damb era Constitucion e damb aguest Estatut. En exercici d'aguestes competéncies, era Generalitat pòt establir polítiques prò-

pries. Eth Parlament a de desplegar e concretar mejançant ua lei es dites disposicions basiques.

ARTICLE 112. Competéncies executives

Correspon ara Generalitat, en encastre des suas competéncies executives, era potestat reglamentària, que compren era aprobacion de disposicions entara execucion dera normativa der Estat e tanben era fonsion executiva, qu'en tot cas includís era potestat d'organizacion dera sua pròpria administracion e, en generau, totes es foncions e activitats qu'er ordenament atribuïs ara Administracion publica.

ARTICLE 113. Competéncies dera Generalitat e normativa dera Union Europèa

Correspon ara Generalitat eth desplegament, era aplicacion e era execucion dera normativa dera Union Europèa quan afècte ar encastre des suas competéncies, enes tèrmes qu'establís eth títol V.

ARTICLE 114. Activitat de foment

1. Correspon ara Generalitat, enes matèries dera sua competéncia, er exercici dera activitat de foment. Damb aguesta finalitat, era Generalitat pòt autrejar subvencions damb cargue a hons pròpris.

2. Correspon ara Generalitat, enes matèries de competéncia exclusiva, era especificacion des objectius as quaus se destinen es subvencions estataus e comunitàries europèes territorializables, e tanben era regulacion des condicions d'autrejament e era gestion, en tot includir-i era tramitacion e era concession.

3. Correspon ara Generalitat, enes matèries de competéncia compartida, precisar normativament es objectius as quaus se destinen es subvencions estataus e comunitàries europèes territorializables, e tanben completar era regulacion des condicions d'autrejament e tota era gestion, en tot includir-i era tramitacion e era concession.

4. Correspon ara Generalitat, enes matèries de competéncia executiva, era gestion des subvencions estataus e comunitàries europèes territorializables, en tot includir-i era tramitacion e era concession.

5. Era Generalitat participe ena determinacion deth caractèr non territorializable des subvencions estataus e comunitàries europèes. Tanben, participe, enes tèrmes que fixe er Estat, ena gestion e era tramitacion d'aguestes subvencions.

ARTICLE 115. Artenhuda territoriau e efèctes des competéncies

1. Er encastre materiau des competéncies dera Generalitat ei referit ath territòri de Catalonha, exceptat enes suposicions a qué hèn referencia exprèssament aguest Estatut e d'autes disposicions legaus qu'establissem era eficàcia juridica extraterritoriau des disposicions e es actes dera Generalitat.

2. Era Generalitat, enes casi en qué er objècte des suas competéncies a ua artenhuda territoriau superiora ath deth territòri de Catalonha, exercís es suas competéncies sus era part d'aguest objècte plaçada en sòn territòri, sense prejudici des esturments de collaboracion que s'establissem damb d'auti ens territoriaus o, subsidiàriament, dera coordinacion per Estat des comunautats autonòmes afectades.

CAPÍTOL II ES MATÈRIES DES COMPETÉNCIES

ARTICLE 116. Agricultura, ramaderia e profitaments forestaus

1. Correspon ara Generalitat, respectant ciò qu'establique er Estat en exercici des competéncies que li atribuïs er article 149.1.13 e 16 dera Constitucion, era competéncia exclusiva en matèria d'agricultura e ramaderia. Aguesta competéncia includís en tot cas:

- a) Era regulacion e eth desenvolopament dera agricultura, era ramaderia e eth sector agroalimentari.
- b) Era regulacion e era execucion sus era qualitat, era traçabilitat e es condicions des productes agricòles e ramadèrs, e tanben era luta contra es fraudes en encastres dera produccion e era comercializacion agroalimentàries.
- c) Era regulacion dera participacion des organizacions agràries e ramadères e des crambes agràries en organismes publics.

- d) Era sanitat vegetau e animau enes casi en qué non age efèctes sus era salut humana e era proteccio des animaus.
 - e) Es semes e es planters, especiaument tot aquerò que sigue relacions damb es organismes geneticament modificats.
 - f) Era regulacion des processi de produccion, des explotacions, des estructures agràries e deth sòn regim juridic.
 - g) Eth desenvolapament integrat e era proteccio deth mon rurau.
 - h) Era recerca, eth desenvolapament, era transferéncia tecnologica, era innovacion des explotacions e es empreses agràries e alimentàries e era formacion en aguestes matèries.
 - i) Es fires e es certamens agricòles, forestaus e ramadàrs.
2. Correspon ara Generalitat era competència compartida sus:
- a) Era planificacion dera agricultura e era ramaderia e deth sector agroalimentari.
 - b) Era regulacion e eth regim d'intervencion administratiu e d'usatges deth bosc, des profitaments e es servis forestaus e des vies pecuàries de Catalonha.

ARTICLE 117. Aigua e òbres idrauliques

1. Correspon ara Generalitat, en matèria d'aigües que pertanhen a conques idrografiques intracomunitàries, era competència exclusiva, qu'includís en tot cas:
- a) Era ordenacion administrativa, era planificacion e era gestion dera aigua superficiau e sosterranya, des usatges e es profitaments idraulics e tanben des òbres idrauliques que non siguen qualificades d'interès generau.
 - b) Era planificacion e era adopcion de mesures e esturments especifics de gestion e proteccio des recorsi idrics e des ecosistemes aquatics e terrèstres ligats ara aigua.
 - c) Es mesures extraordinàries en cas de besonh entà garantir eth subministrament d'aigua.
 - d) Era organizacion dera administracion idraulica de Catalonha, en tot includir-i era participacion des usatgers.
 - e) Era regulacion e era execucion des actuacions relacionades damb era concentracion parcellària e damb es òbres d'adaiguament.

2. Era Generalitat, enes tèrmes qu'establís era legislacion estatau, asumis competències executives sus eth domeni public idraulic e es òbres d'interès generau. Enes madeishi tèrmes, li correspon era participacion ena planificacion e era programacion des òbres d'interès generau.
3. Era Generalitat participe ena planificacion idrologica e enes organs de gestion estataus des recorsi idrics e des profitaments idraulics que pertanhen a conques idrografiques intercomunitàries. Correspon ara Generalitat, laguens deth sòn encastre territoriau, era competència exclusiva sus:
- a) Era adopció de mesures adicionaus de proteccio e sanejament des recorsi idrics e des ecosistemes aquatics.
 - b) Era execucion e era explotacion des òbres de titularitat estatau, se s'establís mejançant conveni.
 - c) Es facultats de policia deth domeni public idraulic que li son atribuïdes pera legislacion estatau.
4. Era Generalitat a d'emeter un informe preceptiu entà quinsevolha prepausa de transvasament de conques qu'implique era modificacion des recorsi idrics deth sòn encastre territoriau.
5. Era Generalitat participe ena planificacion idrologica des recorsi idrics e des profitaments idraulics que passen per Catalonha o que i acaben provinents de territoris de dehòra der encastre estatau espanyòu, cossent damb es mecanismes qu'establís eth títol V, e participe ena execucion dera dita planificacion enes tèrmes qu'establís era legislacion estatau.

ARTICLE 118. Associacions e fondacions

1. Correspon ara Generalitat, respectant es condicions basiques qu'er Estat estableisque entà garantir era igualtat en exercici deth dret e era resèrva de lei organica, era competència exclusiva sus eth regim juridic des associacions que complissen es sues foncions majoritàriament en Catalonha. Aguesta competència includís en tot cas:
- a) Era regulacion des modalitats d'associacion, dera denominacion des associacions, des finalitats, des requesits de constitucion, modificacion, extincion e liquidacion, deth contingut des estatuts, des organs de govern, des drets e déuers des associats, des obligacions des associacions e des associacions de caractèr especiau.

b) Era determinacion e eth regim d'aplicacion des beneficis fiscaus des associacions qu'establisque era normativa tributària, e tanben era declaracion d'utilitat publica, eth contengut e es requesits entà obtier-la.
c) Eth registre d'associacions.

2. Correspon ara Generalitat era competència exclusiva sus eth regim juridic des fondacions que complissen es sues foncions majoritàriament en Catalonha. Aguesta competència includís en tot cas:

- a) Era regulacion des modalitats de fondacion, dera denominacion des fondacions, des finalitats e des beneficiaris dera finalitat fondacionau; dera capacitat entà fondar; des requesits de constitucion, modificacion, extincion e liquidacion; des estatuts; dera dotacion e eth regim dera fondacion en procès de formacion; deth patronat e eth protectorat, e deth patrimòni e eth regim economic e financièr.
- b) Era determinacion e eth regim d'aplicacion des beneficis fiscaus des fondacions qu'establisque era normativa trubutària.
- c) Eth registre de fondacions.

3. Correspon ara Generalitat era fixacion des critèris, era regulacion des condicions, era execucion e eth contròle des ajudes publiques as associacions e es fondacions.

ARTICLE 119. Caça, pesca, activitats marítimes e ordenacion deth sector pesquèr

1. Correspon ara Generalitat era competència exclusiva en matèria de caça e pesca fluviau, qu'includís en tot cas:

- a) Era planificacion e era regulacion.
- b) Era regulacion deth regim d'intervencion administrativa dera caça e era pesca, dera susvelhança e des profitaments cinegetics e piscicòles.

2. Correspon ara Generalitat era competència exclusiva en matèria de pesca marítima e recreativa en aigües interiores, e tanben era regulacion e era gestion des recorsi perquèrs e dera delimitacion d'espacis protegits.

3. Correspon ara Generalitat era competència exclusiva en matèria d'activitats marítimes, qu'includís en tot cas:

a) Era regulacion e era gestion deth marisqueg e era aqüicultura e er establiment des condicions entà practicar-les, e tanben era regulacion e era gestion des recorsi.

- b) Era regulacion e era gestion des installacions destinades ad aguestes activitats.
- c) Eth busseg professionau.
- d) Era formacion e es titulacions en matèria d'activitats de lés.

4. Correspon ara Generalitat era competència compartida en matèria d'ordenacion deth sector pesquèr. Aguesta competència includís, en tot cas, era ordenacion e es mesures administratives d'execucion relatives as condicions professionaus entar exercici dera pesca, era construccion, era seguretat e eth registre oficiau de batèus, es confraries de pescaires e es lòtges de contractacion.

ARTICLE 120. Caishes d'estauvis

1. Correspon ara Generalitat, en matèria de caishes d'estauvis damb demorança en Catalonha, era competència exclusiva sus era regulacion dera sua organizacion, respectant çò qu'establisque er Estat en exercici des competéncies que li atribuís er article 149.1.11 e 13 dera Constitucion. Aguesta competència includís en tot cas:

- a) Era determinacion des sòns organs rectors e dera manera en què es diuèrsi interèssi sociaus i an d'èster representats.
- b) Er estatut juridic des membres des organs rectors e des auti cargues des caishes d'estauvis.
- c) Eth regim juridic dera creacion, era fusion, era liquidacion e eth registre.
- d) Er exercici des potestats administratives en çò que hè as fondacions que se creen.
- e) Era regulacion des agropacions des caishes d'estauvis damb sedençia sociau en Catalonha.

2. Correspon ara Generalitat, en matèria de caishes d'estauvis damb domicili en Catalonha, era competència compartida sus era activitat financièra, cossent damb es principis, es règles e es estàndards minims qu'establissem es bases estataus, qu'includís, en tot cas, era regulacion dera distribucion des excedents e dera òbra sociau des caishes.

Tanben, era Generalitat hè eth seguiment deth procès d'emission e distribucion de quòtes participatives, exceptat enes aspèctes relatius

ath regim d'aufèrtes publiques de venta o soscripcion de valors e admission a negociacion, ara establitat financièra e ara solvència.

3. Correspondre ara Generalitat, en matèria de caishes d'estauvis damb demorança en Catalunya, era competència compartida sus disciplina, inspeccio e sancion des caishes. Aguesta competència includís en tot cas er establiment d'infraccions e sancions adicionaus en matèries dera sua competència.

4. Era Generalitat, cosent damb çò qu'establís era legislacion estatau, collabòre enes activitats d'inspeccio e sancion qu'eth Ministèri d'Economia e Isenda e eth Banc d'Espanya exercissen sus es caishes d'estauvis damb demorança en Catalunya.

ARTICLE 121. Comèrc e fires

1. Correspondre ara Generalitat era competència exclusiva en matèria de comèrc e fires, qu'includís era regulacion dera activitat firau non internacionau e era ordenacion administrativa dera activitat comercial, era quau ath viatge includís en tot cas:

- a) Era determinacion des condicions administratives entà exercir-la e des lòcs e es establiments a on se complisque e era ordenacion administrativa deth comèrc electronic o deth comèrc per quinsevolh aute miei.
 - b) Era regulacion administrativa de totes es modalitats de venda i totes es formes de prestacion dera activitat comercial, e tanben des vendes promocionaus e dera venda a pèrta.
 - c) Era regulacion des oraris comerciaus, respectant en exercici d'aguesta competència eth principi constitucionau d'unitat de mercat.
 - d) Era classificacion e era planificacion territoriau des equipaments comerciaus e era regulacion des requesits e deth regim d'installacion, ampliacio e cambi d'activitat des establiments.
 - e) Er establiment e era execucion des normes e es estàndards de qualitat relacionadi damb era activitat comercial.
 - f) Era adopcion de mesures de policia administrativa en çò que hè ara disciplina de mercat.
2. Correspondre ara Generalitat era competència executiva en matèria de fires internacionaus celebrades en Catalunya, qu'includís en tot cas:

- a) Era activitat d'autorizacion e declaracion dera fira internacionau.
 - b) Era promoció, era gestion e era coordinacion.
 - c) Era activitat inspectora, era avaloracion e era rendicion de compdes.
 - d) Er establiment dera reglamentacion intèrna.
 - e) Eth nomenament d'un delegat o delegada enes organs de direccio dera cada fira.
3. Era Generalitat collabòre damb er Estat en establiment deth calendari de fires internacionaus.

ARTICLE 122. Consultes populars

Correspondre ara Generalitat era competència exclusiva entar establiments deth regim juridic, es modalitats, eth procediment, eth compliment e era convocatòria pera madeisha Generalitat o pes ens locaus en encastre des sues competéncies d'enquêtes, audiències publiques, forums de participacion e quinsevolh aute esturment de consulta populara, salvant çò que dispuse er article 149.1.32 dera Constitucion.

ARTICLE 123. Consum

Correspondre ara Generalitat era competència exclusiva en matèria de consum, qu'includís en tot cas:

- a) Era defensa des drets des consomadors e des usatgers, proclamats per article 28, e er establiment e era aplicacion des procediments administratius de queisha e reclamacion.
- b) Era regulacion e eth foment des associacions des consomadors e es usatgers e era sua participacion enes procediments e ahèrs que les afècten.
- c) Era regulacion des organs e es procediments de mediacion en matèria de consum.
- d) Era formacion e era educacion en consum.
- e) Era regulacion dera informacion en matèria de consomadors e usatgers.

ARTICLE 124. Cooperatives e economia social

1. Correspondre ara Generalitat era competència exclusiva en matèria de cooperatives.

2. Era competència a què se referís er apartat 1 includís era organizacion e eth funcionament des cooperatives, es quaus ath madeish viatge includissen en tot cas:

- a) Era definicion, era denominacion e era classificacion.
- b) Es critèris sus fixacion deth domicili.
- c) Es critèris rectors d'actuacion.
- d) Es requesits de constitucion, modificacion des estatuts sociaus, fusion, escission, transformacion, dissolucion e liquidacion.
- e) Era qualificacion, era inscripcion e era certificacion en registre correspondent.
- f) Es drets e déuers des sòcis.
- g) Eth regim economic e era documentacion sociau.
- h) Era conciliacion e era mediación.
- i) Es grops cooperatius e es formes de collaboracion economica des cooperatives.

3. Era competència a què hè referéncia er apartat 1 includís en tot cas era regulacion e eth foment deth moviment cooperatiu, en especiau entà promòir es formes de participacion ena empresa, er accès des treballadors as mieis de produccion e era coesion sociau e territoriau. Era regulacion e eth foment deth moviment cooperatiu includissen:

- a) Era regulacion der associacionisme cooperatiu.
- b) Er ensenhamant e era formacion cooperatius.
- c) Era fixacion des critèris, era regulacion des condicions, era execucion e eth contròtle des ajudes publiques en mon cooperatiu.

4. Correspon ara Generalitat era competència exclusiva sus eth foment e era ordenacion deth sector dera economia sociau.

ARTICLE 125. Corporacions de dret public e professions titulades

1. Correspon ara Generalitat, en matèria de collègis professionaus, acadèmies, crambes agràries, crambes de comèrc, indústria e navegacion e d'autres corporacions de dret public representatives d'interèssi econòmics e professionaus, era competència exclusiva, sauvant çò qu'establissem es apartats 2 e 3. Aguesta competència, respectant çò que dispausen es articles 36 e 139 dera Constitucion, includís en tot cas:

a) Era regulacion dera organizacion intèrna, deth funcionament e deth regim economic, pressupostari e compdable, e tanben deth regim de collegiacion e adscripcion, des drets e déuers des sòns membres e deth regim disciplinari.

- b) Era creacion e era atribucion de foncions.
- c) Era tutèla administrativa.
- d) Eth sistèma e eth procediment electoraus aplicables ara eleccio des membres des corporacions.
- e) Era determinacion der encastre territoriau e era possibla agropacion laguens de Catalunya.

2. Correspon ara Generalitat era competència compartida sus era definicion des corporacions a què se referís er apartat 1 e sus es requesits entà crear-ne e entà èste'n membre.

3. Es crambes de comèrc, indústria e navegacion, s'ac acòrden prealablamet era Generalitat e er Estat, pòden complir foncions de comèrc exterior e destinari-i recorsi cameraus.

4. Correspon ara Generalitat, respectant es normes generaus sus titulacions academiques e professionaus e çò que dispausen es articles 36 e 139 dera Constitución, era competència exclusiva sus er exercici des professionaus titulades, qu'includís en tot cas:

- a) Era determinacion des requesits e des condicions d'exercici des professions titulades, e tanben des drets e es obligacions des professionaus titulats e deth regim d'incompatibilitats.
- b) Era regulacion des garanties administratives dauant er intrusisme e es actuacions irregulares, e tanben era regulacion des prestacions professionaus de caractèr obligatòri.
- c) Eth regim disciplinari der exercici des professions titulades.

ARTICLE 126. Crèdit, banca, assegurances e mutualitats non integrades en sistèma de seguretat sociau

1. Correspon ara Generalitat era competència exclusiva sus era estructura, era organizacion e eth funcionament des mutualitats de prevision sociau non integrades en sistema de seguretat sociau.

2. Correspon ara Generalitat era competència compartida sus era estructura, era organizacion e eth funcionament des entitats de crèdit que non siguen caishes d'estauvis, des cooperatives de crèdit e des en-

titats gestores de plans e hons de pensions e des entitats fisiques e juridiques qu'actuen en mercat asegurador d'autes qu'aqueres as quaus hè referéncia er apartat 1, cossent damb es principis, es règles e es estàndards minims que fixen es bases estataus.

3. Correspon ara Generalitat era competència compartida sus era activitat des entitats a què se referissen es apartats 1 e 2. Aguesta competència includís es actes d'execucion regladi que li atribuïque era legislació estatau.

4. Correspon ara Generalitat era competència compartida sus disciplina, inspeccion e sancion des entitats a què hè referéncia er apartat 2.

ARTICLE 127. Cultura

1. Correspon ara Generalitat era competència exclusiva en matèria de cultura. Aguesta competència exclusiva compren en tot cas:

a) Es activitats artistiques e culturals, que s'amien en Catalunya, en tot includir-i:

Prumèr. Es mesures relatives ara producció e era distribucion de libres e publicacions periodiques en quinsevolh supòrt, e tanben era gestion deth dipòsit legau e er autrejament des còdis d'identificacion.

Dusau. Era regulacion e era inspeccion des sales d'exibicion cinematografica, es mesures de proteccio dera indústria cinematografica e eth contròle e era concession de lícencies de doblatge as empreses distribuïdores domiciliades en Catalunya.

Tresau. Era qualificacion des pellicules e es materiaus audiovisuaus en foncion dera edat e des valors culturals.

Quatau. Era promocion, era planificacion, era construccion e era gestion d'equipaments culturals plaçats en Catalunya.

Cincau. Er establiment de mesures fiscaus d'incentivacion des activitats culturals enes tributs sus es quaus era Generalitat age competències normatives.

b) Eth patrimoni culturau, en tot includir-i en tot cas:

Prumèr. Era regulacion e era execucion de mesures destinades a garantir er enriquiment e era difusion deth patrimoni culturau de Catalunya e a facilitar-i er accès.

Dusau. Era inspeccion, er inventari e era restauracion deth patri-

mòni arquitectonic, arqueologic, scientific, tecnic, istoric, artistic, etnologic e culturau en generau.

Tresau. Er establiment deth regim juridic des actuacions sus bens móbles e immòbles integrants deth patrimoni culturau de Catalunya e era determinacion deth regim juridic des bens immòbles, e tanben era declaracion e era gestion d'aguesti bens, exceptat es que s'guen de titularitat der Estat.

Quatau. Era proteccio deth patrimoni culturau de Catalunya, qu'includís era conservacion, era reparacion, eth regim de susvelhança e eth contròle des bens, sense prejudici dera competència estatau entara defensa des bens intregrants d'aguest patrimoni contra era exportacion e era espoliacion.

c) Es archius, es bibliotèques, es musèus e es auti centres de dipòsit culturau que non son de titularitat estatau, en tot includir-i en tot cas:

Prumèr. Era creacion, era gestion, era proteccio e er establiment deth regim juridic des centres qu'intègren eth sistèma d'archius e eth sistèma bibliotecari, des musèus e des auti centres de dipòsit culturau.

Dusau. Er establiment deth regim juridic des bens documentaus, bibliografics e culturals que i son dipositati.

Tresau. Era conservacion e era recuperacion des bens qu'intègren eth patrimoni documentau e bibliografic catalan.

d) Eth foment dera cultura, damb relacion ath quau includis:

Prumèr. Eth foment e era difusion dera creacion e era produccio teatraus, musicaus, audiovisuaus, literàries, de dansa, de circ e d'arts combinades amiades a terme en Catalunya.

Dusau. Era promocion e era difusion deth patrimoni culturau, artistic e monumentau e des centres de dipòsit culturau de Catalunya.

Tresau. Era projeccion internacionau dera cultura catalana.

2. Correspon ara Generalitat era competència executiva sus es archius, es bibliotèques, es musèus e es centres de dipòsit culturau de titularitat estatau plaçats en Catalunya, era gesion des quaus non se resserve exprèssament er Estat, qu'includis, en tot cas, era regulacion deth funcionament, era organizacion e eth regim de personau.

3. Enes actuacions qu'er Estat hèisque en Catalunya en matèria d'invèrsion en bens e equipaments culturals se requeris er acòrd prealable damb era Generalitat. En cas des activitats qu'er Estat complisque en

çò que hè ara projeccion internacionau dera cultura, eth Govèrn der Estat e eth Govèrn dera Generalitat an d'articular formules de collaboracion e cooperación mutuaus, cossent damb çò qu'establís eth títol V d'aguest Estatut.

ARTICLE 128. Denominacions e indicacions geografiques e de qualitat

1. Corresponden ara Generalitat, en tot respectar çò que dispause er article 149.1.13 dera Constitución, era competéncia exclusiva sus denominacions d'origen e d'autes mencions de qualitat, qu'includís eth regim juridic de creacion e funcionament, eth quau ath madeish temps includís:

- a) Era determinacion des possibles nivèus de proteccion des productes, eth són regim e es sues condicions, e tanben es drets e es obligacions que ne deriven.
- b) Eth regim de titularitat des denominacions, en tot respectar era legislació de proprietat industriaui.
- c) Era regulacion des formes e des condicions de produccion e comercializacion des productes corresponents, e eth regim sancionador aplicable.
- d) Eth regim dera organizacion administrativa dera denominacion d'origen, o mencion de qualitat, referida tant ara gestion coma ath contròtle dera produccion e era comercializacion.

2. Era competéncia a qué hè referencia er apartat 1 includís eth reconeishement des denominacions o des indicacions, era aprobacion des sues normes reguladores e totes es facultats administratives de gestion e contròle sus era actuacion des denominacions o es indicacions, especialment es que deriven dera eventuaal tutèla administrativa sus es organs dera denominacion e der exercici dera potestat sancionadora per infraccions deth regim dera denominacion.

3. Era Generalitat, en cas qu'eth territori d'ua denominacion despasse es limits de Catalonha, exercís es facultats de gestion e contròle sus es actuacions des organs dera denominacion relatives a terrens e instalacions plaçats en Catalonha, enes tèrmines que determinen es leis. Era Generalitat participe enes organs dera denominación e en exercici des sues facultats de gestion.

4. Era Generalitat exercís sus eth són territori es obligacions de proteccion derivades deth reconeishement pera madeisha Generalitat d'ua denominacion d'origen o d'ua indicacion geografica protegida. Es autoritats corresponentes collabòren ena proteccio des denominacions geografiques e de qualitat catalanes dehòra deth territori de Catalonha e dauant es corresponentes institucions de proteccio europees e internacionaus.

ARTICLE 129. Dret civiu

Corresponden ara Generalitat era competéncia exclusiva en matèria de dret civiu, exceptat enes matèries qu'er article 149.1.8 dera Constitucion atribuïs en tot cas ar Estat. Aguesta competéncia includís era determinacion deth sistèma de hònts, deth dret civil de Catalonha.

ARTICLE 130. Dret processau

Corresponden ara Generalitat dictar es normes processaus específiques que deriven des particularitats deth dret substantiu de Catalonha.

ARTICLE 131. Educacion

1. Corresponden ara Generalitat, en matèria d'ensenhamant non universitari, era competéncia exclusiva sus es ensenhamants postobligatòris que non amien ara obtencion d'un títol o ua certificacion academica o professional damb validesa en tot er Estat e sus es centres docents en qué s'impartissen aguesti ensenhamants.

2. Corresponden ara Generalitat, en matèria d'ensenhamant non universitari, en çò que hè as ensenhamants obligatòris e non obligatòris qu'amien ara obtencion d'un títol academic o professional damb validesa en tot er Estat e damb relacion as ensenhamants d'educacion infantila, era competéncia exclusiva qu'includís:

- a) Era regulacion des organs de participacion e consulta des sectors afectats ena programacion der ensenhamant en són territori.
- b) Era determinacion des contenguts educatius deth prumèr cicle dera educacion infantila e era regulacion des centres en qué s'impartís aguest cicle, e tanben era definicion des plantilhes deth professorat e des titulacions e es especializacions dera rèsta deth personau.

- c) Era creacion, eth desenvolopament organizatiu e eth regim des centres publics.
 - d) Era inspeccion, era avaloracion intèrna deth sistèma educatiu, era innovacion, era recerca e era experimentacion educatives, e tanben eth garantiment dera qualitat deth sistèma educatiu.
 - e) Eth regim de foment der estudi, de bèques e d'ajudes damb hons pròprios.
 - f) Era formación permanenta e eth perfeccionament deth personau docent e des auti professionaus dera education e era aprobacion de directritzies d'actuacion en matèria de recorsi umans.
 - g) Es servicis educatius e es activitats extraescolares complementàries en çò que hè as centres docents publics e as centres docents privats sostenguts damb hons publics.
 - h) Es aspèctes organizatius des ensenhaments en regim non presenciu adreçadi ar alumnat d'edat superiora ara d'escolarizacion obligatòria.
3. En aquerò que non regule er apartat 2 e en çò que hè as ensenhaments a qué hè referéncia eth nomenat apartat, correspon ara Generalitat, en tot respectar es aspèctes essenciaus deth dret ara education e ara libertat d'ensenhamant, en matèria d'ensenhamant non universitari e cossent damb çò que dispause er article 149.1.30 dera Constitució, era competéncia compartida, qu'includís en tot cas:
- a) Era programacion der ensenhamant, era sua definicion e era avaloracion generau deth sistema educatiu.
 - b) Era ordenacion deth sector der ensenhamant e dera activitat docenta e educativa.
 - c) Er estableiment des plans d'estudi correspondents, en tot includir-i era ordenación curriculara.
 - d) Eth regim de foment der estdi, de bèques e d'ajudes estataus.
 - e) Er accès ara education e er estableiment e era regulacion des critèris d'admission e escolarizacion der alumnat enes centres docents.
 - f) Eth regim de sosteniment damb hons publics des ensenhaments deth sistèma educatiu e des centres que les impartissen.
 - g) Es requisits e es condicions des centres docents e educatius.
 - h) Era organizacion des centres publics e des privats sostengudi damb hons publics.
 - i) Era participacion dera comunitat educativa en contròtle e era gestion des centres docents publics e des privats sostenguts damb hons publics.

- j) Era adquisicion e era pèrta dera condicion de funcionari o foncionària docent dera administracion educativa, eth desenvolopament des sòns drets e déuers basics, e tanben era politica de personau ath servi ci dera administració educativa.
4. Correspon ara Generalitat, en matèria d'ensenhamant non universitari, era competéncia executiva sus era expedicion e era omologacion des títols academics e professionaus estataus.

ARTICLE 132. Emergències e protecció civila

- 1. Correspon ara Generalitat era competéncia exclusiva en matèria de protecció civila, qu'includís, en tot cas, era regulacion, era planificació e era execucion de mesures relatives as emergències e era seguretat civila, e tanben era direcció e era coordinacion des servicis de protecció civila, qu'includissen es servicis de prevencion e extincion d'incendis, sense prejudici des facultats des governs locaus en aguesta matèria, en tot respectar çò qu'establisque er Estat en exercici des sues competéncies en matèria de seguretat publica.
- 2. Era Generalitat, enes casi relatius a emergències e protecció civila d'artenhuda superiora a Catalunya, a de promòir mecanismes de col·laboracion damb d'autes comunitats autònòmes e damb er Estat.
- 3. Correspon ara Generalitat era competéncia executiva en matèria de sauvament maritim, enes tèrmes que determine era legislacion der Estat.
- 4. Era Generalitat participe ena execucion en matèria de seguretat nuclear, enes tèrmes que siguen acordats enes convènis soscrits ad aguest efècte e, se cau, enes leis.

ARTICLE 133. Energia e mines

- 1. Correspon ara Generalitat era competéncia compartida en matèria d'energia.
- Aquesta competéncia includís en tot cas:
- a) Era regulacion des activitats de produccion, magazematge e transpòrt d'energia, er autrejament des autorizacions des installacions que transcorren intègrament peth territòri de Catalunya e er exerci-

- ci des activitats d'inspeccio e contròle de totes es installations existentes en Catalunya.
- b) Era regulacion dera activitat de distribucion d'energia que s'acomplisce en Catalunya, er autrejament des autorizacions des installations correspondentes e er exercici des activitats d'inspeccio e contròle de totes es installations existentes en Catalunya.
- c) Eth desplegament des normes complementàries de qualitat des servis de subministrament d'energia.
- d) Eth foment e era gestion des energies renaubles e dera eficiéncia energetica.
2. Era Generalitat participe mejançant era emission d'un informe prealable en procediment d'autrejament dera autorizacion des installations de produccion e transpòrt d'energia qu'ultrapassen eth territori de Catalunya o s'era energia ei objècte de profitament dehòra d'aguest territori.
3. Era Generalitat participe ena regulacion e era planificacion d'encastre estatau deth sector dera energia qu'afècte ath territori de Catalunya.
4. Correspon ara Generalitat era competéncia compartida sus eth regim minèr. Aguesta competéncia includís, en tot cas, era regulacion e eth regim d'intervencion administrativa e contròle des mines e es recorsi minèrs que siguen plaçats en territori de Catalunya e des activitats extractives que s'i realizen.

ARTICLE 134. Espòrt e lésor

1. Correspon ara Generalitat era competéncia exclusiva en matèria d'espòrt, qu'includís en tot cas:
- a) Eth foment, era divulgacion, era planificacion, era coordinacion, era execucion, er assessorament, era implantacion e era projeccio dera practica dera activitat fisica e der espòrt per tota Catalunya, a toti es nivèus sociaus.
- b) Era ordenacion des organs de mediacion en matèria d'espòrt.
- c) Era regulacion dera formacion esportiva e eth foment dera tecnificacion e deth naut rendiment esportiu.
- d) Er establiment deth regim juridic des federacions e es clubs esportius e des entitats catalanes que promòn e organizen era practica

- der espòrt e dera activitat fisica en encastre de Catalunya, e era declaracion d'utilitat publica des entitats esportives.
- e) Era regulacion en matèria de disciplina esportiva, competitiva e electorau des entitats que promòn e organizen era practica esportiva.
- f) Eth foment e era promocion der associacionisme esportiu.
- g) Eth registre des entitats que promòn e organizen era practica dera activitat fisica e esportiva damb sedençia sociau en Catalunya.
- h) Era planificacion deth hilat d'equipaments esportius de Catalunya e era promocion dera sua execucion.
- i) Eth contròle e eth seguiment medicoesportiu e de salut des practicants dera activitat fisica e esportiva.
- j) Era regulacion en matèria de prevencion e contròle dera violència enes espectacles publics esportius, en tot respectar es facultats reservades ar estat en matèria de seguretat publica.
- k) Eth garantiment dera salut des espectadors e des autes personnes implicades ena organizacion e er accompliment dera activitat fisica e esportiva, e tanben dera seguretat e eth contròle sanitaris des equipaments esportius.
- l) Eth desenvolopament dera recerca scientifica en matèria esportiva.
2. Era Generalitat participe en entitats e organismes d'encastre estatau, europèu e internacional qu'agen per objècte eth desenvolopament der espòrt.
3. Correspon ara Generalitat era competéncia exclusiva en matèria de lésor, qu'includís, en tot cas, eth foment e era regulacion des activitats que se complissen en territori de Catalunya e eth regim juridic des entitats qu'agen per finalitat eth compliment dera activitat de lésor.
4. Era Generalitat participe en entitats e organismes d'encastre estatau, europèu e internacionau qu'agen per objècte eth desenvolopament deth lésor.

ARTICLE 135. Estadistica

1. Correspon ara Generalitat era competéncia exclusiva sus estadistica d'interès dera Generalitat, qu'includís en tot cas:
- a) Era planificacion estadistica.
- b) Era organizacion administrativa.

- c) Era creacion d'un sistèma estadistic oficiau pròpri dera Generalitat.
2. Era Generalitat participe e collabòre ena elaboracion d'estadistiques d'artenhuda supraautonomica.

ARTICLE 136. Era Foncion Publica e eth personau ath servici des administracions publiques catalanes

Correspon ara Generalitat, en matèria de foncion publica, en tot respectar eth principi d'autonomia locau:

- a) Era competéncia exclusiva sus eth regim estatutari deth personau ath servici des administracions publiques catalanes e sus era ordenacion e era organizacion dera foncion publica sauvant çò que dis pause era letra b.
- b) Era competéncia compartida entath desenvolopament des principis ordenadors dera aucupacion publica, sus era adquisicion e era pèrta dera condicion de foncionari, es situacions administratives e es drets, es déuers e es incompatibilitats deth personau ath servici des administracions publiques.
- c) Era competéncia exclusiva, en matèria de personau laborau, entara adaptacion dera relacion de lòcs de treball as besonhs derivadi dera organizacion administrativa e sus era formacion d'aguest personau.

ARTICLE 137. Abitatge

1. Correspon ara Generalitat era competéncia exclusiva en matèria d'abitatge, qu'includís en tot cas:
- a) Era planificacion, era ordenacion, era gestion, era inspeccion e eth contròle der abitatge cosent damb es besonhs sociaus e d'equilibri territoriau.
 - b) Er establiment de prioritats e objectius dera activitat de foment des administracions publiques de Catalunya en matèria d'abitatge e era adopcion des mesures que calguen entà artenher-les, tant en çò que hè ath sector public coma ath privat.
 - c) Era promocion publica d'abitatges.
 - d) Era regulacion administrativa deth comèrc referit a abitatges e er establiment de mesures de proteccion e disciplinàries en aguest encastre.

- e) Es normes tecnicas, era inspeccion e eth contròle sus era qualitat dera construccio.
- f) Es normes sus era habitabilitat des abitatges.
- g) Era innovacion tecnologica e era sostenibilitat aplicabla as abitatges.
- h) Era normativa sus conservacion e manteniment des abitatges e era sua aplicacion.

2. Correspon ara Generalitat era competéncia sus es condicions des edificis entara installacion d'infraestructures comunes de telecomunicacions, radiodifusion, telefonía basica e d'auti servicis per cable, en tot respectar era legislació der Estat en matèria de telecomunicacions.

ARTICLE 138. Immigracion

1. Correspon ara Generalitat en matèria d'immigracion:
- a) Era competéncia exclusiva en matèria de prumèr acueilhement des personnes immigrades, qu'includís es actuacions sociosanitàries e d'orientacion.
 - b) Eth desenvolopament dera politica d'integracion des personnes immigrades en encastre des sues competéncies.
 - c) Es establiment e era regulacion des mesures que calguen entara integracion sociau e economica des personnes immigrades e entara sua participacion sociau.
 - d) Er establiment per lei d'un encastre de referencia entar acuelh e era integracion des personnes immigrades.
 - e) Era promocion e era integracion des personnes retornades e era ajuda ad aguestes, e er impuls des politiques e es mesures pertinentes que ne faciliten eth retorn a Catalunya.
2. Correspon ara Generalitat era competéncia executiva en matèria d'autorizacion de treballh as estrangèrs era relacion laborau des quaus se complisque en Catalunya. Aguesta competéncia, que s'exercís necessàriament en coordinacion damb era que correspon ar Estat en matèria d'entrada e residéncia d'estrangèrs, includís:
- a) Era tramitacion e era resolucion des autorizacions iniciaus de treballh per compde pròpri o d'auti.
 - b) Era tramitacion e era resolucion des recorsi presentats en çò que hè

as expedients a què hè referéncia era letra *a* e era aplicacion deth regim d'inspeccions e sancions.

3. Correspondre ara Generalitat era participacion enes decisions der Estat sus immigracion qu'agen ua transcendéncia especiau entà Catalunya e, en particular, era participacion preceptiva prealable ena determinacion deth contingent de trebalhadors estrangères mejançant es mecanismes qu'establís eth titol V.

ARTICLE 139. Indústria, artesania, contròtle metrologic e contrastacion de metaus

1. Correspondre ara Generalitat era competéncia exclusiva en matèria d'indústria, sauvant çò qu'establís er apartat 2. Aguesta competéncia includís, en tot cas, era ordenacion des sectors e des procésis industrials en Catalunya, era seguretat des activitats, des installacions, des equips, des procésis e des productes industrials e era regulacion des activitats industrials que poguen produsir impacte ena seguretat o era salut des personnes.

2. Correspondre ara Generalitat era competéncia compartida sus era planificacion dera indústria, en marc dera planificacion generau dera economia.

3. Correspondre ara Generalitat era competéncia exclusiva en matèria d'artesania.

4. Correspondre ara Generalitat era competéncia executiva en matèria de contròtle metrologic.

5. Correspondre ara Generalitat era competéncia executiva en matèria de contrastacion de metaus.

ARTICLE 140. Infraestructures deth transpòrt e des comunicacions

1. Correspondre ara Generalitat era competéncia exclusiva sus pòrts, aeropòrts, elipòrts e d'autes infraestructures de transpòrt en territori de Catalunya que non agen era qualificacion legau d'interès generau. Aguesta competéncia includís en tot cas:

a) Eth regim juridic, era planificacion e era gestion de toti es pòrts e aeropòrts, installacions portuàries e aeroportuàries, installacions

marítimes menores, estacions terminaus de carga en recintes portuaris e aeroportuaris e d'autes infraestructures de transpòrt.

- b) Era gestion deth domeni public de besonh entà balhar eth servici, especiaument er autrejament d'autorizacions e concessions laguens des recintes portuaris o aeroportuaris.
- c) Eth regim economic des servicis portuaris e aeroportuaris, especiaument es potestats tarifària e tributària e era percepcion e era re-captacion de tota sòrta de tributs e cargues relacionats damb era utilizacion dera infraestructura e deth servici que balhe.
- d) Era delimitacion der airau de servicis des pòrts o es aeropòrts e era determinacion des usatges, es equipaments e es activitats complementàries laguens deth recinte deth pòrt o er aeropòrt o des autes infraestructures de transpòrt, en tot respectar es facultats deth titular deth domeni public.
- 2. Era Generalitat participe enes organismes d'artenhuda supraautonomica qu'exercissen foncions sus es infraestructures de transpòrt plaçades en Catalunya que son de titularitat estatau.
- 3. Era qualificacion d'interès generau d'un pòrt, un aeropòrt o ua auta infraestructura de transpòrt plaçadi en Catalunya requerís er informe prealable dera Generalitat, que pòt participar ena sua gestion o assumir-la, cossent damb çò qu'establissem es leis.
- 4. Correspondre ara Generalitat era participacion ena planificacion e era programacion de pòrts e aeropòrts d'interès generau enes tèrmes que determine era normativa estatau.
- 5. Correspondre ara Generalitat era competéncia exclusiva sus eth sòni hilat viari en tot er encastre territori de Catalunya, e tanben era participacion ena gestion deth hilat der Estat en Catalunya, cossent damb çò que'stablís era normativa estatau. Aguesta competéncia includís en tot cas:
 - a) Era ordenacion, era planificacion e era gestion integrada deth hilat viari de Catalunya.
 - b) Eth regim juridic e financièr de toti es elements deth hilat viari des quaus ei titulara era Generalitat.
 - c) Era connectivitat des elements qu'intègren eth hilat viari de Catalunya entre eri o damb d'autes infraestructuras deth transpòrt o d'auti hilats.

6. Correspondre a la Generalitat, en matèria de hilat ferroviari, era competència exclusiva damb relacions infraestructures des quaus ei titulara e era participacion ena planificacion e era gestion des infraestructuras de titularitat estatau plaçades en Catalunya, cosent damb ciò qu'establisque era normativa estatau.

7. Correspondre a la Generalitat, cosent damb era normativa der Estat era competència executiva en matèria de comunicacions electròniques, qu'includís en tot cas:

- a) Promòir era existència d'un conjunt minim de servicis d'accès universau.
- b) Era inspecció des infraestructures comunes de telecomunicacions e er exercici dera potestad sancionadora corresponenta.
- c) Era resolucion de conflictes entre operadors de radiodifusió que compartisquen multiplex era cobertura des quaus non ultrapasse eth territori de Catalunya.
- d) Era gestion deth registre d'installadors d'infraestructures comunes de telecomunicacions e deth registre de gestors de multiplex er encastre des quaus non ultrapasse eth territori de Catalunya.

ARTICLE 141. Jòc e espectacles

1. Correspondre a la Generalitat era competència exclusiva en matèria de jòc, apòstes e casinos, s'era activitat s'acomplí exclusivament en Catalunya, en tot includir-i en tot cas:

- a) Era creacion e era autorizacion de jòc e apòstes e era sua regulacion, e tanben era regulacion des empreses dedicades ara gestion, era explotacion e era practica d'aguestes activitats o qu'an per objècte era comercializacion e era distribucion des materiaus relacionats damb eth jòc en generau, includint-i es modalitats de jòc per mieis informatics e telematics.
- b) Era regulacion e eth contròle des locaus, es installacions e es equipaments utilizats entà accomplir aguestes activitats.
- c) Era determinació, en encastre des sues competències, deth regim fiscal sus era activitat de jòc des empreses que l'acomplissen.

2. Era autorizacion de naues modalitats de jòc e apòstes d'encastre estatau o ben era modificacion des existentes requerits era deliberacion ena Comission Bilaterau Generalitat-Estat qu'establisque eth títol V e er informe prealable determinant dera Generalitat.

3. Correspondre a la Generalitat era competència exclusiva en matèria d'espectacles e activitats recreatives, qu'includís, en tot cas, era ordenacion deth sector, eth regim d'intervencion administrativa e eth control de tota sorta d'espectacles en espais e locaus publics.

ARTICLE 142. Joenessa

1. Correspondre a la Generalitat era competència exclusiva en matèria de joenessa, qu'includís en tot cas:

- a) Eth dessenh, era aplicacion e era avaloracion de politiques, plans e programes destinats ara joenessa.
- b) Era promocion der associacionisme juvenil, des iniciatives de participacion dera gent joena, dera mobilitat internacionau e deth torisme juvenil.
- c) Era regulacion, era gestion, era intervencion e era policia administrativa d'activitats e installacions destinades ara joenessa.

2. Correspondre a la Generalitat era soscripció cosent damb entitats internacionaus e era participacion en aguestes en collaboracion damb er Estat o de manera autonòma, s'ac permet era normativa dera entitat corresponenta, e en tot cas era tramitacion de documents autrejats per entitats internacionaus qu'afècten a personnes, installacions o entitats damb residència en Catalunya, en tot respectar era legislacion der Estat.

ARTICLE 143. Lengua pròpria

1. Correspondre a la Generalitat de Catalunya era competència exclusiva en matèria de lengua pròpria, qu'includís, en tot cas, era determinacion dera artenhuda, des usatges e des efèctes juridics dera sua oficialitat, e tanben era normalizacion lingüistica deth catalan.

2. Correspondre a la Generalitat e tanben al Conselh Generau d'Aran era competència sus era normalizacion lingüistica der occitan, nomenat *aranés* en Aran.

ARTICLE 144. Miei ambient, espacis naturaus e meteorologia

1. Correspondre a la Generalitat era competència compartida en matèria de miei ambient e era competència entar establiment de normes

adicionaus de proteccio. Aguesta competéncia compartida includís en tot cas:

- a) Er establiment e era regulacion des esturments de planificacion ambientau e deth procediment de tramitacion e aprobacion d'aguesti esturments.
- b) Er establiment e era regulacion de mesures de sostenibilitat, fiscalitat e recerca ambientaus.
- c) Era regulacion des recorsi naturaus, dera flòra e era fauna, dera biodiversitat, deth miei ambient marin e aquatic, se non a per finalitat era preservacion des recorsi pesquers e maritims.
- d) Era regulacion sus prevencion ena produccion de recipients e embalatges en tot eth sòn cicle de vida, des de que se genèren enquia que passen a èster residus.
- e) Era regulacion sus prevencion e correccio dera generacion de residus damb origen o destinacion en Catalunya e sus era gestion e eth traslat d'aguesti e era sua disposicion finau.
- f) Era regulacion ena prevencion, eth contròle, era correccio, era recuperacion e era compensacion dera contaminacion de sòu e subsòu.
- g) Era regulacion e era gestion des vessaments hèti enes aigües interiores de Catalunya e tanben des hèti enes aigües superficiaus e sosterranhes que non passen per ua auta comunitat autonòma. En tot cas, laguens deth sòn encastre territoriau, correspon ara Generalitat era competéncia executiva sus era intervencion administrativa des vessaments enes aigües superficiaus e sosterranhes.
- h) Era regulacion der ambient atmosferic e des diuères classes de contaminacion d'aguest, era declaracion de zònes d'atmosfèra contaminada e er establiment de d'auti esturments de contròle dera contaminacion, damb independéncia dera administracion competenta entà autorizar era òbra, era installacion o era activitat que la produsisque.
- i) Era regulacion deth regim d'autorizacion e seguiment dera emision de gasi d'efècte ivernacle.
- j) Era regulacion e era promocion des qualificacions relatives a productes, activitats, installacions, infraestructures, procediments, procési productius o conductes respectuosi damb eth miei.
- k) Era prevencion, era restauracion e era reparacion de damatges ath miei ambient e tanben eth regim sancionador correspondent.

- l) Es mesures de proteccio des espècies e eth regim sancionador.
- 2. Correspon ara Generalitat, en matèria d'espacis naturaus, era competéncia exclusiva que, en tot respectar çò que dispause er article 149.1.23 dera Constitucion, includís, en tot cas, era regulacion e era declaracion des figures de proteccio, delimitacion, planificacion e gestion d'espacis naturaus e d'abitats protegits plaçats en Catalunya.
- 3. Era Generalitat, en cas des espacis naturaus que despassen eth territori de Catalunya, a de promòir es esturments de collaboracion damb d'autas comunitats autonòmes entà crear, delimitar, regular e gestionar aguesti espacis.
- 4. Era declaracion e era delimitacion d'espacis naturaus dotats damb un regim de proteccio estatau requerís er informe preceptiu dera Comission Bilaterau Generalitat-Estat. S'er espaci ei plaçat intègraument en territori de Catalunya, era gestion correspon ara Generalitat.
- 5. Correspon ara Generalitat er establiment d'un servici meteorologic pròpri eth subministrament d'informacion meteorologica e climatica, includint-i eth pronostic, eth contròle e eth seguiment des situacions meteorologiques de risc, e tanben era recerca en aguesti encastres e era elaboracion dera cartografia climatica.
- 6. Era Generalitat exercís es sues competéncies mejançant eth Còs d'Agents Ruraus, competents ena susvelhança, eth contròle, era proteccio, era prevencion integratua e era collaboracion ena gestion deth miei ambient. Es membres d'aguest còs an era condicion d'agents dera autoritat e exercissen foncions de policia administrativa especiau e policia judicial enes tèrmes qu'establís era lei.

ARTICLE 145. Mercats de valors e centres de contractacion

Correspon ara Generalitat era competéncia compartida en matèria de mercats de valors e centres de contractacion plaçats en Catalunya. Aguesta competéncia includís en tot cas:

- a) Era creacion, era denominacion, era autorizacion e era supervision des mercats de valors e des sistèmes organizats de negociacion.
- b) Era regulacion e es mesures administratives d'execucion sus organizacion, funcionament, disciplina e regim sancionador des societats rectores de mercats de valors.

- c) Eth contròle dera emission, era admission, era suspension, era exclusion e er establiment de requesits addicionaus d'admission des valors que se negòcien exclusivament en aguesti mercats, e tanben era inspeccion e eth contròle.
- d) Era acreditacion des personnes e des entitats entà èster membres d'aguesti mercats.
- e) Er establiment des fiances qu'an de constituir es membres des borse de valors en garantia des operacions pendentes de liquidacion.

ARTICLE 146. Mieis de comunicacion sociau e servicis de contingut audiovisuau

1. Correspon ara Generalitat, en matèria de servicis de ràdio e television, e tanben de quinsevolh autre servici de comunicacion audiovisuau:

 - a) Era competéncia exclusiva sus era organizacion dera prestacion deth servici publics de comunicacion audiovisuau d'encastre locau, en tot respectar era garantia dera autonomia locau.
 - b) Era competéncia compartida sus era regulacion e eth contròle des servicis de comunicacion audiovisuau qu'usen quinsevolh des suports e des tecnologies disponibles dirigits al public de Catalunya, e tanben sus es ofertes de comunicacion audiovisuau se se distri-buissen en territori de Catalunya.

2. Correspon ara Generalitat era competéncia compartida en matèria de mieis de comunicacion sociau.
3. Era Generalitat a de fomentar eth pluralisme lingüistic e culturau de Catalunya enes mieis de comunicacion sociau.

ARTICLE 147. Notariat e registres publics

1. Correspon ara Generalitat de Catalunya, en matèria de notaries e de registres publics dera proprietat, mercantils e de bens mòbles, era competéncia executiva, qu'includís en tot cas:
 - a) Eth nomenament des notaris e es registradors dera proprietat, mercantils e de bens mòbles, mejançant era convocatòria, era administracion e era resolucion des oposicions liures e restringides e des concorsi, qu'a de convocar e portar a terme enquiarar formalizacion des nomenaments. Entara provision des notaries e des registres, es

candidats an d'èster admetuts en igualtat de drets, e an d'acreditar eth coneishement dera lengua e deth dret catalans ena forma e damb era artenhuda qu'establissem en Estatut e es leis.

- b) Era participacion ena elaboracion des programes d'accès as còssi de notaris e registradors dera proprietat, mercantils e de bens mòbles d'Espanya, as efèctes dera acreditacion deth coneishement deth dret catalan.
- c) Er establiment des demarcacions notariaus e registraus, en tot includir-i era determinacion des districtes ipotcaris e des districtes de competéncia territoriau des notaris.
- d) Eth nomenament de notaris archivèrs de protocòls de districte e era guarda e custòdia des libres de comptadoria d'ipotèques.
- 2. Correspon ara Generalitat era competéncia exclusiva en matèria de regim des recorsi sus era qualificacion des títols o es clausules concrètes en matèria de dret catalan que s'agen d'inscriuer en un registre dera proprietat, mercantil o de bens mòbles de Catalunya.
- 3. Correspon ara Generalitat, en encastre dera regulacion generau, era competéncia executiva en matèria de Registre Civil, en tot includir-i eth nomenament des sòns encargats, interins e substituts, er exercici en çò que hè ad aguesti dera foncion disciplinària, e tanben era provision des mieis umans e materiaus de besonh entar exercici des foncions. Aguesti encargats an d'acreditar eth coneishement dera lengua catalana e deth dret catalan ena forma e damb era artenhuda qu'establisquen en Estatut e es leis.

ARTICLE 148. Òbres publiques

1. Correspon ara Generalitat era competéncia exclusiva en matèria des òbres publiques que s'executen en territori de Catalunya e que non an estat qualificades d'interès generau ne afècten a ua auta comunitat autònoma. Aguesta competéncia includís, en tot cas, era planificacion, era construccion e eth finançament des òbres.
2. Era qualificacion d'interès generau requerís er informe prealable dera Generalitat. Era Generalitat particie ena planificacion e era programacion des òbres qualificades d'interès generau, cosent damb çò que dispause era legislacion der Estat e segontes çò qu'establis eth títol V d'aguest Estatut.

3. Correspon ara Generalitat era gestion des servicis publics dera sua competència as quaus demoren afectades o adscrites totes es òbres publiques que non siguen d'interès generau. En supausat des òbres qualificades d'interès generau o qu'afècten a ua auta comunitat autònoma, se pòden soscíuer convènis de collaboracion entara gestion des servicis.

ARTICLE 149. Ordenacion deth territori e deth paisatge, deth litorau e urbanisme

1. Correspon ara Generalitat, en matèria d'ordenacion deth territori e deth paisatge, era competència exclusiva, qu'includís en tot cas:

- a) Er establiment des directritzies d'ordenacion e gestion deth territori, deth paisatge e des actuacions que i incidissen.
- b) Er establiment e era regulacion des figures de planejament territorial e deth procediment entà tramitar-les e aprovar-les.
- c) Er establiment e era regulacion des figures de proteccio d'espacis naturaus e de corredors biologics, cossent damb çò qu'establís er article 144.2.
- d) Es previsions sus emplaçaments des infraestructures e es equipaments de competència dera Generalitat.
- e) Era determinacion de mesures específiques de promocion der equilibri territoriau, demografic, socioeconomic e ambientau.

2. Era determinacion der emplaçament d'infraestructures e equipaments de titularitat estatau en Catalunya requerís er informe dera Commission Bilaterau Generalitat-Estat.

3. Correspon ara Generalitat, en matèria d'ordenacion deth litorau, en tot respectar eth regim generau deth domeni public, era competència exclusiva, qu'includís en tot cas:

- a) Er establiment e era regulacion des plans territoriaus d'ordenacion e usatge deth litorau e des plages, e tanben era regulacion deth procediment de tramitacion e aprobacion d'aguesti esturments e plans.
- b) Era gestion des títols d'aucupacion e usatge deth domeni public maritimoterrèstre, especiaument er autrejament d'autorizacions e concessions e, en tot cas, es concessions d'òbres fixes ena mar, en tot respectar es excepcions que se poguen estableir per motius mieiambientaus enes aigües costanères interiores e de transicion.

c) Era regulacion e era gestion deth regim economic financièr deth domeni public maritimoterrèstre, enes tèrmes qu'establís era legislacion generau.

d) Era execucion d'òbres e actuacions en litorau catalan que non siguen d'interès generau.

4. Correspon ara Generalitat era execucion e era gestion des òbres d'interès generau plaçades en litorau catalan, cossent damb çò qu'establís er article 148.

5. Correspon ara Generalitat, en matèria d'urbanisme, era competència exclusiva, qu'includís en tot cas:

- a) Era regulacion deth regim urbanistic deth sòu, qu'includís, en tot cas, era determinacion des critèris sus es diuèrses sòrtes de sòus e es sòns usatges.
- b) Era regulacion deth regim juridic dera proprietat deth sòu en tot respectar es condicions basiques qu'er Estat establís entà garantir era igualtat der exercici deth dret ara proprietat.
- c) Er establiment e era regulacion des esturments de planejament e gestion urbanistica, e tanben deth sòn procediment de tramitacion e aprobacion.
- d) Era politica de sòu e abitatge, era regulacion des patrimònis publics de sòu e abitatge e eth regim dera intervencion administrativa ena edificacion, era urbanizacion e er usatge deth sòu e eth subsòu.
- e) Era proteccio dera legalitat urbanistica, qu'includís, en tot cas, era inspeccion urbanistica, esordes de suspension d'òbres e licències, es mesures de restauracion dera legalitat fisica alterada, e tanben era disciplina urbanistica.

6. Correspon ara Generalitat era competència compartida en matèria de dret de reversion enes expropriacions urbanistiques en encastre dera legislacion estatau.

ARTICLE 150. Era organizacion dera Administracion dera Generalitat

Correspon ara Generalitat, en matèria d'organización dera sua Administracion, era competència exclusiva sus:

- a) Era estructura, era regulacion des organs e directius publics, eth funcionament e era articulacion territoriau.
- b) Es diuères modalitats organizatives e esturmentaus entara actuacion administrativa.

ARTICLE 151. Organizacion territoriau

Correspon ara Generalitat, en tot respectar era garantia institucional qu'establissen es articles 140 e 141 dera Constitución, era competéncia exclusiva sus organizacion territoriau, qu'includís en tot cas:

- a) Era determinacion, era creacion, era modificacion e era suppression des ens que configuren era organizacion territoriau de Catalunya.
- b) Era creacion, era suppression e era alteracion des tèrnes tant des municipis coma des ens locaus d'encastre territoriau inferior; era denominacion, era capitalitat e es simbèus des municipis e des auti ens locaus; es toponims, e era determinacion des regims especiaus.
- c) Er establiment per miei de lei de procediments de relacion enter es ens locaus e era poblacion, en tot respectar era autonomia locau.

ARTICLE 152. Planificacion, ordenacion e promocion dera activitat economica

1. Correspon ara Generalitat era competéncia entara promocion dera activitat economica en Catalunya.
2. Correspon ara Generalitat era competéncia compartida sus era ordenacion dera activitat economica en Catalunya.
3. Era Generalitat pòt establir ua planificacion dera activitat economica en encastre des directritzies qu'establisisqui era planificacion generau der Estat.
4. Correspon ara Generalitat eth desenvolupament e era gestion dera planificacion generau dera activitat economica. Aguesta competéncia includís en tot cas:
 - a) Eth desplegament des plans estataus.
 - b) Era participacion ena planificacion estatau per miei des mecanismes qu'establís er títol V.

- c) Era gestion des plans, en tot includir-i es hons i es recorsi d'origen estatau destinats ar foment dera activitat economica, enes tèrnes establis que s'establissem per miei de convén.

ARTICLE 153. Politiques de genre

Correspon ara Generalitat era competéncia exclusiva en matèria de politiques de genre que, en tot respectar çò qu'establís er estat en exercici dera competéncia que li atribusís er article 149.1.1 dera Constitución, includís en tot cas:

- a) Era planificacion, eth dessenh, era execucion, era avaloracion e eth contròle de normes, plans e directritzies generaus en matèria de politiques entara hemna, e tanben er establiment d'accions positives entà arténher eradicar era discriminacion per rason de sexe que s'agen d'executar damb caractèr unitari entà tot eth territori de Catalunya.
- b) Era promocion der associacionisme de hemnes que complissen activitats relacionades damb era igualtat e era non-discriminacion e des iniciatives de participacion.
- c) Era regulacion des mesures e es esturments entara sensibilizacion sus era violéncia de genre e entà detectar-la e previer-la, e tanben era regulacion de servicis e recorsi pròpris destinadi a arténher ua proteccio integrall des hemnes qu'an patit o patissen agesta sorta de violéncia.

ARTICLE 154. Promocion e defensa dera competéncia

1. Correspon ara Generalitat era competéncia exclusiva en matèria de promocion dera competéncia enes mercats respècte as activitats economicas que s'exercissen principaument en Catalunya.
2. Correspon ara Generalitat era competéncia executiva en matèria de defensa dera competéncia en exercici des activitats economicas qu'altèren o poguen alterar era liura competéncia deth mercat en un encastre que non depasse eth territori de Catalunya. Aguesta competéncia includís en tot cas:
 - a) Era execucion en mesures relatives as procési economics qu'afècten ara competéncia.

- b) Era inspeccion e era execucion deth procediment sancionador.
- c) Era defensa dera competéncia en exercici dera activitat comerçiau.

3. Correspon ara Generalitat era competéncia exclusiva sus er estableiment e era regulacion deth Tribunau Catalan de Defensa dera Competéncia, coma organ independent damb jurisdiccion sus tot eth territòri de Catalunya, ath quau correspon en exclusiva tractar des activitats econòmiques que se complissen principaument en Catalunya e qu'altèren o pòden alterar era competéncia enes tèrmes qu'establissem es apartats 1 e 2.

ARTICLE 155. Proprietat intellectuau e industriau

1. Correspon ara Generalitat de Catalunya era competéncia executiva en matèria de proprietat intellectuau, qu'includís en tot cas:

- a) Er establiment e era regulacion d'un registre, coordinat damb eth der Estat, des drets de proprietat intellectuau generats en Catalunya o des quaus siguen titulares personnes damb residència abituau en Catalunya; era activitat d'inscripcion, modificacion o cancellacion d'aguesti drets, e er exercici dera activitat administrativa de besonh entà garantir-ne era proteccio en tot eth territòri de Catalunya. Era Generalitat a de comunicar ar Estat es inscripcions hètes en sòn registre entà que siguen incorporades en registre estatau; a de collaborar damb aguest registre e facilitar er es-cambi d'informacion.
- b) Era autorizacion e era revocacion des entitats de gestion collectiva des drets de proprietat intellectuau qu'actuen majoritàriament en Catalunya, e tanben assumir prètz-hèts complementaris d'inspecion e contròle dera activitat d'aguestes entitats.

2. Correspon ara Generalitat era competéncia executiva en matèria de proprietat industriau, qu'includís en tot cas:

- a) Er establiment e era regulacion d'un registre, coordinat damb eth der Estat, de drets de proprietat industriau des personnes fisiques o juridiques.
- b) Era defensa juridica e processau des toponims de Catalunya aplicada en sector dera indústria.

ARTICLE 156. Proteccio de dades de caractèr personau

Correspon ara Generalitat era competéncia executiva en matèria de proteccio de dades de caractèr personau que, en tot respectar es garanties des drets fondamentaus en aguesta matèria, includís en tot cas:

- a) Era inscripcion e eth contròle des fichers o es tractaments de dades de caractèr personau creats o gestionats pes institucions publiques de Catalunya, era Administracion dera Generalitat, es administracions locaus de Catalunya, es entitats autònòmes e es autres entitats de dret public o privat que depenen des administracions autonomica o locaus o que prèsten servicis o accomplissen activitats per compde pròpri per miei de quinsevolha forma de gestion dirècta o indirècta, e es universitats qu'intègren eth sistèma universitari catalan.
- b) Era inscripcion e eth contròle des fichers o es tractaments de dades de caractèr personau privats creats o gestionats per personnes fisiques o juridiques entar exercici des foncions publiques en çò que hè a matèries que son competéncia dera Generalitat o des ens locaus de Catalunya, s'eth tractament se hè en Catalunya.
- c) Era inscripcion e eth contròle des fichers e es tractaments de dades que creen o gestionen es corporacions de dret public qu'excercisquen es sues foncions exclusivament en encastre territoriau de Catalunya.
- d) Era constitucion d'ua autoritat independenta, designada peth Parlament, que velhe per garantir eth dret ara proteccio des dades personaus en encastre des competéncies dera Generalitat.

ARTICLE 157. Publicitat

Correspon ara Generalitat era competéncia exclusiva sus era regulacion dera activitat publicitària, sense prejudici dera legislacion mercantila der Estat.

ARTICLE 158. Recèrca, desenvolopament e innovacion tecnologica

- 1. Correspon ara Generalitat, en matèria de recèrca scientifica e tecnica, era competéncia exclusiva en çò que hè as centres e es estructures de recèrca dera Generalitat e as projectes qu'aguesta finàncie, qu'includís en tot cas:

- a) Er estableiment de linhes pròpies de recèrca e eth seguiment, eth contròle e era avaloracion des projèctes.
 - b) Era organizacion, eth regim de funcionament, eth contròle, eth seguiment e era acreditacion des centres e es estructures plaçats en Catalunya.
 - c) Era regulacion e era gestion des bèques e des ajudes convocades e finanziades pera Generalitat.
 - d) Era regulacion e era formacion professionau deth personau investigador e de supòrt ara recèrca.
 - e) Era difusion dera sciéncia e era transferéncia de resultats.
2. Correspon ara Generalitat era competéncia compartida sus era coordinacion des centres e es estructures de recèrca de Catalunya.
3. Es critèris de collaboracion enter er Estat e era Generalitat en matèria de politica de recèrca, desenvolupament e innovacion s'an de fixar en encastre de çò qu'establís eth títol V. Tanben, s'an d'establir es sistèmes de participacion dera Generalitat ena fixacion des politiques qu'affecten ad aguestes matèries en encastre dera Union Europea e en d'auti organismes e institucions internacionaus.

ARTICLE 159. Regim juridic, procediment, contractacion, expropriacion e responsabilitat enes administracions publiques catalanes

1. Correspon ara Generalitat, en matèria de regim juridic e procediment des administracions publiques catalanes, era competéncia exclusiva en aquerò que non sigue afectat per article 149.1.18 dera Constitucion. Aguesta competéncia includís:

- a) Es mieis de besonh entà exercir es foncions administratives, en tot includir-i eth regim des bens de domeni public e patrimoniaus.
- b) Es potestats de contròle, inspeccion e sancion en toti es encastres materiaus de competéncia dera Generalitat.
- c) Es normes de procediment administratiu que deriven des particularitats deth dret substantiu de Catalunya o des especialitats dera organizacion dera Generalitat.

2. Correspon ara Generalitat era competéncia compartida en tot çò relatiu ath regim juridic e eth procediment des administracions publiques catalanes en aquerò que non demore includit en apartat 1.

3. Correspon ara Generalitat, en çò que hè as contractes des administracions publiques de Catalunya:

- a) Era competéncia exclusiva sus organizacion e competéncias en matèria de contractacion des organs des administracions publiques catalanes e sus es règles d'execucion, modificacion e extincion des contractes dera Administracion, en aquerò que non sigue afectat per article 149.1.18 dera Constitucion.
 - b) Era competéncia compartida en tot aquerò que non ei atribuït ara competéncia exclusiva dera Generalitat pera letra a.
4. Correspon ara Generalitat, en matèria d'expropriacion forçosa, era competéncia executiva, en tot cas, entà:
- a) Determinar es supausats, es causes e es condicions en què es administracions catalanes pòden exercir era potestat expropriatorià.
 - b) Establir critèris de valoracion des bens expropriats segontes era natura e era foncion socialia qu'agen de complir aguesti bens, cossent damb era legislació estatau.
 - c) Crear e regular un organ pròpri entara determinacion deth prètz just e fixar-ne eth procediment.
5. Correspon ara Generalitat, en matèria de responsabilitat patrimonial, era competéncia compartida entà establir es causes que pòden originar responsabilitat en çò que hè as reclamacions dirigides ara Generalitat, cossent damb eth sistèma generau de responsabilitat de totes es administracions publiques.
6. Es competéncies dera Generalitat especificades enes apartats 1, 3, 4 e 5 s'an d'exercir en tot respectar eth principi d'autonomia locau.

ARTICLE 160. Regim locau

1. Correspon ara Generalitat era competéncia exclusiva en matèria de regim locau que, en tot respectar eth principi d'autonomia locau, includís:

- a) Es relacions enter es institucions dera Generalitat e es ens locaus, e tanben es tecniques d'organizacion e de relacion entara cooperacion e era collaboracion enter es ens locaus e enter aguesti e era Administracion dera Generalitat, en tot includir-i es diuères formes associatives, mancomunades, convencionaus e consorciaus.

- b) Era determinacion des competències e des potestats pròpies des municipis e des auti ens locaus, enes encastres especificats per article 84.
 - c) Eth regim des bens de domeni public, comunaus e patrimoniaus e es modalitats de prestacion des servicis publics.
 - d) Era determinacion des organs de govern des ens locaus creats pera Generalitat e eth funcionament e eth regim d'adopcion d'acòrds d'aguesti organs.
 - e) Eth regim des organs complementaris dera organizacion des ens locaus.
2. Correspon ara Generalitat era competència compartida en tot aque-rò que non establís er apartat 1.
3. Correspon ara Generalitat era competència exclusiva en matèria de regim electorau des ens locaus que cree, exceptat des que son garantits constitucionaument.

ARTICLE 161. Relacions damb es entitats religioses

- 1. Correspon ara Generalitat era competència exclusiva en matèria d'entitats religioses qu'acomplissen era sua activitat en Catalunya, qu'includís, en tot cas, era regulacion e er establiment de mecanismes de collaboracion e cooperacion entar acompliment des suas activitats en encastre des competències dera Generalitat.
- 2. Correspon ara Generalitat era competència executiva en matèria relativa ara libertat religiosa. Aguesta competència includís en tot cas:
 - a) Participar ena gestion deth registre estatau d'entitats religioses en çò que hè as glèises, es confessions e es comunitats religioses qu'acomplissen era sua activitat en Catalunya, enes tèrmes que determinen es leis.
 - b) Er establiment d'acòrds e convènis de cooperacion damb es glèises, es confessions e es comunitats religioses inscrites en registre estatau d'entitats religioses, en encastre des competències dera Generalitat.
 - c) Era promocion, eth desenvolopament e era ejecucion, en encastre des competències dera Generalitat, des acòrds e des convènis signats enter er Estat e es glèises, es confessions e es comunitats religioses inscrites en registre estatau d'entitats religioses.

3. Era Generalitat collabòre enes organs d'encastre estatau qu'an atribuïdes foncions en matèria d'entitats religioses.

ARTICLE 162. Sanitat, salut publica, ordenacion farmaceutica e productes farmaceutics

- 1. Correspon ara Generalitat, en matèria de sanitat e salut publica, era competència exclusiva sus era organizacion, eth funcionament intèrn, era avaloracion, era inspeccion e eth contròle de centres, servicis e establiments sanitaris.
- 2. Correspon ara Generalitat era ordenacion farmaceutica, en encastre der article 149.1.16 dera Constitucion.
- 3. Correspon ara Generalitat, en tot cas, era competència compartida enes encastres següents:
 - a) Era ordenacion, era planificacion, era determinacion, era regulacion e era ejecucion des prestacions e es servicis sanitaris, sociosanitaris e de salut mentau de caractèr public en toti es nivèus e entà toti es ciutadans.
 - b) Era ordenacion, era planificacion, era determinacion, era regulacion e era ejecucion des mesures e es actuacions destinades a preservar, protegir e promòir era salut publica en toti es encastres, en tot includir-i era salut laborau, era sanitat animau damb efèctes sus era salut umana, era sanitat alimentària, era sanitat ambientau e era susvelhança epidemiologica.
 - c) Era planificacion des recorsi sanitaris de cobertura publica e era coordinacion des activitats sanitàries privades damb eth sistèma sanitari public.
 - d) Era formacion sanitària especializada, qu'includís era acreditacion e era avaloracion de centres; era planificacion dera oferta de places; era participacion ena elaboracion des convocatòries e era gestion des programes de formacion des especialitats e es airaus de capacitacion especifica e era expedicion des diplòmes d'airaus de capacitacion especifica.
 - e) Eth regim estatutari e era formacion deth personau que prèste servicis en sistèma sanitari public.
- 4. Era Generalitat participe ena planificacion e era coordinacion estatau en matèria de sanitat e salut publica, cossent damb çò qu'establís eth títol V.

5. Correspon ara Generalitat era competència executiva dera legislacion estatau en matèria de productes farmaceutics.

ARTICLE 163. Seguretat privada

Correspon ara Generalitat era execucion dera legislacion der Estat enes matèries següentes:

- a) Era autorizacion des empreses de seguretat privada qu'an eth sòn domicili sociau en Catalunya e er encastre d'actuacion des quaus non depasse eth territori de Catalunya.
- b) Era inspeccion e era sancion des activitats de seguretat privada que s'acomplissen en Catalunya.
- c) Era autorizacion des centres de formacion deth personau de seguretat privada.
- d) Era coordinacion des servicis de seguretat e investigacion privades damb era Policia dera Generalitat e es policies locaus de Catalunya.

ARTICLE 164. Seguretat publica

1. Correspon ara Generalitat, en matèria de seguretat publica, cossent damb çò que dispuse era legislacion estatau:

- a) Era planificacion e era regulacion deth sistèma de seguretat publica de Catalunya e era ordenacion des policies locaus.
- b) Era creacion e era organizacion dera Policia dera Generalitat-Mossos d'Esquadra.
- c) Eth contròle e era vigilancia deth transit.

2. Correspon ara Generalitat eth comandament suprem dera Policia dera Generalitat-Mossos d'Esquadra e era coordinacion dera actuacion des policies locaus.

3. Corresponen ara Generalitat, en encastre dera legislacion estatau sus seguretat, es facultats executives que li atribuïsque er Estat e en tot cas:

- a) Es foncions governatives sus er exercici des drets de reunion e manifestacion.
- b) Eth compliment des disposicions entara conservacion dera natura, deth miei ambient e des recorsi idrologics.

4. Era Generalitat participe, mejançant ua junta de seguretat de composicion paritària enter era Generalitat e er Estat e presidida peth president dera Generalitat, ena coordinacion des politiques de seguretat e dera activitat des còssi policiers der Estat e de Catalunya, e tanben en escambi d'informacion en encastre internacionau e enes relacions de collaboracion e auxili damb es autoritats policières de d'auti païsi. Era Generalitat, cossent damb er Estat, a d'ester present enes grops de trebalh de collaboracion damb es policies de d'auti païsi en qué participe er Estat.

5. Era Policia dera Generalitat-Mossos d'Esquadra a coma encastre d'actuacion eth conjunt deth territori de Catalunya e exercís totes es foncions pròpies d'un còs de policia, enes encastres següents:

- a) Era seguretat ciutadana e er orde public.
- b) Era policia administrativa, qu'includís era que derive dera normativa estatau.
- c) Era policia judicau e era investigacion criminau, en tot includir-i es diuères formes de crim organizat e terrorisme, enes tèrmes qu'establisquen es leis.

ARTICLE 165. Seguretat sociau

1. Correspon ara Generalitat, en matèria de seguretat sociau, en tot respectar es principis d'unitat econòmica patrimonial e de solidaritat financièra dera seguretat sociau, era competència compartida, qu'includís:

- a) Eth desplegament e era execucion dera legislacion estatau, exceptat des normes que configuren eth regim economic.
- b) Era gestion deth regim economic dera seguretat sociau.
- c) Era organizacion e era gestion deth patrimoni e des servicis qu'intègren era assistència sanitària e es servicis sociaus deth sistèma dera seguretat sociau en Catalunya.
- d) Era ordenacion e er exercici des potestats administratives sus es institucions, es empreses e es fondacions que collabòren damb eth sistèma dera seguretat sociau, enes matèries a qué hè referéncia era letra c, e tanben era coordinacion des activitats de prevencion de risques laboraus qu'acomplissen en Catalunya es mútues d'accidents de trebalh e malauties professionaus.

- e) Eth reconeisement e era gestion des pensions non contributives.
 - f) Era coordinacion des actuacions deth sistèma sanitari vinculades as prestacions dera seguretat sociau.
2. Era Generalitat pòt organizar e administrar, ad aguesti efèctes e la guens eth sòn territòri, toti es servicis relacionadi damb es matèries mès ensús especificades, e exercís era tutèla des institucions, es entitats e es fondacions en matèria de sanitat e seguretat sociau, exceptat dera nauta inspeccio, que demore reservada ar Estat.

ARTICLE 166. Servicis sociaus, voluntariat, menors e promocion des familhes

1. Correspon ara Generalitat era competéncia exclusiva en matèria de servicis sociaus, qu'includís en tot cas:
 - a) Era regulacion e era ordenacion dera activitat de servicis sociaus, es prestacions tecniques e es prestacions economicas damb finalitat assistenciau o complementàries de d'auti sistemes de prevision publica.
 - b) Era regulacion e era ordenacion des entitats, es servicis e es establiments publics e privats que prèsten servicis sociaus en Catalunya.
 - c) Era regulacion e era aprobacion des plans e es programes específics dirigits a persones e collectius en situacion de prauresa o de besonh sociau.
 - d) Era intervencion e eth contròle des sistemes de proteccio sociau complementària privats.
2. Correspon ara Generalitat era competéncia exclusiva en matèria de voluntariat, qu'includís, en tot cas, era definicion dera activitat e era regulacion e era promocion des actuacions destinades ara solidaritat e ara accion voluntària que s'executen individuaument o mejançant institucions publiques o privades.
3. Correspon ara Generalitat, en matèria de menors:
 - a) Era competéncia exclusiva en matèria de proteccio de menors, qu'includís, en tot cas, era regulacion deth regim dera proteccio e des institucions publiques de proteccio e tutèla des menors desemparats, en situacion de risc e des menors infractors, en tot respectar en aguest darrer cas era legislacion penau.

- b) Era Generalitat participe ena elaboracion e era reforma dera legislacion penau e processau qu'incidisquen competéncies de menors.
4. Correspon ara Generalitat era competéncia exclusiva en matèria de promocion des familhes e dera enfància, qu'includís en tot cas es mesures de proteccio sociau e era sua execucion.

ARTICLE 167. Simbèus de Catalunya

Correspon ara Generalitat era competéncia exclusiva sus era regulacion, era ordenacion, era configuracion e era preservacion des simbèus de Catalunya, cossent damb çò qu'establís aguest Estatut.

ARTICLE 168. Sistèma penintenciari

1. Correspon ara Generalitat era competéncia executiva dera legislacion der Estat en matèria penitenciària, qu'includís en tot cas:
 - a) Era capacitat entà dictar disposicions qu'adapten era normativa penitenciària ara realitat sociau de Catalunya.
 - b) Era totalitat dera gestio dera activitat penitenciària en Catalunya, especiaument era direccion, era organizacion, eth regim, eth funcionament, era planificacion e era inspeccio des institucions penitenciàries de quinsevolha sòrta plaçades en Catalunya.
 - c) Era planificacion, era construccio e era reforma des establiments penitenciariis plaçats en Catalunya.
 - d) Era administracion e era gestio patrimonial des immòbles e des equipaments adscrits ara Administracion penitenciària catalana e de toti es mieis materiaus que li siguen assignats.
 - e) Era planificacion e era organizacion deth trebalh remunerat dera poblacion reclusa, e tanben era execucion des mesures alternatives ara preson e des activitats de reinsercio.
2. Era Generalitat pòt emeter informes en procediment d'autrejament d'indults.

ARTICLE 169. Transports

1. Correspon ara Generalitat era competéncia exclusiva sus es transports terrestres de viatgers e mercaderies per carretèra, ferrocarril e

cable que transcorren intègrament laguens eth territori de Catalunya, damb independéncia dera titularitat dera infraestructura. Aguesta competéncia includís en tot cas:

- a) Era regulacion, era planificacion, era gestion, era coordinacion e era inspeccion des servis e es activitats.
- b) Era regulacion dera intervencion administrativa entar exercici des activitats de transpòrt.
- c) Era regulacion deth transpòrt urban e des servis de transpòrt dis crecionau de viatgèrs en veïculs de turisme.
- d) Era regulacion específica deth transpòrt toristic, escolar o de me nors, sanitari, funerari, de mercaderies perilloses o peribles e d'aut es que requerisquen un regim especific, en tot respectar es competéncies estataus sus seguretat publica.
- e) Era regulacion d'un sistèma de mediacion en matèria de transpòrts.
- f) Era potestat tarifària sus transpòrts terrèstres.

2. Era integracion de linhes o servis de transpòrt que transcorren intègrament per Catalunya en linhes o servis d'encastre superior re querís er informe prealable dera Generalitat.

3. Era Generalitat participe en establiment des servis ferroviaris que garantisquen era comunicacion damb d'utes comunitats autònòmes o damb eth transit internacionau, cossent damb çò qu'establís eth títol V.

4. Correspon ara Generalitat era competéncia exclusiva sus es centres de transpòrt, logistica e distribucion plaçadi en Catalunya qu'includís:

- a) Es centres d'informacion e distribucion de cargues.
- b) Es estacions de transpòrt per carretera.

5. Correspon ara Generalitat era competéncia exclusiva sus es operadors des activitats vinculades ara organizacion deth transpòrt, era logistica e era distribucion plaçades en Catalunya.

6. Correspon ara Generalitat era competéncia exclusiva en matèria de transpòrt maritim e fluviau que transcor intègrament per Catalunya que, en tot respectar es competéncies der Estat en marina mercante e pòrts, includís:

- a) Era regulacion, era planificacion e era gestion deth transpòrt maritim e fluviau de passatgèrs.

- b) Era intervencion administrativa entara prestacion de servis e er accompliment des activitats qu'agen relacion damb eth transpòrt maritim e fluviau.
- c) Es requisits entar exercici dera activitat.

ARTICLE 170. Trebalh e relacions laboraus

1. Correspon ara Generalitat era competéncia executiva en matèria de trebalh e relacions laboraus, qu'includís en tot cas:

- a) Es relacions laboraus e es condicions de trebalh.
- b) Es politiques actives d'aucupacion, qu'includissen era formacion des demandants d'aucupacion e des trebalhadors en actiu, e tanben era gestion des subvencions corresponentes. Era Generalitat participe enes plans o es activitats de formacion que despassen er encastre territoriau de Catalunya.
- c) Es qualificacions professionaus en Catalunya.
- d) Era intermediacion laborau, qu'includís era regulacion, era autorizacion e eth contròle des agéncias de collocacion damb sedença en Catalunya.
- e) Era negociacion collectiva e eth registre des convènis collectius de trebalh.
- f) Es procediments de regulacion d'aucupacion e d'actuacion administrativa en matèria de traslats collectius entre centres de trebalh plaçats en Catalunya.
- g) Era prevencion de risques laboraus e era seguretat e era salut en trebalh.
- h) Era potestat sancionadora des infraccions der orde sociau, en encastre des sues competéncies.
- i) Era determinacion des servis minims des grèves o arturades qu'agen lòc en Catalunya.
- j) Eth contròle de legalitat e, s'ei de besonh, eth registre posterior des convènis collectius de trebalh des empreses qu'acomplissen era sua activitat exclusivament en Catalunya.
- k) Es esturments de conciliacion, mediacion e arbitratge laboraus.
- l) Era elaboracion deth calendari de dies hestèrs qu'a de regir en tot eth territori de Catalunya.

2. Correspon ara Generalitat era competéncia executiva sus era fucion publica inspectora en tot çò que regule aguest article. Ad aguest

efècte, es funcionaris des còssi qu'acomplisquen aguesta fonsion depenen organicament e fonsionaument dera Generalitat. Per miei des mecanismes de cooperacion que determine eth títol V, s'an d'establir es formules de garantia der exercici eficaç dera fonsion inspectora en encastre sociau.

ARTICLE 171. Torisme

Correspon ara Generalitat era competéncia exclusiva en matèria de torisme, qu'includís en tot cas:

- a) Era ordenacion e era planificacion deth sector toristic.
- b) Era promocion deth torisme qu'includís era soscricpcion d'acòrds damb ens estrangèrs e era creacion d'oficines en estrangèr.
- c) Era regulacion e era classificacion des empreses e es establiments toristics e era gestion deth hilat d'establiment toristics de titularitat dera Generalitat.
- Tà pr'amor de facilitar era coordinacion entre aguesti establiments e es establiments deth hilat de paradors der Estat plaçadi en Catalunya, era Generalitat participe, enes tèrmes qu'establisque era legislacion estatau, enes organs d'administracion de Paradors de Torisme d'Espanha.
- d) Era regulacion des drets e es déuers específics des usatgers e es prestadors de servicis toristics e des mieis alternatius de resolucion de conflictes.
- e) Es ensenhaments e era formacion sus torisme que non donguen dret ara obtencion d'un títol oficiu.
- f) Era fixacion des critèris, era regulacion des condicions e era execucion e eth contròle des llinhes publiques d'ajuda e de promocion deth torisme.

ARTICLE 172. Universitats

1. Correspon ara Generalitat, en matèria d'ensenhamant universitari, sense prejudici dera autonomia universitària, era competéncia exclusiva sus:

- a) Era programacion e era coordinacion deth sistèma universitari catalan, en encastre dera coordinacion generau.

b) Es decisions de creacion d'universitats publiques e era autorizacion des privades.

c) Era aprobacion des estatuts des universitats publiques e des normes d'organizacion e fonsionament des universitats privades.

d) Era coordinacion des procediments d'accès as universitats.

e) Er encastre juridic des títols pròprios des universitats, cossent damb eth principi d'autonomia universitària.

f) Eth finançament pròpri des universitats e, s'ei de besonh, era gestion des hons estataus en matèria d'ensenhamant universitari.

g) Era regulacion e era gestion deth sistema pròpri de bèques e ajudes ara formacion universitària e, s'ei de besonh, era regulacion e era gestion des hons estataus en aguesta matèria.

h) Eth regim retributiu deth personau docent e investigador contractat des universitats e er establiment des retribucions addicionaus deth personau docent fonsionari.

2. Correspon ara Generalitat, en matèria d'ensenhamant universitari, sense prejudici dera autonomia universitària, era competéncia compartida sus tot aquerò a qué non hè referéncia er apartat 1, qu'includís en tot cas:

a) Era regulacion des requesits entara creacion e eth reconeishement d'universitats e centres universitaris e era adscripcion d'aguesti centres as universitats.

b) Eth regim juridic dera organizacion e eth fonsionament des universitats publiques, en tot includir-i es organs de govèrn e de representacion.

c) Era adscripcion e era desadscripcion de centres docents publics o privats entà impartir títols universitaris oficiaus e era creacion, era modificacion e era supression de centres universitaris en universitats publiques, e tanben eth reconeishement d'aguesti centres en universitats privades e era implantacion e era supression d'ensenhaments.

d) Era regulacion deth regim d'accès as universitats.

e) Era regulacion deth regim deth professorat docent e investigador contractat e fonsionari.

f) Era avaloracion e eth garantiment dera qualitat e dera excelléncia der ensenhamant universitari, e tanben deth personau docent e investigador.

3. Era competéncia executiva sus era expedicion des títols universitaris oficiaus.

ARTICLE 173. Videosusvelhança e contròle de son e enregistraments

Correspon ara Generalitat era competéncia sus er us dera videosusvelhança e eth contròle de son e enregistraments o d'auti mieis analògs, en encastre public, amiadi pera policia de Catalunya o per empreses e establiments privats. Era Generalitat a d'exercir aguesta competéncia en tot respectar es drets fondamentaus.

**TÍTOL V
DES RELACIONS
INSTITUCIONAUS DERA
GENERALITAT**

**CAPÍTOL I
RELACIONS DERA GENERALITAT
DAMB ER ESTAT E DAMB D'AUTES
COMUNITATS AUTONÒMES**

ARTICLE 174. Disposicions generaus

1. Era Generalitat e er Estat se balhen ajuda mutua e collabòren quan ei de besonh entar exercici eficaç des competéncies respectives e entara defensa des interèssis respectius.
2. Era Generalitat pòt establir damb d'autres comunitats autonòmiques relacions de collaboracion entara fixacion de politiques comunes, entar exercici eficaç des sues competéncies e entath tractament des ahèrs d'interès comun, especialment quan agen ua artenhuda supraterritoriau. Era Generalitat a de balhar era ajuda de besonh as autres comunitats autonòmiques entar exercici eficaç des sues competéncies.
3. Era Generalitat particiepe enes institucions, es organismes e es procediments de prenuda de decisions der Estat qu'afecten as sues competéncies cossent damb çò qu'establissem aguest Estatut e es leis.

SECCIÓN PRUMÈRA

COLLABORACION DAMB ER ESTAT E DAMB D'AUTES COMUNITATS AUTONÒMES

ARTICLE 175. Esturments de collaboracion enter era Generalitat e er Estat

1. Era Generalitat e er Estat, en encastre des competéncies respectives, pòden soscíuer convènis de collaboracion e hèr us des auti mieis de collaboracion que consideren adequats entà complir es objectius d'interès comun.
2. Era Generalitat tanben collabòre damb er Estat per miei des organs e es procediments multilateraus enes encastres e es ahèrs d'interès comun.

ARTICLE 176. Efèctes dera collaboracion entre era Generalitat e er Estat

1. Era participacion dera Generalitat enes organs e es mecanismes bilateraus e multilateraus de collaboracion damb er Estat e damb d'autes comunitats autonòmes non altère era titularitat des competéncies que li corresponen.
2. Era Generalitat non demore vinculada pes decisions adoptades en marc des mecanismes multilateraus de collaboracion voluntària damb er Estat e damb d'autes comunitats autonòmes respècte as quaus non age manifestat eth sòn acòrd.
3. Era Generalitat pòt hèr constar resèrves enes acòrds adoptats en marc des mecanismes multilateraus de collaboracion voluntària quan s'agen pres sense era sua aprobacion.

ARTICLE 177. Regim des convènis enter era Generalitat e er Estat

1. Eth regim juridic des convènis signats pera Generalitat, en çò que tanh ad aguesta, a d'èster establít per lei deth Parlament.
2. Es convènis soscrits enter eth Govèrn dera Generalitat e eth Govèrn der Estat s'an de publicar en *Diari Oficial de la Generalitat de Catalunya* en tèrme d'un mes a compdar deth dia en qué se signen.

Era data de publicacion des convènis en *Boletín Oficial del Estado* ne determine era eficàcia en çò que tanh a tresaus.

ARTICLE 178. Convènis e acòrds damb d'autes comunitats autonòmes

1. Era Generalitat pòt soscíuer damb d'autes comunitats autonòmes convènis de collaboracion e acòrds de cooperacion.
2. Es convènis e es acòrds damb d'autes comunitats autonòmes pòden accordar, enter d'auti contenguts, era creacion d'organs mixtes e er estableiment de projectes, plans e programes conjunts.
3. Era soscripcion de convènis e acòrds sonque requerís era aprobacion prealbla deth Parlament enes casi que n'afècten es facultats legislatives. Enes auti casi, eth Govèrn a d'informar ath Parlament dera soscripcion en tèrme d'un mes a compdar deth dia dera signatura.
4. Es convènis de collaboracion soscrits pera Generalitat damb d'autes comunitats autonòmes s'an de comunicar as Corts Generaus e era sua vigència comence seisanta dies despùs d'aguesta comunicacion, exceptat qu'es Corts Generaus decidisquen que s'an de qualificar coma acòrds de cooperacion que requerissen era autorizacion prealbla a qué hè referència er article 145.2 dera Constitucion.
5. Es convènis e es acòrds soscrits pera Generalitat damb d'autes comunitats autonòmes s'an de publicar en *Diari Oficial de la Generalitat de Catalunya* en tèrme de quaranta cinc dies e d'un mes, respectivament, a compdar deth dia en qué se signen.

SECCION DUSAU

PARTICIPACION EN INSTITUCIONS E EN PROCEDIMENTS DE PRESA DE DECISIONS ESTATAUS

ARTICLE 179. Compareishença de senadors dauant eth Parlament

Es senadors escuelhuts en Catalonha e es que representen era Generalitat en Senat pòden comparéisher dauant eth Parlament a peticion pròpria entà informar sus era sua activitat en Senat, enes tèrmes qu'establís eth Reglament deth Parlament.

ARTICLE 180. Designacion de membres deth Tribunau Constitucionau e deth Conselh Generau deth Poder Judiciau

Era Generalitat participe enes procèssis de designacion de magistrats deth Tribunau Constitucionau e de membres deth Conselh Generau deth Poder Judicial, enes tèrmines qu'establisquen es leis o, se cau, en ordenament parlamentari.

ARTICLE 181. Participacion ena ordenacion generau dera activitat economica

Era Generalitat participe ena elaboracion des decisions estataus qu'affecten ara ordenacion generau dera activitat economica en encastre d'aquerò qu'establis er article 131.2 dera Constitucion.

ARTICLE 182. Designacion de representants enes organismes economics e sociaus

1. Era Generalitat designe o participe enes procèssi entà designar as membres des organs de direccions deth Banc d'Espanha, era Comission Nacionau deth Mercat de Valors e era Comission deth Mercat des Telecomunicacions, e des organismes qu'eventualment les substituïsquen, e tanben des auti organismes estataus qu'exercissen foncions d'autoritat reguladora sus matèries de relevància economica e social relacionades damb es competéncies dera Generalitat, enes tèrmines qu'establis era legislacion aplicable.

2. Era Generalitat designe o participe ens procèssi entà designar as membre des organismes economics e energetics, des institucions finançières e des empreses publiques der Estat era competéncia des quaus s'estiene ath territori de Catalunya e que non siguen objècte de traspàs, enes tèrmines qu'establis era legislacion aplicable.

3. Era Generalitat designe o participe enes procèssi entà designar as membres deth Tribunau de Compdes, eth Conselh Economic e Social, era Agència Tributària, era Comission Nacionau d'Energia, era Agència Espanhòla de Proteccions de Dades, eth Conselh de Ràdio e Television, des organismes qu'eventualment les substituïsquen e des que se creen en aguesti encastres, enes tèrmines qu'establis era legislacion aplicable.

4. Era Generalitat, s'era natura der ens ac requerís e era sua sedençia principau non ei en Catalunya, pòt sollicitar ar Estat era creacion de delegacions territorials des organismes a què hì referéncia er apartat 1.

SECCION TRESAU

ERA COMISSION BILATERAU GENERALITAT-ESTAT

ARTICLE 183. Foncions e composicion dera Comission Bilaterau Generalitat-Estat

1. Era Comission Bilaterau Generalitat-Estat, cossent damb es principis qu'establissem es articles 3.1 e 174, constituís er encastre generau e permanent de relacion enter eth Govèrn dera Generalitat e eth Govèrn der Estat as efèctes següents:

- a) Era participacion e era collaboracion dera Generalitat en exercici des competéncies estataus qu'affecten ara autonomia de Catalunya.
- b) Er escambi d'informacion e er establiment, quan sigue de besonh, de mecanismes de collaboracion enes respectives politiques publiques e enes ahèrs d'interès comun.
- 2. Es foncions dera Comission Bilaterau Generalitat-Estat son deliberar, hì prepausas e, s'ei de besonh, adoptar acòrds enes casi establits per aguest Estatut e, en generau, en çò que hì as encastres següents:
 - a) Es projèctes de lei qu'incidissen singularament ena distribucion de competéncies entre er Estat e era Generalitat.
 - b) Era programacion dera politica economica generau deth Govèrn der Estat en tot aquerò qu'afècta singularament as interèssis e es competéncies dera Generalitat e sus era aplicacion e eth desenvolupament d'aguesta politica.
 - c) Er impuls des mesures adequades entà melhorar era collaboracion enter er Estat e era Generalitat e assegurar un exercici mès eficaç des competéncies respectives enes encastres d'interès comun.
 - d) Es conflictes competenciaus plantejats enter es dues parts e era pre-pausa, s'ei de besonh, de mesures entà resolver-les.
 - e) Era avaloracion deth funcionament des mecanismes de collaboracion que s'agen establit enter er Estat e era Generalitat e era pre-pausa des mesures que permeten melhorar-lo.

- f) Era prepausa dera relacion d'organismes economics, institucions finanzières e empreses publiques der Estat enes quaus era Generalitat pòt designar representants, e es modalitats e es formes d'aguesta representacion.
 - g) Eth seguiment dera politica europèa entà garantir era efectivitat de la participacion dera Generalitat enes ahèrs dera Union Europèa.
 - h) Eth seguiment dera accion exteriora der Estat qu'afecte as competéncies pròpries dera Generalitat.
 - i) Es qüestions d'interès comun qu'establisquen es leis o que plantejen es parts.
3. Era Comission Bilaterau Generalitat-Estat ei integrada per un nombre igual de representants der Estat e dera Generalitat. Era sua presidència ei exercida de manera alternativa enter es dues parts en torns d'un an. Era Comission dispause d'ua secretaria permanenta e pòt crear es subcomissions e es comitès que creiguen convenientes. Era Comission elabòre ua memòria anuau, que traslade ath Govèrn der Estat e ath Govèrn dera Generalitat e ath Parlament.
4. Era Comission Bilaterau Generalitat-Estat s'amasse en session plenària aumens dus viatges ar an e tostems qu'ac demane ua des dues parts.
5. Era Comission Bilaterau Generalitat-Estat adòpte eth sòn reglament intèrn e de funcionament per acòrd des dues parts.

CAPÍTOL II

RELACIONS DERA GENERALITAT DAMB ERA UNION EUROPÈA

ARTICLE 184. Disposicion generau

Era Generalitat paticipe, enes tèrmines qu'establisseren aguest Estatut e era legislació dera Estat, enes ahèrs relacionats damb era Union Europèa qu'afècten as competéncies o as interèssis de Catalunya.

ARTICLE 185. Participacion enes tractats dera Union Europèa

1. Era Generalitat a d'èster informada peth Govèrn dera Estat des iniciatives de revision des tractats dera Union Europèa e des processi de

soscripcion e ratificacion subsegüents. Eth Govèrn dera Generalitat e eth Parlament an de dirigir ath Govèrn dera Estat e as Corts Generaus es observacions que consideren pertinentes ad aguest efècte.

2. Eth Govèrn dera Estat pòt incorporar representants dera Generalitat as delegacions espanyoles que participen enes processi de revision e negociacion des tractats originaris e enes d'adopcion de nauis tractats, enes matèries qu'afècten as competéncies exclusives dera Generalitat.

ARTICLE 186. Participacion ena formacion des posicions der Estat

1. Era Generalitat participe ena formacion des posicions der Estat dauant era Union Europèa, especialment dauant eth Conselh de Ministres, enes ahèrs relatius as competéncies o as interèssis de Catalunya, enes tèrmes qu'establisseren aguest Estatut e era legislacion sus aguesta matèria.

2. Era Generalitat a de participar de manera bilaterau ena formacion des posicions der Estat enes ahèrs europeus que l'afècten exclusivament. Enes auti casi, era participacion se hè en encastre des procediments multilateraus que s'establisquen.

3. Era posicion expressada pera Generalitat ei determinanta entara formacion dera posicion estatau s'afècte as sues competéncies exclusives e se dera prepausa o era iniciativa europea pòden derivar conseqüencies finanzières o administratives especialment relevantes entà Catalunya. Enes auti casi, aguesta posicion a d'èster escotada per Estatut.

4. Er Estat a d'informar ara Generalitat de manera completa e actualizada sus es iniciatives e es prepausas presentades dauant era Union Europèa. Eth Govèrn dera Generalitat e eth Parlament de Catalunya an de dirigir ath Govèrn dera Estat e as Corts Generaus, segontes que corresponguen, es observacions e es prepausas que consideren pertinentes sus es nomenades iniciatives e prepausas.

ARTICLE 187. Participacion en institucions e organismes europeus

1. Era Generalitat participe enes delegacions espanyoles dauant era Union Europèa que tracten ahèrs dera competéncia legislativa dera madeisha Generalitat, e especialment dauant eth Conselh de Ministres e es organs consultius e preparatòris deth Conselh e dera Comission.

2. Era participacion qu'establís er apartat 1, se se referís a competéncies exclusives dera Generalitat, permet, mejançant acòrd prealable, exercir era representacion e era presidència d'aguesti organs, cossent damb era normativa aplicable.

3. Era Generalitat, cossent damb er Estat, participe ena designacion de representants en encastre dera representacion permanenta d'aguest ena Union Europèa.

4. Eth Parlament pòt establir relacions damb eth Parlament Europèu enes encastres d'interès comun.

ARTICLE 188. Participacion en contròle des principis de subsidiarietat e de proporcionalitat

Eth Parlament participe enes procediments de contròle des principis de subsidiarietat e de proporcionalitat qu'establisque eth dret dera Union Europèa en çò que hè as prepauses legislatives europèes s'a-guestes prepauses afècten a competéncies dera Generalitat.

ARTICLE 189. Desvolopament e aplicacion deth dret dera Union Europèa

1. Era Generalitat aplique e execute eth dret dera Union Europèa en encastre des sues competéncies. Era existéncia d'ua regulacion europèa non modifiques era distribucion intèrna de competéncies qu'establissem era Constitucion e aguest Estatut.

2. S'era execucion deth dret dera Union Europèa a de besonh era adopcion de mesures intèrnas d'artenhuda superiora ath territori de Catalunya qu'es comunitats autonòmes competentes non pòden adoptar mejançant mecanismes de collaboracion o coordinacion, er Estat a de consultar era Generalitat sus aguestes circonstàncies abans que s'adòpten es dites mesures. Era Generalitat a de participar enes organs qu'adòpten aguestes mesures o, s'aguesta participacion non ei possibla, a d'emeter un informe prealable.

3. En cas qu'era Union Europèa establisque ua legislacion que remplace ara normativa basica der Estat, era Generalitat pòt adoptar era legislacion de desenvolopament a partir des normes europèes.

ARTICLE 190. Gestion de hons europèus

Correspon ara Generalitat era gestion des hons europèus en matèries dera sua competéncia, enes tèrmines qu'establissem es articles 114 e 210.

ARTICLE 191. Accions davant eth Tribunau de Justícia

1. Era Generalitat a accès ath Tribunau de Justícia dera Union Europèa enes tèrmines qu'establisque era normativa europèa.

2. Eth Govèrn dera Generalitat pòt instar ath Govèrn der Estat a iniciar accions dauant eth Tribunau de Justícia dera Union Europèa en defensa des legitims interèssi e competéncies dera Generalitat. Era Generalitat collabòre ena defensa juridica.

3. Era negativa deth Govèrn der Estat a exercir es accions sollicitades a d'èster motivada e a d'èster comunicada immediatament ara Generalitat.

ARTICLE 192. Delegacion dera Generalitat dauant era Union Europèa

Era Generalitat pòt establir ua delegacion entà deféner mielhor es sòns interèssi dera Generalitat dera Union Europèa.

CAPÍTOL III

ACCION EXTERIORA DERA GENERALITAT

ARTICLE 193. Disposicions generaus

1. Era Generalitat a d'impulsar era projeccion de Catalunya en exterior e promòir es sòns interèssi en aguest encastre, en tot respectar era competéncia der Estat en matèria de relacions exteriores.

2. Era Generalitat a capacitat entà amiar a tèrme es accions damb projeccions exteriors que deriven dirèctament des sues competéncies, si-gue de manèra dirècta, sigue per miei des organs dera Administracion generaus der Estat.

ARTICLE 194. Oficines en exterior

Era Generalitat, entara promocion des interèssi de Catalonha, pòt estableir oficines en exterior.

ARTICLE 195. Acòrds de collaboracion

Era Generalitat, entara promocion des interèssi de Catalonha, pòt soscíruer acòrds de collaboracion en encastre des suas competéncies. Damb aguesta finalitat, es organs de representacion exteriora der Estat an de balhar eth supòrt que calgue as iniciatives dera Generalitat.

ARTICLE 196. Tractats e convènis internacionaus

1. Eth Govèrn der Estat a d'informar prealablamet ara Generalitat sus es actes de soscripcion des tractats qu'afècten d'ua manera dirècta e singulara as competéncies de Catalonha. Era Generalitat e eth Parlament pòden dirigir ath Govèrn es observacions que consideren pertinentes.
2. Se se tracte de tractats qu'afècten d'ua manera dirècta e singulara, era Generalitat pòt sollicitar ath Govèrn qu'intègre representants dera Generalitat enes delegacions negociadores.
3. Era Generalitat pòt sollicitar ath Govèrn era soscripcion de tractats internacionaus en matèries dera sua competència.
4. Era Generalitat a d'adoptar es mesures de besonh entà executar es obligacions derivades des tractats e es convènis internacionaus ratificats per Espanha o que liguen er Estat en encastre des suas competéncies.

ARTICLE 197. Cooperacion transfrontererà, interregionau e ath desenvolopament

1. Era Generalitat a de promòir era cooperacion damb es regions europees damb qué compartís interèssi economics, sociaus, ambientaus e culturaus, e i a d'establir es relacions que corresponguen.
2. Era Generalitat a de promòir era cooperacion damb d'auti territoris, enes tèrmes qu'establís er apartat 1.
3. Era Generalitat a de promòir programes de cooperacion ath desenvolopament.

ARTICLE 198. Participacion enes organismes internacionaus

Era Generalitat a de participar enes organismes internacionaus competents en matèries d'interès relevant entà Catalonha, especialment era UNESCO e d'auti organismes de caractèr culturau, ena forma qu'establisque era normativa corresponenta.

ARTICLE 199. Coordinacion des accions exteriores

Era Generalitat a d'impulsar e coordinar, en encastre des suas competéncies, es accions exteriores des ens locaus e des organismes e d'auti ens publics de Catalonha, sense prejudici dera autonomia qu'agen.

ARTICLE 200. Projeccion internacionau des organizacions de Catalonha

Era Generalitat a de promòir era projeccion internacionau des organizacions sociaus, culturaus e esportives de Catalonha e, s'ei de besonh, era sua afiliacion as entitats afines d'encastre internacionau, en encastre deth compliment des sòns objectius.

TÍTOL VI

DETH FINANÇAMENT
DERA GENERALITAT

CAPÍTOL I

ES FINANCES DERA GENERALITAT

ARTICLE 201. **Principis**

1. Es relacions d'orde tributari e financièr entre er Estat e era Generalitat son regulades pera Constitucion, per aguest Estatut e pera lei organica a qué hè referéncia er apartat tresau der article 157 dera Constitucion.
2. Eth finançament dera Generalitat se regís pes principis d'autonomia financièra, coordinacion, solidaritat e transparéncia enes relacions fiscaus e financières enter es administracions publiques, e tanben pes principis de suficiéncia de recorsi, responsabilitat fiscau, equitat e leialtat institucionau enter es nomenades administracions.
3. Eth desenvolopament d'aguest títol correspon ara Comission Mixta d'Ahèrs Economics e Fiscaus Estat-Generalitat.
4. Cossent damb er article 138.2 dera Constitucion, eth finançament dera Generalitat non a de comportar efèctes discriminatòris envèrs Catalonha respècte as autes comunitats autònòmes. Aguest principi a de respectar pleament es critèris de solidaritat qu'enóncie er article 206 d'aguest Estatut.

ARTICLE 202. Es recorsi dera Generalitat

1. Era Generalitat dispause d'ues finances autonòmes e des recorsi finançiers suficients entà afrontar er exercici adequat deth sòn autogovern.
2. Era Generalitat gaudís de plea autonomia de despensa entà poder aplicar liurament es sòns recorsi cossent damb es directritzies politiques e sociaus determinades pes suas institucions d'autogovern.
3. Es recorsi des finances dera Generalitat son constituïts per:
 - a) Es rendiments des sòns impòsti, taxes, contribucions especiaus e d'auti tributs pròpris.
 - b) Eth rendiment de toti es tributs estataus cedits, cossent damb çò que dispause er article 201 d'aguest Estatut.
 - c) Es recargues sus es tributs estataus.
 - d) Es ingressi procedents deth Hons de compensacion interterritoriau e d'autes assignacions establides pera Constitucion, s'ei de besonh.
 - e) D'autes transferéncies e assignacions damb cargue as pressupòsti generaus der Estat.
 - f) Es ingrèssi pera percepcion des sòns prètzi publics.
 - g) Es rendiments deth patrimòni dera Generalitat.
 - h) Es ingrèssi de dret privat.
 - i) Eth producte d'emission de deute e des operacions de crèdit.
 - j) Es ingrèssi procedents de multes e sancions en encastre des suas competéncias.
 - k) Es recorsi procedents dera Union Europèa e de programes comunitaris.
 - l) Quinsevolh aute recors que pogue establir-se en vertut de çò que dispausen aguest Estatut e era Constitucion.

ARTICLE 203. Competéncias finançières

1. Era Generalitat a capacitat entà determinar eth volum e era composicion des sòns ingrèssi en encastre des suas competéncias finançières, e tanben entà fixar era afectacion des sòns recorsi as finalitats de despensa que decidisquen liurament.

2. Era Generalitat particpe en rendiment des tributs estataus cedits a Catalunya. Ad aguest efècte, aguesti tributs an era consideracion següenta:

- a) Tributs cedits totaument, que son aqueri repècte as quaus corresponen ara Generalitat era totalitat des rendiments e era capacitat normativa.
- b) Tributs cedits parciaument, que son aqueri respècte as quaus corresponen ara Generalitat ua part des rendiments e, se s'escatz, era capacitat normativa.
3. En encastre des competéncias der Estat e dera Union Europèa, era exercici dera capacitat normativa a qué hè referéncia er apartat 2, includís era participacion ena fixacion deth tipe impositiu, es exempcions, es reduccions e es bonificacions sus era basa impausable e es deduccions sus era quòta.
4. Corresponen ara Generalitat era gestion, era recaptacion, era liquidacion e era inspeccion des tributs estataus cedits totaument, e tanben aguestes foncions, ena mesura en qué s'atribuïsquen, respècte as cedits parciaument, cossent damb çò qu'establís era article 204.
5. Era Generalitat a competéncia entà establir, mejorant ua lei deth Parlament, es sòns tributs pròpris, sus es quaus a capacitat normativa.
6. Er exercici dera capacitat normativa en encastre tributari, per part dera Generalitat, se base enes principis d'equitat e d'eficiéncia. Ena sua actuacion tributària, era Generalitat promò era coesion e eth benèster sociaus, eth progrès economic e era sostenibilitat mieiambientau.

ARTICLE 204. Era Agéncia Tributària de Catalunya

1. Era gestion, era recaptacion, era liquidacion e era inspeccion de toti es tributs pròpris dera Generalitat de Catalunya, e tanben, per delegacion der Estat, des tributs estataus cedits totaument ara Generalitat, corresponen ara Agéncia Tributària de Catalunya.
2. Era gestion, era recaptacion, era liquidacion e era inspeccion des auti impòsti der Estat recaptadi en Catalunya corresponen ara Administracion tributària der Estat, sense prejudici dera delegacion qu'era

Generalitat ne pogue reccéber ne dera collaboracion que se pogue estableir especiaument quan ac exigisque era natura deth tribut.

Entà desplegar çò que determine eth paragraf anterior, s'a de constituir, en tèrme de dus ans, un consòrci, o un ens equivalent, damb participacion paritària dera Agència Estatau d'Administracion Tributària e dera Agència Tributària de Catalonha. Eth Consòrci se pòt transformar ena Administracion tributària en Catalonha.

3. Es dues administracions tributàries an d'establir es mecanismes de besonh entà perméter era presentacion e era recepcion enes oficines respectives des declaracions e era rèsta de documentacion damb transcendència tributària qu'agen de produsir efèctes dauant era auta administracion, damb vista a facilitar eth compliment des obligacions tributàries des contribuents.

Era Generalitat participe, ena forma que se determine, enes ens o organismes tributaris der Estat responsables dera gestion, era recaptacion, era liquidacion e era inspeccion des tributs estataus cedits parciaument.

4. Era Agència Tributària de Catalonha s'a de crear per lei deth Parlament e dispause de plea capacitat e atribucions entara organizacion e er exercici des foncions a qué hè referéncia er apartat 1.

5. Era Agència Tributària de Catalonha pòt exercir per delegacion des municipis es foncions de gestion tributària en çò que hè as tributs locaus.

ARTICLE 205. Organs economicoadministratius

Era Generalitat a d'assumir, per miei des sòns pròprios organs economico-administratius, era revision pera via administrativa des reclamacions qu'es contribuibles poguen interpausar contra es actes de gestion tributària dictats pera Agència Tributària de Catalonha.

Tot açò, sense prejudici des competéncias qu'en matèria d'unificacion de critèri corresponen ara Administracion Generau der Estat.

Ad aguesti efèctes, era Generalitat e era Administracion Generau der Estat pòden tanben acordar es mecanismes de cooperacion que siguen de besonh entar exercici adequat des foncions de revision pera via economicoadministrativa.

ARTICLE 206. Participacion en rendiment des tributs estataus e mecanismes d'anivelament e de solidaritat

1. Eth nivèu de recorsi finançiers de qué dispause era Generalitat entà financiar es sòns servicis e es sues competéncias s'a de basar en critèris de besonh de despensa e a d'auer en compde era sua capacitat fiscau, entre d'auti critèris. Ad aguesti efectes, es recorsi dera Generalitat son, entre d'auti, es que deriven des sòns ingrèssi tributaris, ajustadi ara alça o ara baisha en fonction dera sua participacion enes mecanismes d'anivelament e de solidaritat.

2. Era Generalitat participe en rendiment des tributs estataus cedits. Eth percentatge de participacion s'establís en tot auer en compde es sòns servicis e es sues competéncias.

3. Es recorsi finançiers de qué dispause era Generalitat se pòden ajustar tà qu'eth sistèma estatau de finançament dispause de recorsi suficients entà garantir er anivelament e era solidaritat enes autes comunitats autonòmes, entà pr'amor de qu'es servicis d'educacion, de sanitat e d'auti servicis sociaus essencials der estat deth benèster prestadi pes differenti governs autonomicos poguen assolir nivèus similars ath conjunt der Estat, tostemp que pòrtent a tèrme un esfòrç fiscau tanben similar. Dera madeisha manèra, era Generalitat recep recorsi, se cau, des mecanismes d'anivelament e de solidaritat. Es nivèus nomenatadi son fixadi per Estat.

4. Era determinacion des mecanismes d'anivelament e de solidaritat s'a de hèr cossent damb eth principi de transparéncia, e se n'a d'avaluar eth resultat quinquaument.

5. Er Estat a da garantir qu'era aplicacion des mecanismes d'anivelament non altère en cap de cas era posicion de Catalonha ena ordenacion de rendes *per capitiat* entre es comunitats autonòmes abantes der anivelament.

6. S'a de tier en compde, coma variabla basica entà determinar es besonhs de despensa a qué hè referéncia er apartat 1, era poblacion, rectificada pes còsti diferenciaus e per variables demografiques, en particular per un factor de correcccion establiti en fonction deth percentatge de poblacion immigranta. Tanben, s'an d'auer en compde era densitat de poblacion, era dimension des nuclèus urbans e era poblacion en situacion d'exclusion social.

ARTICLE 207. Eth tractament fiscau

Era Generalitat gaudís deth tractament fiscau qu'es leis establissem entar Estat enes impòsti estataus.

ARTICLE 208. Actualizacion deth finançament

1. Er Estat e era Generalitat an d'actualizar quinquennaument eth sistèma de finançament, en tot auer en compde era evolucion deth conjunt de recorsi publics disponibles e era des besonhs de despensa des diuèrses administracions.

Aguesta actualizacion s'a d'amiar sense prejudici deth seguiment e, eventualment, era metuda ath dia des variables basiques emplegades entara determinacion des recorsi proporcionats peth sistèma de finançament.

2. Era actualizacion a qué hè referéncia er apartat 1 a d'este aprovada pera Comisión Mixta d'Ahèrs Economics e Fiscaus Estat-Generalitat.

ARTICLE 209. Leiautat institucionau

1. Cossent damb eth principi de leiautat institucionau, s'a d'avalorar er impacte fincancièr, positiu o negatiu, qu'es disposicions generaus aprovades per Estat agen sus era Generalitat o es aprovades pera Generalitat agen sus er Estat, en un periòde de temps determinat, en forma d'ua variacion des besonhs de despensa o dera capacitat fiscal, entà pr'amor d'establir es mecanismes d'ajustament de besonh.

2. Es dues adminisitracions s'an de facilitar mutuament er accès ara informacion estadistica e de gestion que sigue de besonh entà exercir mielhor es competéncies respectives, en un encastre de cooperacion e transparància.

ARTICLE 210. Era Comission Mixta d'Ahèrs Economics e Fiscaus Estat-Generalitat

1. Era Comission Mixta d'Ahèrs Economics e Fiscaus Estat-Generalitat ei er organ bilaterau de relacion enter era Administracion der Estat e era Generalitat en encastre deth finançament autonomic. Li corresponden era concrecion, era aplicacion, era actualizacion e eth segui-

ment deth sistèma de finançament, e tanben era canalizacion deth conjunt de relacions fiscaus e financières dera Generalitat e er Estat. Ei integrada per un nombre parìèr de representants der Estat e dera Generalitat. Era presidència d'aguesta Comission Mixta ei exercida de manèra rotatòria enter es dues parts en torns d'un an.

Era Comission adòpte eth sòn reglament intèrn e de funcionament per acòrd enter es dues delegacions. Era Comission Mixta d'Ahèrs Economics e Fiscaus Estat-Generalitat exercís es sues foncions sense prejudici des acòrds soscrits peth Govèrn de Catalunya en aguesta matèria en institucions e organismes de caractèr multilaterau.

2. Correspon ara Comission Mixta d'Ahèrs Economics e Fiscaus Estat-Generalitat:

- a) Acordar era artenhuda e es condicions dera cession de tributs de titularitat estatau e, especiaument, es percentatges de participacion en rendiment des tributs estataus cedits parciaument a qué hè referéncia er article 206, e tanben hè-ne era revision quinquenau.
 - b) Acordar era contribucion ara solidaritat e as mecanismes d'anivelament a qué hè referéncia er article 206.
 - c) Establir es mecanismes de collaboracion enter era Administración tributària de Catalunya e era Administración Tributària der Estat as quaus hè referéncia er article 204, e tanben es critèris de coordinacion e d'armonizacion fiscau cossent damb es caracteristiques o era natura des tributs cedits.
 - d) Negociar eth percentatge de participacion de Catalunya ena distribucion territoriau des hons estructuraus europeus.
 - e) Aplicar es mecanismes d'actualizacion qu'establís er article 208.
 - f) Acordar era avaloracion des traspassi de servicis der Estat ara Generalitat.
 - g) Establir es mecanismes de collaboracion entre era Generalitat e era Administracion der Estat que siguen de besonh entar exercici appropriate des foncions de revision pera via economicoadministrativa a qué hè referéncia er article 205.
 - h) Acordar es mecanismes de collaboracion entre era Generalitat e era Administracion Generau der Estat entar exercici des foncions en matèria cadastrau a qué hè referéncia er article 221.
3. Cossent damb çò qu'establís er article 209, era Comission Mixta d'Ahèrs Economics e Fiscaus Estat-Generalitat a de proposar es me-

sures de cooperacion de besonh entà garantir er equilibri deth sistèma de finaçament qu'establís aguest títol quan pogue èster alterat per decisions legislatives estataus o dera Union Europèa.

4. Era part catalana dera Comission Mixta d'Ahèrs Economics e Fiscaus Estat-Generalitat ret compdes ath Parlament sus eth compliment des precèptes d'aguest capítol.

CAPÍTOL II

ETH PRESSUPÒST DERA GENERALITAT

ARTICLE 211. Competéncies dera Generalitat

Era Generalitat a competéncia exclusiva entà ordenar e regular es suas finances.

ARTICLE 212. Eth pressupòst dera Generalitat

Eth pressupòst dera Generalitat a caractèr anuau, ei unic e includís totes es despenes e toti es ingrèssi dera Generalitat, e tanben es des organismes, es institucions e es empreses que ne depenen. Correspon ath Govèrn d'elaborar e executar eth pressupòst, e ath Parlament, d'examinar-lo, esmendar-lo, aprovar-lo e controlar-lo. Era lei de pressupòsti non pòt crear tributs, mès pòt modificar-ne s'ua lei tributària substantiva atau ac establís.

ARTICLE 213. Recors ar endeutament

1. Era Generalitat pòt recórrer ar endeutament e emeter deute public entà finançar despenes d'inversion laguens des limits qu'era madeisha Generalitat determine e en tot respectar es principis generaus e era normativa estatau.

2. Es títols emetuts an a toti es efèctes era consideracion de hons publics e gaudissen des madeishi beneficis e condicions qu'es qu'emet er Estat.

ARTICLE 214. Estabilitat pressupostària

Correspon ara Generalitat er establellit des limits e es condicions entà assolir es objectius d'estabilitat pressupostària laguens es principis e era normativa der Estat e dera Union Europèa.

ARTICLE 215. Eth patrimòni dera Generalitat

1. Eth patrimòni dera Generalitat ei integrat pes bens e es drets des quaus ei titulara e pes qu'adquirisque per quinsevolh títol juridic.
2. Ua lei deth Parlament a de regular era administracion, era defensa e era conservacion deth patrimòni dera Generalitat.

ARTICLE 216. Empreses publiques

Era Generalitat pòt constituir empreses publiques entà complir es foncions que son dera sua competéncia, cossent damb çò qu'establissem es leis deth Parlament.

CAPÍTOL III

ES FINANCES DES GOVÈRNS LOCAUS

ARTICLE 217. Principis rectors

Es finances locaus se regissen pes principis de suficiéncia de recorsi, equitat, autonomia e responsabilitat fiscau. Era Generalitat velhe peth compliment d'aguesti principis.

ARTICLE 218. Autonomia e competéncies financières

1. Es govèrns locaus an autonomia pressupostària e de despena ena aplicacion des sòns recorsi, en tot includir-i es participacions que percepben a cargue des pressupòsti de d'autes administracions publiques, des quaus pòden dispausar liurament en exercici des suas competéncies.
2. Era Generalitat a competéncia, en encastre establit pera Constitución e pera normativa der Estat, en matèria de finançament locau. Aguesta competéncia pòt includir era capacitat legislativa entà establir

e regular es tributs pròpuls des govèrns locaus e includís era capacitat entà fixar es critèris de distribucion des participacions a cargue deth pressupòst dera Generalitat.

3. Es govèrns locaus an capacitat entà regular es suas pròpies finances en encastre des leis. Aguesta capacitat includís era potestat de fixar era quòta o era sòrta des tributs locaus, e tanben es bonificacions e es exempcions, laguens des limits qu'establissem es leis.

4. Corresponden as govèrns locaus, en encastre qu'establis era normativa reguladora deth sistèma tributari locau, era competéncia entà gestionar, recaptar e inspeccionar es sòns tributs, sense prejudici que la poguen delegar ara Generalitat e que poguen participar ena Agència Tributària de Catalunya.

5. Corresponden ara Generalitat er exercici dera tutèla financièra sus es govèrns locaus, en tot respectar era autonomia que les reconeish era Constitucion.

ARTICLE 219. Suficiéncia de recorsi

1. Era Generalitat a d'establir un hons de cooperacion locau destinat as govèrns locaus. Eth hons, de caractèr incondicionat, s'a de dotar a partir de toti es ingrèssis tributaris dera Generalitat e s'a de regular mejançant ua lei deth Parlament.

Addicionaument, era Generalitat pòt establir programes de collaboracion financièra especifica entà matèries concretes.

2. Es ingrèssis des govèrns locaus consistentes en participacions en tributs e en subvencions incondicionades estataus son percebuts mejançant era Generalitat, que les a de distribuir cosent damb çò que dispause era lei de finances locaus de Catalunya, era aprobacion dera quau requerís ua majoria de tres cinquaus parts, e repectant es critèris que fixe era legislacion der Estat en aguesta matèria. En cas des subvencions incondicionades, aguesti criteris an de permetter qu'eth Parlament pogue incidir ena distribucion des recorsi damb er objectiu d'atier era singularitat deth sistèma institucionau de Catalunya a què hè referencia er article 5 d'aguest Estatut.

3. Se garantissen as govèrns locaus es recorsi sufisents entà hèr front ara prestacion des servicis era titularitat o era gestion des quaus se les

traspasse o se les delègue. Tota naua atribucion de competéncias a d'anar acompanhada dera assignacion des recorsi suplementaris de besonh entà finanziar-les correcitament, de manera que s'age en compde eth finançament deth còst totau e efectiu des servicis traspassadi. Eth compliment d'aguest principi ei ua condicion de besonh entà qu'entre en vigor era transferéncia o era delegacion dera competéncia. Ad aguest efecte, se pòden establir diuères formes de finançament, en tot includir-i era participacion enes recorsi des finances dera Generalitat o, se cau, der Estat.

4. Era distribucion de recorsi procedents de subvencions incondicionades o de participacions generiques en impòsti s'a d'amar a tème en tot tier en compde era capacitat fiscau e es besonhs de despenes des govèrns locaus e garantint-ne en tot cas era suficiéncia.

5. Era distribucion des recorsi enter es govèrns locaus non pòt comportar en cap cas ua minoracion des recorsi obtenguts per cadun d'aguesti, segontes es critèris utilizats en exercici anterior ara entrada en vigor des precèptes d'aguest Estatut.

ARTICLE 220. Lei de finances locaus

1. Eth Parlament a d'aprovar era sua pròpria lei de finances locaus entà desplegar es principis e es disposicions qu'establis aguest capitol.

2. Es facultats en matèria de finances locaus qu'aguest capitol atribuís ara Generalitat s'an d'exercir damb respècte ara autonomia locau e escotat eth Conselh de Govèrns Locaus, qu'establis er article 85.

ARTICLE 221. Eth cadastre

Era Administracion Generau der Estat e era Generalitat an d'establir es vies de collaboracion de besonh entà assegurar era participacion dera Generalitat enes decisions e er escambi d'informacion que calguen entar exercici des suas competéncias.

Tanben, s'an d'establir formes de gestion consorciada deth cadastre entre er Estat, era Generalitat e es municipis, cosent damb çò que dispause era normativa der Estat e de manera que garantisquen era plea disponibilitat des bases de dades entà totes es administracions e era unitat dera informacion.

TÍTOL VII
DERA REFORMA DER ESTATUT

**ARTICLE 222. Era reforma des títols que non afècten as relacions
damb er Estat**

1. Era reforma des títols I e II der Estatut s'a d'ajustar as procediments següents:
 - a) Era iniciativa dera reforma correspon ath Parlament de Catalonha, a prepausa d'ua cinquau part des sòns deputats, e ath Govèrn dera Generalitat. Es ajuntaments de Catalonha pòden prepausar ath Parlament er exercici dera iniciativa de reforma s'atau ac demanen un minim deth 20% des plens municipaus, que representen un minim deth 20% dera poblacion. Tanben pòden prepausar-la 300.000 signatures acreditades des ciutadans de Catalonha damb dret a vòt.
 - b) Era aprobacion dera reforma requerís eth vòt favorable des dues tresaus parts des membres deth Parlament, era remission e era consulta as Corts Generaus, era ratificacion des Corts mejançant ua lei organica e eth referendum positiu des electors de Catalonha.
 - c) S'en tèrme de trenta dies a partir dera recepcion dera consulta estableida pera letra b es Corts Generaus se declaren afectades pera reforma, aguesta a de seguir eth procediment establit per article 223.
 - d) Un còp ratificada era reforma pes Corts Generaus, era Generalitat l'a de sométer a referendum.

2. S'era prepausa de reforma non ei aprovada peth Parlament o peth còs electorau, non pòt èster sometuda nauament ath debat e ara votacion deth Parlament enquia qu'age passat un an.

ARTICLE 223. Era reforma des auti títols

1. Era reforma des títols der Estatut non includits en article 222 s'a d'ajustar ath procediment següent:

- a) Era iniciativa de reforma correspon ath Parlament, ath Govèrn dera Generalitat e as Corts Generaus. Es ajuntaments e es titulars deth dret de vòt ath Parlament pòden prepausar ath Parlament qu'exercisique era iniciativa de reforma enes tèrmes establlits per article 222.1.a.
- b) Era aprobacion dera reforma requerís eth vòt favorable des dues tresaus parts des membres deth Parlament, era aprobacion des Corts Generaus mejançant ua lei organica e, finaument, eth referendum positiu des electors.
- c) Un còp aprovada era prepausa de reforma der Estatut, eth Parlament l'a de traméter tath Congrès des Deputats.
- d) Era prepausa de reforma pòt èster sometuda a un vòt de ratificacion deth Congrès e deth Senat cossent damb eth procediment qu'establissem es reglaments parlamentaris respectius. Eth Parlament a de nomenar ua delegacion entà presentar era prepausa de reforma der Estatut davant eth Congrès e eth Senat. S'es Corts Generaus ratifiquen era prepausa de reforma der Estatut, se considere aprovada era lei organica corresponenta.
- e) Se non s'aplique eth procediment establit pera letra d, s'a de constituir ua comission mixta paritària, formada per membres dera comission competenta deth Congrès des Deputats e ua delegacion deth Parlament damb representacion proporcionau des grops parlamentaris, pr'amor de formular de comun acòrd, e peth procediment qu'establis eth Reglament deth Congrès des Deputats, ua prepausa conjunta en tèrme de dus mesi.
- f) Era tramitacion dera prepausa de reforma der Estatut ath Senat a de seguir un procediment analòg ar establit pera letra e enes tèrmes deth Reglament deth Senat. En aguest cas, era delegacion deth Parlament, damb es adaptacions corresponentes, a de constituir, conjuntament damb membres dera comission competenta deth Senat, ua comission mixta paritària pr'amor de formular de comun acòrd ua prepausa conjunta.

g) S'era comission mixta paritària non arribe a formular ua prepausa conjunta, era prepausa de reforma der Estatut s'a de tramitar cossent damb eth procediment ordinari establit pes respectius reglaments parlamentaris.

- h) Eth Parlament, pera majoria absoluta des sòns membres, pòt retirar es prepauses de reforma qu'age aprovat en quinsevolh moment dera tramitacion as Corts Generaus abans que siguen aprovades de manera definitiva. Era retirada dera prepausa de reforma non compòrte en cap cas era aplicacion de çò qu'establis er apartat 2.
- i) Era aprobacion dera reforma pes Corts Generaus mejançant ua lei organica a d'includir era autorización der Estat tà qu'era Generalitat convòque en tèrme maxim de sies mesi eth referendum a qué hè referència era letra b.

2. S'era prepausa de reforma non ei aprovada peth Parlament, pes Corts Generaus o peth còs electorau, non pòt èster sometuda nauament ath debat e era votacion deth Parlament enquia qu'age passat un an.

DISPOSICION ADDICIONAU PRUMÈRA

Designacion de senadors

1. Correspondent al Parlament de designar als senadors que representen ara Generalitat en Senat, enes tèrmes qu'establís ua lei aprovada pera majoria absoluta deth Plen deth Parlament en ua votacion finau sus eth conjunt deth tèxte. Era designacion s'a de hèr damb ua convocatòria especifica e en proporcion al nombre de deputats de cada grop parlamentari.

2. Eth Parlament, mejançant ua lei aprovada en ua votacion finau sus eth conjunt deth tèxte per majoria absoluta, a d'adecuar es normes relatives ara eleccion des senadors ara reforma constitucionau deth Senat, en aquerò que i correspongue.

DISPOSICION ADDICIONAU DUSAU

Acòrds damb eth Govèrn der Estat

S'er Estatut establís qu'era posicion deth Govèrn dera Generalitat ei determinanta entà conformar un acòrd damb eth Govèrn der Estat e aguest non l'acuelh, eth Govèrn der Estat ac a de motiar dauant era Comission Bilaterau Generalitat-Estat.

DISPOSICION ADDICIONAU TRESAU

Inversions en infraestructures

1. Era inversion der Estat en Catalunya en infraestructures, excludit eth Hons de compensacion interterritoriau, s'a d'equiparar ara participacion relativa deth producte interior brut de Catalunya damb relacion al producte interior brut der Estat per un periòde de sèt ans. Aguestes inversions pòden emplegar-se tanben entath liberament de peatges o era construccion d'autovies alternatives.

2. Ad aguest fin, s'a de constituir ua comission integrada pes administracions estataus, autonomica e locau.

DISPOSICION ADDICIONAU QUATAU

Capacitat de finançament

1. Era Comission Mixta d'Ahers Economics e Fiscaus Estat-Generali-

tat a d'elaborar es informes de besonh entà avalorar eth compliment de çò que dispuse er article 201.4.

2. Es mecanismes qu'eventuaument s'agen d'establir entà accomplir çò que dispuse er article 201.4 se pòden aplicar graduaument enquia ar-ténher er objectiu.

DISPOSICION ADDICIONAU CINCAU

Revision deth regim especiau der Aran

A compdar dera entrada en vigor d'aguest Estatut, en tèrme de quate ans s'a de revisar e modificar eth regim especiau d'Aran entà adaptarlo, en çò que calgue, a çò qu'establís aguest Estatut.

DISPOSICION ADDICIONAU SIESAU

Administracion ordinària

Era Generalitat serà Administracion ordinària der Estat en Catalunya ena mesura que li siguen transferides, mejançant es esturments que corresponguen, es foncions executives que complís era Administracion der Estat per miei des sòns organs territoriaus en Catalunya.

DISPOSICION ADDICIONAU SETAU

Relacion de tributs credits

Ar efècte de çò qu'establís er article 203.2, en moment dera entrada en vigor d'aguest Estatut an era consideracion de:

a) Tributs estataus credits totaument:

Impòst sus successions e donacions.

Impòst sus eth patrimòni.

Impòst sus transmissions patrimonials e actes juridics documentats.

Tributs sus jòcs d'edart.

Impòst sus es vendes al detalh de determinadi idrocarburs.

Impòst sus determinadi mieis de transpòrt.

Impòst sus era electricitat.

b) Tributs estataus credits parciaument:

Impòst sus era renda des personnes fisiques.

Impòst sus eth valor hijut.

Impòst sus idrocarburs.

Impòst sus es labors deth tabac.

Impòst sus er alcohol e begudes derivades.

Impòst sus era cervesa.

Impòst sus eth vin e begudes fermentades.

Impòst sus es productes intermieis.

Eth contengut d'aguesta disposicion se pòt modificar per miei d'un acòrd entre eth Govèrn dera Generalitat e eth Govèrn der Estat, eth quau a de tramitar coma projècte de lei. Ad aguest efècte, era modificacion d'agues- ta disposicion non se considèrera coma modificacion der Estatut.

Er artenhuda e es condicions dera cession an d'ester establidi pera Comission Mixta a qué hè referéncia er article 210 que, en tot cas, l'a de referir as rendiments en Catalonha. Eth Govèrn a de tramitar er acòrd dera Comission coma projècte de lei.

DISPOSICION ADDICIONAU UEITAU

Cession der impòst sus era renda des personnes fisiques

Eth prumèr objècte de lei de cession d'impòsti que s'apròve a compdar dera entrada en vigor d'aguest Estatut a de contier, en aplicacion dera disposicion anteriora, un percentatge de cession der impòst sus era renda des personnes fisiques deth 50%.

Se considèrera coma produsit en territori dera comunitat autonòma de Catalonha eth rendiment credit der impòst sus era renda des personnes fisiques que correspon aas subjèctes passius que i an era sua residéncia abituau.

Igualment, s'a de prepausar d'aumentar es competéncies normatives dera comunitat sus eth nomentat impòst.

DISPOSICION ADDICIONAU NAUAU

Cession der impòst sus idrocarburs, der impòst sus es labors deth tabac, der impòst sus er alcohol e begudes derivades, der impòst sus era cervesa, der impòst sus eth vin e begudes fermentades e der impòst sus productes intermieis

Eth prumèr projècte de lei de cession d'impòsti que s'apròve a compdar dera entrada en vigor d'aguest Estatut a de contier, en aplicacion dera disposicion addiccionau setau, un percentatge de cession deth 58% deth rendiment des impòsti següents: er impòst sus idrocarburs, er impòst sus es labors deth tabac, er impòst sus er alcohol e begudes derivades, er impòst sus era cervesa, er impòst sus eth vin e begudes fermentades e er impòst sus productes intermieis. Era atribucion ara comunitat autonòma de Catalonha ei determinada en fucion des in-dèx qu'en cada cas corresponen.

DISPOSICION ADDICIONAU DETZAU

Cession der impòst sus eth valor hijut

Eth prumèr projècte de lei de cession d'impòsti que s'apròve a compdar dera entrada en vigor d'aguest Estatut a de contier, en aplicacion dera disposicion addiccionau setau, un percentatge de cession deth 50% deth rendiment der impòst sus eth valor hijut.

Era atribucion ara comunitat autonòma de Catalonha se determine en fucion deth consum en sòn territori.

DISPOSICION ADDICIONAU ONZAU

Capacitat normativa

En encastre des competéncies e dera normativa dera Union Europèa, era Administracion Generau der Estat a de cedir competéncies normatives sus er impòst sus eth valor hijut enes operacions amiades en fasa detalhista es destinataris des quaus non agen era condicion d'em-presaris o professionaus e ena tributacion en fasa detalhista des productes gravadi pes impòsti especiaus de fabricacion.

DISPOSICION ADDICIONAU DOTZAU**Interpretacion armonica**

Es normes dera lei organica a què hè referéncia er article 157.3 dera Constitucion e es normes contengudes ena guest Estatut s'an d'interpretar armonicament.

DISPOSICION ADDICIONAU TRETZAU**Hons pròpries e comuns damb d'auti territoris**

Es hons pròpries de Catalonha plaçadi en Archiu dera Corona d'Aragon e en Archiu Reiau de Barcelona s'intègren en sistèma d'archius de Catalonha. Entara gestion eficaça dera rèsta de hons comuns damb d'auti territoris dera Corona d'Aragon, era Generalitat a de collaborar damb eth patronat der Archiu dera Corona d'Aragon, damb es autes comunitats autonòmes que i an hons compartits e damb er Estat per miei des mecanismes qu'establisquen de mutuau acòrd.

DISPOSICION ADDICIONAU CATORZAU**Jocs e apòstes**

Cò que dispause er article 141.2 non ei aplicable ara modificacion des modalitats des jocs e apòstes atribuïts, entà finalitats sociaus, as organizacions d'encastre estatau, de caractèr social e sense finalitat de lucre, cossent damb cò que dispause era normativa aplicable as dites organizacions.

DISPOSICION ADDICIONAU QUINZAU**Transparéncia**

Er Estat, en compliment deth principi de transparéncia, a de publicar era liquidacion provinciau des diuèrsi programes de despensa publica en Catalonha.

DISPOSICION TRANSITÒRIA PRUMÈRA**Adaptacion des leis e es normes damb reng de lei**

1. Es leis deth Parlament e es normes damb reng de lei deth Govèrn vigentes en moment dera entrada en vigor d'aguest Estatut qu'even-

tuaument poguen resultar incompatibles damb es drets reconeishuts peth títol I mantien era vigència per un tèrme maxim de dus ans, en quau an d'èster adaptades ara regulacion estableida per aguest Estatut.

2. Es grops parlamentaris, es membres deth Parlament, eth Govèrn e eth Sindic de Grèuges, en tèrme establiti per apartat 1, pòden sollicitar dictamen ath Conselh de Garanties Estatutàries, enes tèrmes establits per lei, sus era compatibilitat damb er Estatut des leis deth Parlament o des normes damb reng de lei dictades peth Govèrn abans dera entrada en vigor d'aguest. Eth dictamen non a valor vinculant e pòt hè recomanacions ath Parlament o ath Govèrn entà modificar o derogar es normes que considere incompatibles.

DISPOSICION TRANSITÒRIA DUSAU**Vigència de disposicions transitòries anteriores**

Es disposicions transitòries tresau, quatau e siesau dera Lei organica 4/1979, deth 18 de deseme, d'Estatut d'autonomia de Catalonha, mantien, en çò que correspon, era vigència coma regulacion transitòria.

DISPOSICION DEROGATÒRIA

Se derògue era Lei organica 4/1979, deth 18 de deseme, d'Estatut d'autonomia de Catalonha.

DISPOSICION FINAU PRUMÈRA**Aplicacion des precèptes deth Títol VI**

- Era Comission Mixta d'Ahèrs Economics e Fiscaus Estat-Generalitat a de concretar, en tèrme de dus ans a compdar dera entrada en vigor d'aguest Estatut, era aplicacion des precèptes deth títol VI.
- Es precèptes deth títol VI se pòden aplicar de manera graduau en tot atier ara sua viabilitat financiera. En tot cas, aguesta aplicacion a d'èster pleament efectiva en tèrme de cinc ans a compdar dera entrada en vigor d'aguest Estatut.

DISPOSICION FINAU DUSAU**Era Agéncia Tributària de Catalonha**

Era Agéncia Tributària de Catalonha, a qué hèr eferéncia er article 204, s'a de crear per lei deth Parlament, en tèrme d'un an a compdar dera entrada en vigor d'aguest Estatut.

Es foncions qu'en aplicacion d'aguest Estatut corresponen ara Agéncia Tributària de Catalonha an d'ester exercides, enquia qu'aguesta se constituísque, pes organs que les acomplien enquia alavetz.

DISPOSICION FINAU TRESAU**Tèrme de creacion dera Comission Mixta d'Afèrs Economics e Fiscaus Estat-Generalitat**

Era Comission Mixta d'Ahèrs Economics e Fiscaus Estat-Generalitat, qu'establís er article 210, s'a de crear en tèrme de sies mesi a compdar dera entrada en vigor d'aguest Estatut. Mentre non se constituísque, era Comision Mixta d'Avaloracions Estat-Generalitat n'assumís es competéncias. Era constitucion dera Comission Mixta d'Ahèrs Economics e Fiscaus Estat-Generalitat compòrte era extincion immediata dera Comission Mixta d'Avaloracions Estat-Generalitat.

DISPOSICION FINAU QUATAU**Relacion d'entitats economicas e financières**

Era Comission Mixta d'Ahèrs Economics e Fiscaus Estat-Generalitat, en tèrme de sies mesi a compdar dera entrada en vigor d'aguest Estatut, a de determinar era relacion des entitats a qué hè referéncia er article 182.

Índex**7 PREAMBUL****II TÍTOL PRELIMINAR****17 TÍTOL I****DES DRETS, DÉUERS E PRINCIPIS RECTORIS**

- 17 Capítol I. Drets e déuers der encastre civiu e sociau
- 22 Capítol II. Drets en encastre politic e dera Administracion
- 24 Capítol III. Drets e déuers lingüistics
- 26 Capítol IV. Garanties des drets estatutaris
- 27 Capítol V. Principis rectors

37 TÍTOL II**DES INSTITUCIONS**

- 37 Capítol I. Eth Parlament
- 43 Capítol II. Eth president o presidenta dera Generalitat
- 44 Capítol III. Eth Govèrn e era Administracion dera Generalitat
- 47 Capítol IV. Es relacions enter eth Parlament e eth Govèrn
- 48 Capítol V. D'autes institucions dera Generalitat
- 52 Capítol VI. Eth Govèrn locau
- 57 Capítol VII. Organizacion institucionau pròpria d'Aran

59 TÍTOL III**DETH PODER JUDICIAU EN CATALONHA**

- 59 Capítol I. Eth Tribunau Superior de Justícia e eth fiscau o era fiscala superior de Catalonha
- 61 Capítol II. Eth Conselh de Justícia de Catalonha
- 63 Capítol III. Competéncias dera Generalitat sus era Administracion de Justícia

⁶⁹ TÍTOL IV

DES COMPETÉNCIES

⁶⁹ Capítol I. Tipologia des competéncies

⁷¹ Capítol II. Es matèries des competéncies

¹¹⁷ TÍTOL V

DES RELACIONS INSTITUCIONAUS DERA
GENERALITAT

¹¹⁷ Capítol I. Relacions dera Generalitat damb er Estat
e damb d'autes comunitats autonòmes

¹²² Capítol II. Relacions dera Generalitat damb era Union Europèa

¹²⁵ Capítol III. Accion exteriora dera Generalitat

¹²⁹ TÍTOL VI

DETH FINANÇAMENT DERA GENERALITAT

¹²⁹ Capítol I. Es finances dera Generalitat

¹³⁶ Capítol II. Eth pressupòst dera Generalitat

¹³⁷ Capítol III. Es finances des govèrns locaus

¹⁴¹ TÍTOL VII

DERA REFORMA DER ESTATUT

¹⁴⁴ DISPOSICIONS ADDICIONAUS

¹⁴⁸ DISPOSICIONS TRANSITÒRIES

¹⁴⁹ DISPOSICION DEROGATÒRIA

¹⁴⁹ DISPOSICIONS FINAUS

Catalunya
[Estatut (2006). Aranès]

Estatut d'autonomia de Catalonha 2006
I. Catalunya. Generalitat II. Títol
1. Catalunya. Estatut (2006)
342.4(467.1)"2006"(094)

Coordinacion: Direccio Generau de Difusion Corporativa

© Antoni Tàpies, pera imatge de portada

Traduccions: Conselh Generau d'Aran, damb era collaboracion deth Parlament de Ca-
talunya

Dessenh: +3

Edicion: Entitat Autonòma deth Diari Oficiau e de Publicacions

Impression e enquadracion: BIGSA Industria Gràfica

Depaus legau: B-42466-2006